













IOANNIS DEMETRII SVLIKOVII  
Archiepiscopi Leopoliensis

COMMENTARIVS  
BREVIS  
RERV POLONICARVM

A morte  
SIGISMVNDI AVGVSTI  
Poloniæ Regis,  
Anno M D LXXII Mense Iulio  
Knifini mortui.

DANTISCI,

*Sumptib. Georgii Försteri*

*Bibliopole Regii A° 1647.*

*Com Privilegio S. R. M. Poloniæ et Succ. etc.*



Illustrissimo & Excellentissimo

D O M I N O ,

D. A D A M O

à C A S A N O W ,

Antea Archi-Camerario & Castellano Sandomiriensi; nunc verò Curiae Regni Marschalco, Borysoviensi, Solecensi, Bielscensi, Kosienensi, Neoforensi, Varecensi Capitaneo; in Czaſniki, Czepielow & Praga ad Viſtulam Domino & Hæredi; Salisfodinarum Wielicensium ſupremo Adminiſtratori;

Domino meo gratioſiſſimo.



Væ fuerit Reipublicæ  
Polonæ facies, poſt ex-  
ceſſum Divi Auguſti, ul-  
timi Iagellonidum, ſi pa-  
ternam ſpectes lineam,  
& quomodo ratis iſthæc in impetuo-  
ſiſſimo

# DEDICATIO.

fissimo aliquot Interregnorum mari, fluctibus plusquam decumanis hinc inde agitata, ac misere conquassata; donec tandem superûm gratia, felicissimo Archithalasso Sigismundo tertio ad ejus gubernacula admoto, uno propè momento tempestas desit, & dudum optata malacia rediit, claris scriptoribus hætenus nondum memoratum est. Ploranda etenim magis quam memoranda illa videbantur tempora, quibus varie exagitata Respublica, ubi fors aliquandiu respirasse credebatur, derepente iterum ac ex improviso, novam, & si fateri fas est, semper periculosiorem novo ex Interregno passa recidivam, ut etiam  
faga-

## D E D I C A T I O.

sagacioribus omnimodam sui ruinam  
 minari haut vanè autumaretur, nî At-  
 lantes aliqui superfuissent, qui pro-  
 priis humeris, aut verius insigni sua  
 prudentia ac fortitudine heroica, labe-  
 scentem Rempubicam sustinuissent.  
 Sed ita fert communis mortalium fors,  
 quod in corporibus probè constitutis  
 videmus, quæ si morbus invadat ve-  
 hementior, haut longè ab ipso absunt  
 interitu : terra insuper, quæ omnium  
 mater ac benigna altrix est, si quando  
 internis flatibus ac ventis agitari quas-  
 sarique cœperit, haut facile, & non-  
 nisi cum magna Urbium, quandoque  
 etiam Regionum integrarum strage,  
 ad suam redit quietem. Quid ergo  
 \* 3 mirum,

# D E D I C A T I O.

mirum, si Regnis ac Rebuspublicis optime etiam constitutis idem aliquando contingat? Certè quò illæ perfectiores majoreque libertate gaudentes, eò gravioribus expositæ mutationibus. At vicissitudines illæ horrendæ, tum inprimis sese palam exerunt, siquando ista, proh dolor! tempora incidunt, ubi malitia licentiosa caput erigere ac foras prodire audet; ubi, inquam, quod cuivis pessimo lubet etiam licet; denique, illi ipsi qui paulo ante regebantur, orbatidum capite suo, Reges esse, aut videri volunt: tùm quippe ambitio maxime dominatur, cum sub specie libertatis delitescere potest. Experta hanc malorum

# DEDICATIO.

lorum Iliadem Respublica Polona sæpenumero, imò toties quoties Regibus suis naturalibus, deficiente stirpe, aliquousque caruit, & si probè Annalium nostrorum scriptores calculum posuère, octenis jam ante vicibus. Verum enimverò quantula ista videntur Interregna, si ad illa, quæ D. Augusti mortem excepere, comparentur? Ista sub ipsa quasi infantia Reipublicæ, aut in juvena; at hæc nostra in virili ætate contigisse palam est: exinde etiam majora & asperiora fuere. Scilicet ita omninò est, quod sub Sigismundi primi Patris, atque Augusti nati felicissimo regimine ipsa etiam Polona Respublica ad summum  
feli-

# D E D I C A T I O.

felicitatis humanæ culmen pervenerit,  
 unde majores quoque alterationes  
 timere habuit necesse. Nam postea-  
 quam augustum illud maximorum  
 Regum par occubuit, illicò Respubli-  
 ca Interregnis longè quam ante peri-  
 culosioribus laborare ac collidi cœpit.  
 Paucos sanè intra annos, & nondum  
 tribus integrè exactis lustris, tria ma-  
 jorum ætas vidit Interregna, quæ  
 quanto crebriora, eo semper pericu-  
 losiora, & cum extremo quandoque  
 Reipublicæ excidio conjuncta, ut jam  
 passim apud hæreditarios hujus Regni  
 hostes nefanda illa vox audiretur : Ite  
 exequias, quibus commodum est,  
 Reipublicæ Polonæ. Sed non sic Di-  
 vinum



D E D I C A T I O.

vinum Numen, cuius nutu ac voluntate cuncta Imperia stant caduntque, Regnum hocce, ut Reipublicæ Christianæ fortissimum maneret propugnaculum, & antemurale adversus immanissimos nominis Christiani hostes, forti brachio tenuit sustinuitque, ac fausto tandem sydere affulgens, cælitus dimisit fortissimum ac felicissimum Libertatis Polonæ vindicem Sigismundum Tertium, in cuius generosa propagine Vladislao Quarto victoriosissimo ac iustissimo, gratia Dei hucusque firmiter stat, stabitque porro in sera posteritate, quod cuncti boni pariter vovent sperantque. Cum itaque Historia illorum temporum, quam Vir

\* \*

in

# D E D I C A T I O.

in Republica Polona summus, in ordine verò Senatorio secundus, tanquam oculatus testis literis consignavit, ad meas pervenisset manus, haut multum diuque dubitavi pro eo affectu, quo erga dulcissimam hancce communem Patriam feror, in eruendis, sicubi extant, domesticis nostris Scriptoribus, ac luce donandis publica, ejusmodi Authorem cedro quovis dignum, in universi Orbis Theatrum producere, & ut majorem legentibus pareret gratiam, nitidiore typo describere, atque insimul Historiæ domesticæ defectum, qui hucusque fuit, refarcire. Illud verò opus maximi Senatoris ac optimi Civis Patriæ, quò desideratius

# DEDICATIO.

deratius à multis hætenus habitum ,  
ac revera magnum ac desiderabile est,  
eo sane majorem illi Patronum adsci-  
scere , par omnino fuit. Occurristi Tu  
præ omnibus unus, Vir Illustrissime &  
Excellentissime , cui illud jure quo-  
dam proprio inscribendum venit ;  
tùm quod ibidem non raro Tuorum  
gentilium facta præclara , ac divinæ  
propemodum Virtutes occurrant , se-  
seque clarissimè conspiciendas præ-  
beant ; quomodo nimirum illi pro hac  
Republica, eo imprimis tempore, cum  
jam prope conclamata esset , diligen-  
ter excubârint , & horrenda pericula ,  
quæ cervicibus ejus imminebant , to-  
ties quoties averruncarint: tum ut hac

# D E D I C A T I O.

quasi in tabella publicè profiterer, quantum scilicet eximiis Tuis in Rempublicam Nostram etiamnum videntibus ac vigentibus meritis, & eximiis animi dotibus, quibus polles, tribuam. Sane dignus videris, qui in Catalogum magnorum Sarmatiæ Heroum, post sera tua fata relatus, exemplum boni Civis ac integri Senatoris omni posteritati præbeas. Eam majores Tui virtutis viam semper ingressi, ut pro salute publica mille subire mortes, seque totos devovere maluerint, quam pati, ut illa vel tantillum periclitaretur. Tu vero, Illustrissime ac Excellentissime Domine, Tuis majoribus in omnibus par omnino, si non etiam  
supe-

# D E D I C A T I O.

superior, certè in eo summus, quod  
 iudicio prudentissimi Regum Vladislai  
 Quarti , Curia Regni Mareschalcus  
 (qui honor nonnisi probatissimis ac in-  
 tegerrimis Viris dari consuevit ) ele-  
 ctus, Tibi Aulæ supremum regimen  
 concessum, jus denique vitæ ac necis  
 datum in eos , quos recta ratio intra  
 officii debiti cancellos continere haut  
 valet. Illud vero Officium, quod in  
 Polona Republica primum est ac præ-  
 cipuum, summa innocentia, sanctitate  
 ac iustitia ita cum laude administras ,  
 ut non minus amandus sis bonis,quàm  
 metuendus malis. Accipe ergo, Illu-  
 strissime & Excellentissime Domine,  
 authorem in Historia patria summum,

# DEDICATIO.

Tu qui ipse es maximus, & cui non nisi summa quævis placere possunt aut debent, eadem precor fronte vultuque, quo ad magna enitentes semper affoles, meque in numerum Tuorum Clientum clementer adscribe, ac contra livorem, qui individuus Virtutis comes est & afflecla, fortiori manu protege. Ita ego ad majora faventibus superioribus indies adnitar, studeboque seculum nostrum Orbemque Sarmaticum optimo quovis scriptorum genere exornare, quorum plerique adhuc, (quod dolendum ne magis, an indignandum?) cum blattis ac tineis pugnant, quos ego omni studio ab interitu vindicare conabor. DEVS  
Tibi

D E D I C A T I O.

Tibi, Illustrissime & Excellentissime  
Domine, longævam precor vitam con-  
cedat, detque ut anni tui Nestoreos  
superent, quo diu Republicæ Polonæ  
usui & ornamento esse queas. Ita  
vovet, qui Tuas Virtutes submisſe  
veneratur

Gedani 2 May  
Anno 1647.

GEORGIVS FÖRSTERS.

THE UNIVERSITY OF CHICAGO



IOANNIS DEMETRII SVLIKOVII

Archiepiscopi Leopoliensis

# COMMENTARIVS

BREVIS

RERVM POLONICARVM

A morte Sigismundi Augusti Poloniae Regis,

Anno M D LXXII Mense Iulio

Knisini mortui.



Mortuo Sigismundo Augusto, Poloniae Rege, ex stirpe Iagiellonica è paternali-

*Post excessum Augusti Interregnum.*

nea ultimo, res ad Interregnum devenit. Obstupuit novo aspectu rerum Republica. Et nemo erat quin regem novum magno Reipublicae discrimine partum iri, putaret. Restabat in Regno superstes Sigismundi Primi Filia, Soror Sigismundi Augusti, Virgo *Anna*; profectionis licet ætatis, nuptiis tamen speratis, adhuc non

*Res dubia in Polonia.*

A

in-

*Regni Pri-  
mate effeto.*

*Et ob Reli-  
gionum di-  
versitatem.*

*Invigilante  
nihilomi-  
nus Karn-  
kovic.*

*Et Aulicis  
quibusdam,*

inepta, nec importuna, servando utcunq̃ue  
in concordia Regno. Primas Regni *Iaco-  
bus Vchanius* Archiepiscopus Gneznenfis,  
homo grandævus, de more præerat rebus,  
sed ob varietatem Religionis, hoc Rege  
in Regno, è vicinis Germaniæ locis, con-  
tractam, solutiore factâ legum & ordinis  
politici disciplinâ, qui tùm inter Sectarios  
magis eminebat *Ioannes Firleius à Dabrovica*  
Palatinus Cracoviensis, & Regni Mar-  
schalcus, ab eo primitialis dignitas, quæ  
penes Archiepiscopum erat, ita oppugna-  
batur, ut ea ferè interverti, atquè alio  
transferri potuerit, nisi *Stanislai Karnkovii*  
Episcopi Vladislaviæ vigilantia, consiliis &  
dexteritate facta tecta Archiepiscopo con-  
servata fuisset. Desiderabantur pleraque in  
Rege mortuo. Igitur ab omnibus uno ferè  
spiritu emendatior Reipublicæ Status præ-  
optabatur. Idem studium & Aulam Re-  
giam invaserat. In qua *Ioannes Lesniovius*, *Io-  
annes Thomas Drohoievius*, & *Ioannes Deme-  
trius Solikovius* Aulici & Secretarii Regis,  
absentibus iis ad quos res eæ spectabant,

or-

ordine dato , in rebus omnibus universis Aulæ Ministris ; antequam Senatores ad funus Regis convenissent , ita integra omnia Reipublicæ conservarunt , ut omnibus probis , ac populo universo rem gratam fecerint , & factiosis quibusdam Reipublicæ Civibus secus de se sentiendi occasionem dederint. Res tamen omnis ita Aulicis successit , ut & honestè Regis defuncti existimationi consultum , & pecunia dissolvendis Aulæ stipendiis reperta : & Tykocinensis Arx cum Regni Gazophylacio , à direptione conservata fuerit. Regno igitur , ut diximus , dissidio Religionum debilitato , hominum animi in diversa studia trahebantur , & frustra convocante Primæte , quæque terræ suos Conventus Cracoviam , Cnifinum , Glinianos , & in alia loca agebant ; sed nihil agebant : Deus enim & Regni adhuc Statum conservabat , & Populus rerum ipsam novitatem omnem suspectam habebat. Et Karnkovius ipse Episcopus ( uti dictum est ) ita rebus Reipublicæ invigilabat , ut & novatorum Con-

*Quævis  
terra suos  
instituit  
Conventus.*

*In unum  
tandem lo-  
cum omnes  
conveniunt,  
Kaskos.*

ventus debilitaret , & unum legitimum  
Conventum autoritate Primatis indicen-  
dum , indefesso studio , procuraret. Quo  
nomine multa certamina præsertim cum  
Sectariis ambitiosis habuit. Successum res  
habuit. Nam post varias disceptationes, &  
tùm literarum , tüm Nunciorum missita-  
tiones, tandem Majoris & Minoris Polo-  
niæ Consiliariis, ad Villam *Kaskos*, cis Var-  
saviam sitam, collectis , felix rebus auspi-  
cium datum est. Firleius Marschalcus Pri-  
matis ac Senatus jussu omnia administran-  
da suscepit , sic & suspensiones mutuæ sub-  
latæ , & sua Primati autoritas confirmata.  
Convocatio quoque , quæ more recepto  
Electionem Regis antecedere solet, Var-  
saviæ dicta , sed dum initio , non is ante  
Cascensem congressum esset in rebus or-  
do , qui meritò esse debuerat , in Regni  
providendis finibus , aperta ab omni parte  
Polonia , Externorum Principum literæ,  
& Nuncii, per omnes Regni partes discur-  
fabant , & tanquam in ignotæ Regionis  
umbra errantes , quos poterant , quibuscum-  
que arti-

artibus norant, præhensabant. In iis præcipui fuerunt Austriæ principes, & Galli, ut innumerum aliorum Candidatorum segetem omittam, quorum quidam timida audacia freti, tantum Regni onus non detrectassent, si fortunam propitiam habuissent. Germani certè per Polonias, Lithvaniam, & Prussiam discurrentes, & munera in vulgus spargentes, magnâ se induebant invidiâ. Galli verò, paulò prudentius, nec fines Regni attingere se velle, sine Senatus Regni autoritate præ se tulerunt, & finitimo Capitaneo locum sibi designante, Kaszkos tales literas submiserunt, ut facilem sibi viam ad reliqua, quæ animo conceperant apud Polonos, gentem laudis cupidam, sternerent. Ita Varsaviæ Convocatio dicta. Karnkovius Episcopus cum Siracovio Palatino Lanciciensi Lomfam ad Reginam missi ab ipsa præhensanda, Nuncios Externos removerunt, & ipse Karnkovius eam Piafecinum adduxit, se per omnia Senatus autoritati, & fidei permittentem. Quæ Convocatio postquam advenit,

*Externo-  
rum Prin-  
cipum am-  
bitus.*

*Contra quos  
Regina An-  
na munivit.*

in ea Reginae Aulæ Militum negotia ad Electionem dilata , ipsaque Electio in Aprilem Mensem proximè sequentem ad amissim antiquam & pace publica procurata, rebusque quoad ejus fieri potuit, Ordine dato , indicta fuit. Comititia Electionis Regis gratia, invocato Spiritus Sancti Numine in *Campo Caminensi* ad Varsaviam ultra flumen Istulam celebrata sunt : Omnes Palatinatus stationes proprias habebant : Proponente Primате , dirigente Karnkovio , res gerebantur. Dux in Prussia *Albertus Fridericus* locum in Senatu ad ferendam sententiam deposcebat. Lithvani per unionem sibi adempta repetebant. Prussi executionis Alexandrini Statuti moderationem expetebant. Russi defensionem sui à Turcis & Tartaris exigebant. Milites & Aulici stipendia retenta sibi solvi postulabant. Et quisque ferè non solum ex Communitatibus, sed etiam ex privatis, quod ad se spectare judicabat, obtinere nitebatur, & majore quidem quisque animo, quando Rege absente, ad se quisque

Rem-

*Comitia Electionis in campo Caminensi.*

*Dux Prussiae locum in Senatu deposcit.*

*Alii alia.*

Rempubicam, æquali Iure pertinere iudicabat. Prudentiâ Senatus omnia & singula sic ponderabantur, & moderabantur, ut in eligendi Regis negotio secura navigatio esset. Ad Electionis ipsius actum gravissimum cum esset perventum, ordo per omnia æquitati congruens servatus est: Pax & securitas publica procurata: Palatinatus omnes suorum territoriorum Nobiles continebant. Qui ubi sententias suas de Rege creando dixerunt, eas scripto comprehensas ad commune Regni consilium destinabant. Duo fuerunt ii tales communes & universales Confessus, unus Senatorum sub tentorio amplissimo, & spectatissimo: alter sub dio Deputatorum ex Palatinatibus Regni Nobilium. In hoc articuli Regi futuro, ordine electo, conscribebantur; In illo ponderabantur. In hoc Confœderatio dissidentium de Religione proponebatur; in illo, partim reprobabatur, partim dissimulabatur. Ab omnibus tamén eadem salus, & pax Patriæ, sed non eodem modo, procurabatur. Data hac rebus forma  
in

*Ordo circa  
Electionem  
quinam  
servatus.*

in communi omnium Ordinum tam Senatus Confessa, quàm Equestris Ordinis assistentia, auditæ Legationes Externorum Principum, Papæ, Cæsaris, Galliæ, Suecorum, Germanorum. Hispanus Gallo nolens postponi, salutatâ solummodò Regina, in diverforio remansit. Summi Pontificis Orator fuit, *Ioannes Franciscus Cardinalis Commendorius*, Cæsaris *Rosembergius*, & *Perenstainus*; Galliarum Regis, *Ioannes Monlucius Episcopus* & Comes Valentiae, cum *Noiallo*, & *Lansaco*. Mirati sunt, & laudaverunt omnes ii Copias Equestres Polonorum, quas in campis videbant. Auditis legationibus modo præscripto, per Satrapias seu Palatinatus dictæ sunt Sententiæ. Oratores à loco Electionis excedere iussi, quin & dum non pauci ex domesticis nominarentur, Piaſtorum populari nomine, eos unus ex Equestri Ordine *Ioannes Zamoscius* Capitaneus Belzénſis si nomenclaturam Nominis Regii acceptarent, etiam ab Electione abesse iussit. Quibus in angustum redactis Regni ambitui eos valedicere

*Candidati  
ab Electione  
iussi abesse.*



dicere in conspectu omnium fecit, qui latius ea scribunt, & nomina eorum exprimere poterunt. Exclufis jam Piaftis de externis dictæ sunt, & collatæ sententiæ: & ne in tanti momenti re fraus cuiquam efferet, & Reipublicæ constaret res clarior, cuiquæ Candidatorum Regni fui advocati dati sunt. Ernesto, Maximiliani Imperatoris Filio, *Petrus Miskovius* Episcopus Plocensis. Henrico Duci Andegavenfi, Regis Galliarum Fratri, *Stanislaus Karnkovius* Episcopus Vladislaviæ. Ioanni Tertio Regi Sueciæ, *Nicolaus Mielecius* Palatinus Podoliæ, quisque cum collegis pluribus. Qui cum pro suis Candidatis uberrimè differuissent, & tam commoda, quàm incommoda, in medium producta, accuratè excussissent, omnium hominum non obscurus favor in *Henricum Gallum* Karnkovii Candidatum enituit. Cumque semel ac iterum sententiæ singulorum Palatinatum exciperentur: omnes ferè Henrico, paucissimos aliis nomina sua dare constabat. Quo animadverso, Ioannes Firleius Cracoviensis, &

*Civis  
Candida-  
torum datus  
Advocatus.*

*Vota om-  
nium pro  
Henrico  
Andega-  
venfi.*

B

Ni-

*Grocho-  
viensis Se-  
cessio.*

*Confœdera-  
tio Dissi-  
dentium.*

Nicolaus Mielecius Podoliæ Palatini, unâ cum aliis paucis, quos penes erat Confœderatio de Religione, *Grochorviam*, *Secessione* facta, aliquoties ad commune consilium invitati, venire recusarunt. Eam Confœderationem nemo Episcoporum subscripsit, imò & Catholici seculares paucissimi, præter *Franciscum Krassinium* Episcopum Cracoviensem, qui eam, reclamantibus & contra protestantibus, tum Spiritualibus, tum secularibus omnibus, parum prudenti concordiæ studio, quod ei tamen postea semper doluisse fertur, subscripsit. Hoc diffidio invalescente, commune consilium Archiepiscopo institit, ut Regem Henricum renunciaret. Dies autem jam erat pridie Pentecostes. Sole jam ferè occumbente, intervenit Mielecius Podoliæ Palatinus, & ut ad diem proximum Lunæ eam renunciationem differret Archiepiscopus, magnis precibus ab eo contendit, & evicit, præsertim cum indecorum diceret, Regem tam Illustrum nocturno ferè jam tempore renunciari, & speraret, alterius sen-

sententiæ homines, quos jam in personam consentire non ignoraret, renuntiationi adfuturos esse. Itaque die Lunæ disceptationibus denuð extracto, ad vesperam die vergente, nè simili modo negotium in crastinum differretur, instantibus omnibus Archiepiscopo, ut Regem renunciaret, illoquè assurgente, *Andreas Comes Gorcanus*, à Grochoviensi parte cum Diplomate Confœderationis in medium ingressus, verba facere cœpit. Et cum primum à populo auditus est dixisse, jam suos, à quibus missus esset, in Henricum pleno animo consensisse; ita clamore, & gratulationibus obrutus est, ut extrema verba ejus non audirentur. Et Archiepiscopus, maximis vocibus hominum excitatus, ab astantibus rogans, *num vellent, juberent Regem Henricum renunciar*, cunctisque succlamantibus, *renunciandum*, Henricum Regem renunciavit. Et profectò tùm ab omnibus prudentibus viris censitum est, Regem nequè meliorem, neque clariorem, neque rebus & gloriæ Polonorum accommodatiorem eligi

*Renunciatio Regis Henrici.*

potuisse. Renūciatione factâ, clangor tubarum insonuit, machine displosæ, & omnia per campos gratulationis & lætitiæ publicæ signa edita: atquē ad Templum majus Sancti Ioannis Laudes Deo cantatæ. Qua-

*Monlucius  
Henrici  
Legatus in  
conditiones  
Regni iu-  
vat.*

triduo post accito in Castra Monlucio, ac pro Rege renunciato in conditiones Regni jurante, ubi, inter cætera, & Confœderatio diffidentium de Religione illi à Firleio Marshalco oblata fuit, Rex idem Henricus, solenni ritu ex Officio Marshalci Regni declaratus est. Re cognitâ, aliorum Principum Oratores, qui per oppida vicina exitum negotii expectabant, agmine silenti discedebant. Monlucius verò, tanquam re bene gestâ, & cognitis Oratorum Regni, qui ad novum Regem destinabantur, nominibus, per Germaniam, arte,

*Oratores in  
Galliam  
quinam  
missi.*

quâ poterat, in Galliam pervasit. A Regno inde Oratores in Gallias missi; octo ex Senatu, *Adamus Konarski* Episcopus Posnaniensis, *Albertus Lascius* Palatinus Syradiensis; *Ioannes Baptista Comes Tencinius* Woynicensis, *Ioannes Tomicius* Gneznensis, *Ioannes*

*Her-*

*Herburtus* Sanocensis , *Andreas Comes Gorcanus* Miedzyrzecensis , *Stanislaus Kriscius* Racianensis, Castellani. *Nicolaus Christophorus Dux Radivilus* , Lithvaniae Marshalcus. Quinque ex Equestri Ordine; *Nicolaus Firleius* Palatinides Cracoviensis, Casimiriensis. *Ioannes Zamoscus* Belzensis , *Zavichovienis* , *Ioannes Zborovius* Odolanoviensis, Capitanei. *Nicolaus Tomicius* Castellani Filius Gnesnensis , & *Alexander Dux Prunscius* Palatinides Kijoviensis. Ii facultate petitâ, nondum tamen impetratâ, per Germaniam itineris faciendi , maturant proficisci. *Lascius* sensim iter instituerat. *Kriscius* cum *Lansaco* per Balticum navigans , quod in faucibus Sundicis impeditus esset , in Poloniam rediit. *Tencynius* etiam, cum Collegas in Germania Lipsiæ impediri videret , domum reversus est. Cæteri omnes, qui iussu Augusti Electoris Ducis Saxoniæ , Lipsiæ , ab incepto itinere arcebantur , cum ad Electorem Ioannem Herburtum misissent, liberè iter suum prosequuti sunt , & in Galliam pervenerunt. Nuntio

*Parisijs in-  
grediuntur  
Oratores  
Poloni.*

Henricus suæ Electionis ad Rupellam ,  
quam obsidebat, accepto, pace supplicibus  
concessâ , Luteciam Parisiorum venit ; ubi  
à Gregorio XIII Summo Pontifice auream  
rosam benedictam, sibi dono missam, cum  
Apostolica benedictione accepit. Poloni  
Oratores Urbem Parisiorum XIII Kalen-  
darum Augusti ingressi ; Nomine Regum  
Franciæ, Henrici, & Navariæ, Ducis Alen-  
conii , ac Reginarum, à Ducibus aliquot  
ante Urbem excepti , & inter innumeras  
gratulantium cohortes , cum Regio equi-  
tatu salutati, ac in Urbem introducti sunt,  
stupentibus Gallis, foederatæ gentis, bene  
formata corpora, pileos pellitos, gemma-  
tos enses , equorum & curruum ordines,  
ferratas ocreas, pharetras , & arcus , ruti-  
lantes barbas, rafa occipitia , quin & lin-  
guarum Latinæ, Italicæ, Gallicæ, Germa-  
nicæ peritiam tantam, ut multi Gallorum,  
ab hospitibus Latinè compellati , erube-  
scere cogerentur. Tertio die post Regem  
Galliarum salutant, & Reginam, Catheri-  
nam Matrem, & Isabellam Austriam Vxo-  
rem

rem Regis : sequenti , Regem Henricum. Et postquam dies aliquot revidendæ instructioni , & mandatis inspiciendis dedissent : Atque interea tum Ducem Alenconium tum Regem Navaræ compellassent , tandem ad rem ipsam , negotiumque expediendum accedunt , & juxta suorum mandata , & voluntatem expediunt. Proferuntur , & acceptantur conditiones de annuis fructibus possessionum Henrici in Gallia in Poloniam inferendis : de Nominibus decessoris Regis , de Academia Cracoviensi , de Privilegiis , de Sacris , de Matrimonio , de Classe , de Seminario Juventutis , de fœdere cum Gallis ineundo ; quibusdam aut interpretatione commoda enucleatis , aut in Poloniam illatis , præsertim de Matrimonio , & Confoederatione. Quod ubi cum Henrico transactum fuit ad v Idus Septembris ; postridie ejus diei manè , ad præcipuum Beatæ Mariæ Virginis Parisiorum Templum , ad Sacra convenere Reges , & Regina , Oratoresque Poloniæ , Summi Pontificis , Hispaniæ , Scotiæ , Ven-

*Conditiones  
propositæ à  
Rege acceptæ.*

ne-

*Et iureju-  
rando con-  
firmantur.*

netorum , aliorumque Principum; Cár-  
dinales quatuor, Borbonius, Lotharingi duo,  
Eftenfis ; Episcopi, Senatores, & Nobiles,  
ac Cives innumeri. Illic, Sacris peractis,  
primum Henricus Poloniæ ante summam  
aram in manu Episcopi Parisiensis Iusju-  
randum præstitit , juxta formam ab Ora-  
toribus Poloniæ datam; Tandem & Ca-  
rolus Galliæ Rex, ad ea omnia præstanda,  
quæ pro eo Monlucius cum Collegis in  
Polonia promiserat , sese pari juramento  
obstrinxit. Iam autem, & ab Imperatore,  
& ab Ordinibus Imperii, è Comitibus Ger-  
maniæ , sub idem tempus allatæ fuerunt  
literæ , quibus Henrico Regi Poloniæ , è  
Gallia in Poloniam iter per Germaniam fa-  
cere , liberum fore , sed ut id faceret sine  
ullo maleficio , & injuria , declarabatur.  
Quibus per literas omnibus prolixè ab  
Henrico gratiæ sunt actæ. Tandem iv Idus  
Septembris, paratis omnibus in Summo  
Parlamenti Parisiensis Palatio , cui Sacra  
Capella conjuncta est ( in quo sunt Statuæ  
omnium Franciæ Regum , à Pharamundo  
uf-

*Literæ pas-  
sæ per Ger-  
maniam  
Henrico  
concessæ.*



usque ad Franciscum) quæ ad summum & splendidissimum publicandi Decreti Electionis Poloniæ Regis actum pertinebant. Adfunt Reges, Principes, Regina, Cardinales Sacri, & prophani, Ordines, & Officiales, & innumera Spectatorum multitudo, per tabulata cum silentio rebus auscultantes, Cum Oratores Poloni, clangore tubarum præmisso, & Musicis sonis durantibus, ab Henrico Guisio, in theatrum ducti sunt, & Decretum Electionis, argentea thecâ inclusum, ante Reges depositum, & post præfationem Episcopi Posnaniensis tempori convenientem ad Reges Franciæ, & Poloniæ prolatum, & Henrico Fratri Regis Franciæ, Duci Andegavenfi honorificè oblatum est: Tandem lectum audientibus omnibus, & post mutuas orationes, Hymnus Deo cantatus, Regibus & omni populo genua flexis. Inde ad osculandum Poloniæ Regem, Franciæ Rex assurrexit, Principes eundem honorarunt, Poloni tanquam suum Regem, manu ejus exosculatâ, venerati sunt. Quibus

*Publicatio  
Decreti Electionis  
Parisiis facta.*

C

ma-

magnis cum tripudiis peractis , & aliquot diebus insignibus convivii celebratis , & legatis à Rege Carolo torquibus aureis, & vasis aureis , & argenteis, liberalissimè donatis , placuit Regi & legatis in Poloniam præmittere. Quæ Provincia data est Ioanni Zborovio , is in Poloniam, & confirmationem pactorum attulit, & de prospere confectis rebus Senatum edocuit, & tempus adventus in Poloniam Regis Electi designatum , & ad Coronationem Regis de more interfuturi convocantur: Tandem iv Kalendarum Octobris Rex Electus , rebus omnibus ad iter comparatis, Lutetiâ discessit. Quem Gallia Rex ad fines usque Germaniæ concomitari volebat, sed adversâ valetudine correptus consilium mutare fuit coactus. Regemelectum, præter Polonos, & Nuntium Sedis Apostolicæ Episcopum Montis Regalis, in Poloniam sequuti fuerant Ludovicus Gonzaga Dux Novioduni Heduarum : Carolus Dux Meduariæ Marchio Helbonensis, Albertus Comes Radofiarum Marshalcus Fran-

*Post Zborovium in Poloniam præmissum cum fausto nuncio.*

*Henricus Parisiis discedit.*

*Comites itineris quidam?*

Franciæ; Villoctarus Præfectus Aulæ, Si-  
 lius Comes Rupifortii; Elius Comes; Io-  
 annes Sanlius Vice Comes, Ludovicus  
 Picus Mirandula, Cessacius Cadarcus: Be-  
 signinus Biturix: Gordes Allobrox: An-  
 tragii. Fratres Carautes; Coelius Cadur-  
 cus, Belvilius Santo, Belloguardus Episco-  
 pus Arvernorum: Ægidius Abbas Insulæ:  
 Bellivarius Legatus Francorum Regis,  
 Faurus Tolossas Iuriconsultus: Dominus  
 de Pibiaco, & cæteri multi. Profectus est *Per varias*  
 Rex per Lotharingiam, Blancotum, Ta- *transiens*  
 bernas Alsaticas, Nemetes, Vangiones; *Regiones*  
 ubique tantus honor est ei habitus, quan- *ubique hu-*  
 to & Rex Poloniæ, & Regis Franciæ Fra- *maniter*  
 ter dignus erat. Immisit & ipse Heidel- *exceptus.*  
 bergæ Fridericum Palatinum Rheni, præ-  
 ter ejus opinionem, à quo & ipse liberali-  
 ter acceptus, omnem vicissim Regiam li-  
 beralitatem, domui ipsius declaravit. Inde  
 Francfordiam ad Moenum transgressus  
 Fuldæ Natalis Domini festa celebravit.  
 Tandem à Philippo Lantgravio, cum tri-  
 bus millibus equitum, exceptus. Inde per

Saxoniam nomine Augusti à Casimiro ejus Genero salutatus, & cum bis mille equitibus honorificè deductus. Inde ad Locros, nomine Cæsaris Maximiliani, cum mille & quingentis equitibus cum honore susceptus, fines demum sui Beneficiarii Marchionis Brandenburgensis attigit, omni obsequio, & humanitate sibi declarata. Celebris fuit eâ peregrinatione Henricus ex Galliis Sarmatiam petens: Celebres Poloni, qui tot gentibus, & nationibus Sole sub occiduo suam libertatem ostenderunt. Celebres & ipsi Germani, apud quos hospitalitatis, ac fidei publicæ Iura non sunt inania vocabula rerum. Medzirecium Rex octavo Calendarum Februarii, anno millesimo quingentesimo septuagesimo quarto pervenit, quod oppidum est ad ripas fluminis Viadrî situm, ubi cum ingenti lætitia Polonorum susceptus est. Stanislaus Karnkovius Episcopus Vladislaviæ & Pomeraniæ, nomine omnium præclaram habuit orationem, quæ inscribitur Panegyricus, ad quam primum Rex Italicè bre-

*In finibus  
Poloniæ à  
Karnkovic  
salutatus.*

brevibus : Tandem Faurus nomine Regio facundissimè, & luculentissimè respondit. Miedzirecio Posnaniam est itum, ubi magnificentissimè à Proceribus & Nobilitate est susceptus, & Karnkovius in cœlum ferè laudibus hominum ob Electi Regis virtutes, & laudes ferebatur. Priusquam Rex Cracoviam advenit, Regis Sigismundi Augusti sepultura & exequiæ splendido apparatu, ut Regum Polonorum mos est, XII die mensis Februarii factæ, & celebratæ sunt. Quibus præter Ordines & Officiales Regni sepulturis Regum interesse solitis Externorum Principum Legati, Papæ, Cæsaris, Regum Franciæ, & Electi Poloniae, Vngariæ, Sueciæ, Ferrariæ, Venetorum, Brandeburgensium, Prussiæ, Pomeraniæ, Brunsvicensium, & aliorum adfuerunt. Quibus peractis Rex Electus XVIII die mensis Februarii Cracoviam pervenit, qui fuit dies Iovis ante Dominicam Carnis priviorum. Cui obviam processu sunt, cum omni animorum alacritate, tam Spirituales, quàm seculares Se-

*Augusti  
Regis se-  
pultura.*

*Ingressus  
Regis Cra-  
coviam.*

*Quem  
Myskovius  
salutat.*

natores, Officiales, Nobilitas, Aula denique mortui Regis; nomine omnium verba ad Regem fecit brevi & succincta Oratione, *Petrus Myskovius* Episcopus Plocensis. Equitatum, ipsi splendorem, magnificentiam gentis Polonæ mirati sunt externi plerique omnes, salutantium infinitæ cohortes, ita Regem Electum die toto per Campos distinuerunt, ut in Urbem atque ipsam Arcem vix hora noctis secunda, tota Urbe ignibus illustratâ, ingressus sit. Primum ad Ædem præcipuam Sancti Stanislai descendit, illic Deo Hymnus cantilatus, & à clero Ecclesiæ exceptus Rex, salutatum Annam Infantem, rectâ è Templo perrexit. Inter multa edita spectacula, Emblemata, figuras, unum Vexillum Aquilam pectore lilia aurea continentem habebat, cum his versibus.

*Augurii Mater, volucrum Regina vagarum  
Corde enata tuo, quid spondent lilia? spondent  
Sarmatiam Henrico florentem Rege futuram.*

xix Februarii totâ die quievit, aut saltem quiescere debuit Rex; Interea curata sunt, quæ

quæ futuræ Coronationi inferviebant, variis varia in vulgus spargentibus. xx die, qui dies fuit Sabbathi, Senatus in Arce habitus est, & Rex Electus ad Senatum se velle venire significavit; mittens ad Equestris Ordinis Nuncios, & rogans ut & ipsi adesse velint. Qua de re etsi nonnihil fuit inter Nuncios disceptationis: ramen posteaquam Regem Electum jam in Senatu esse, ac eorum adventum præstolari intellexissent, & ipsi nullâ interpositâ morâ advenerunt. Salutavit Regem Nunciorum nomine *Stanislaus Sandivogius Czarnkovius*, Referendarius mortui Regis: interpretabatur Regi Gallicè, Ioannes Zamoscus Secretarius, Capitaneus Belzensis. Rex ipse per se Gallicè respondebat, quæ statim Faurus eloquentissimus Pibracus Latine ad omnes ita interpretatus est, ut prius infantiam suam in Regiis verbis & sententiis gravissimis, & omnem affectum & benevolentiam erga Polonos redolentibus, explicandis excusaret. Quam Orationem Regis omnes cum maxima consolatione

*Rex in Senatum venit.*

*Salutatur Nunciorum nomine a Czarnkovio.*

*Faurus Regis nomine respondet.*

&

*Coronatio  
Regis Hen-  
rici.*

& lachrymis è gaudio proruentibus, auribus suis acceperunt. Ita dubio omni remoto ad Coronationem die crastinâ futuram, & eodem die Sacris supplicationibus inchoandam accessum & condescensum est. Eodem.igitur die, horis vespertinis, supplicationes ad Sancti Stanislai Ædem in Rupella sacra celebratæ, & Rex eodem se devotionis causa conferebat, & rursus in Arcem reducebatur solenni ritu. Sequenti die Coronatio Henrici Regis cum omni solennitate cæremoniarum facta est, Coronatore Iacobo Vchanio Archiepiscopo Gneznenfi Regni Primate, & Episcopis assistentibus; In hoc actu celeberrimo, Confoederationem Hæretici iurejurando Regio inferi, magnis clamoribus urgebant; sed Archiepiscopo & Episcopis resistentibus, diutius Rex genua flexus distinebatur, donec tandem, quodam moderante dissidium, pacem servatam iri, salvis juribus partium, conquiescentes, Sacro negotio perficiendo locum dederunt. Et tandem convivatum est cum Externorum



rum aliquorum Principum Legatis, & Senatoribus Regni. Coronatione perfectâ, & conviviis, ac obedientia, à Cracoviensi Vrbe Regi solenni ritu redditâ, cæterisque de more ritè peractis, de formulâ confirmationis Iurium à Nunciis Terrarum, quæstione motâ, hanc cum novo modo, ob Confœderationem Hæreticorum fieri à Rege volebant; Forte fortuna scriptum quoddam Typis impressum, cum inscriptione *Rozsadek o Spranach na Electiey VVaršawuskiey do Koronaciey nalezacych*, in manibus hominum versari cœpit, quo quatuor hæc capita reprehendebantur, & rationibus certis confutabantur. Primò, de Sedecimviratu. Secundò, de diversitate Iudiciorum: Tertiò, de absoluteione à Regis obedientia, si Rex alicui parti Pactorum non satisfecerit. Quarta, de Confœderatione. Quod scriptum fuit tam efficax, ut contrariæ partis pro Confœderatione laborantis impetum fregerit omnibus, tam in Senatu, quam inter Nuntios, ejus veritatem, ac æquitatem pro se contra Confœderationem

*Formula confirmationis Iurium in quæstionem venit.*

*Scriptum aliquod non minimas daturbas.*

D

dera-

derationem afferentibus. Cumquè veritas palmam jam obtineret Sybeneicherus typographus à Firleio Marschalco Regni, ob libellum impressum in carcerem conjectus est, quem Solikovius, se authorem libri professus, liberavit. Quare Solikovius summa contentione in Senatu, apud Regem à Nunciis accusatur, qui cum se ad respondendum, & justificandum suum Scriptum parasset, quippe quod conscio, & rogante Rege unà cum Episcopo Vladislaviæ conscripserat: Archiepiscopus Gneznenfis, nè solus in causa justa Solikovius derelinqueretur, productâ protestatione, se in eadem sententia esse unà cum Episcopo Vladislaviæ, & universo Clero, & Catholicis omnibus, declaravit. Multis igitur utrinque, multorum contentionibus, pro & contra nitentibus, silentium accusatoribus tandem Regis responso impositum est: Et sic causa justa vincente, & Solikovius victor mansit, & Rex, usitatâ Regum antecessorum suorum formâ, confirmationem Iurium Regni edimans.

*Initia boni  
Regiminis.*

mandavit , & Dignitates ac Officia Regni vacantia distribuit , & Iudiciis causarum forensium præfedit , & peregrinas Legationes audivit , & ut subsellia Iudiciorum per totum Regnum aperirentur edixit. His initiis infelix casus intercessit , qui in hoc usque tempus Regnum hoc perturbatum tenuit. *Samuel Zborovius* cum in hastiludio, in conspectu Regis & Procerum, provocatus à quodam, Ioannis Comitis Tenczynii familiari, Dominum ejus potiùs evocaret, & simul inter plures, rixa & tumultu exorto, Tenczynius cum Andrea Vapovio in arcem venirent, seu de industria, seu casu, Zborovius in *Vapovium* in ar-

*Vapovius à  
Zborovio  
occisus.*

cis porta irruens martello, acuminato caput ejus confixit, atquè ex arce descendit. Vulneratus Vapovius cum amicis madens sanguine, ad Regem contendit; cum alii impellerent, alii reprimerent, & cancelli ostiorum Regionum ferè perfringerentur; Rex fores aperiri jussit, ut qui vellet ingrederentur. Non defuit tunc sibi malignitas quorundam, qui dixisse Regem

affirmarent: *Pateant fores, & fiat nunc quod fieri oportet*; sed calumnia fuit hæc. Eò autem fuit progressa, ut Nuntii Terrarum Regem in Senatu ea de re admonerent, & Rex suspicionem rei à se verbis suis amovere necesse haberet. Vocatus igitur in Ius Regium Zborovius, & Consiliariis Regni & Lithvanis, aliis tanquam deliberatum factum aggravantibus: aliis verò ut casu, & inconsulta ratione commissum eluentibus, & mitigantibus, Iudiciumquè causæ non paucis diebus magnâ partium contentione ventilaretur. Zborovius Vapovio de vita desperato Iudicis Sententiam non expectavit, sed discessit. Et Rex contra eum pro occiso Vapovio, violato Palatio Regis, & tempore Comitiorum contra fas, & leges Patriæ tumultibus infecto, sententiam tulit, *ut à Regno Polonia perpetuò exularet*. Qui Regium Decretum promulgabat Faurus, hæc tria verba addidit: *Citra tamen infamiam*. Quo appendice major Senatus pars, & amici Vapovii vehementer offensi passim de Rege conqueri cœperunt.

Condemna-  
tur capro-  
pter novo  
condemna-  
tionis modo.

runt. Nunciorum autem complures, præsertim Hæretici vociferationibus suis Regi multum invidiæ conflabant, tanquam minus justam, & in favorem Zboroviorum apertam sententiam dixisset. Erat inter conditiones, quas Caroli & Henrici Oratores susceperant, etiam hæc: *ut Henricus Reginam Annam, Sororem Sigismundi Augusti, & Filiam Sigismundi Primi, Virginem, acciperet Vxorem.* Quod caput in Franciâ Rex in Poloniâ decidendum distulerat; Sed nequè de hoc conveniri potuit; vel quia Virgo proVectioris ætatis esset; vel quia quidam Senatores Regem aliquam aliam Vxorem jam animo ante percepisse existimarent; vel quia non diu hîc mansurus ex quibusdam àuguriis diceretur. Non nimis Regem urgebant, jam non satis tranquilla Regni sui initia habentem. Interea *Ioannes Firleius* Palatinus Cracoviensis moritur. Palatinatus à Rege datus *Petro Zborovio*, Palatino Sendomiriæ: Sigillum minus, post Francisci Krasinii in Episcopatum Cracoviensem ascensum, quem languente jam

*Vnde Regi invidia orta.*

*Rex conditioni ratione matrimonii non satisfacit.*

*Exinde sinistra angustia.*

*Mors Firleii Palatini Cracoviensis.*

*Volscius  
ViceCancellarius  
Regni.*

*Regulus  
ominosus.*

*Mors Caroli IX Regis  
Franciæ.*

*Henricus  
Successor.*

Sigismundo Augusto assecutus erat, cessit Petro Dunino Volscio: Secretariatus major Hieronymo Rozdrazewio Comiti. Cætera Officia, & Dignitates cæteris. Etiam largitiones innumeras Rex Henricus fecit, indignum Rege reputans aliquid petenti denegare. Accidit interea, quod avicula parva, quæ *Regulus* appellatur, allato secum filo, ante fenestras Regias cum se ad tectum Palatii alligasset, eodem filo collo suspensa apparuit, multis mirantibus, & rem mali ominis esse mussitantibus: Interea *Vaporius* moritur. De Caroli etiam Franciæ Regis, primum graviore valetudine, postea etiam morte, ad Regem literæ à Regina Matre afferuntur. Regno igitur Franciæ ad Poloniæ Regem Henricum devoluto, Polonos major anxietas, quàm voluptas occupare cœpit; nemo tamen id suspicari de eo volebat, quod is postea fecit. Nam cum pullatus in camera consilium secretum Senatorum haberet, & res suas ac Regni Galliæ fortunam Senatui commendaret, tacitus, quæ cujusquæ sententia

tia esset, observabat. Qui cùm dolorem amissi Fratris, novi, & quidem hæreditarii, magni & florentis Regni accessione mitigarent, & ut utriquè Regno feliciter præesset, prompta studia & animorum voluntates deferrent, Rex metuens, nè si consilium protectionis suæ illis panderet, ac illi ad Comitia Regni referendum putarent, de Franciæ Regno proprio, & hæreditario periclitaretur, aliquot tamen Gallis consiliis iter adornare cœpit. Igitur qua nocte elabi decreverat, in diem sequentem præcipuis Senatoribus aliquot, qui post illa Coronationis Comitia Cracoviæ remanserunt, tardam ad se veniendi horam assignat: & cum omnes quaquaversum successissent, & Rex se somno daturum præse ferret, extinctis luminibus per posteriorem arcis januam ad stabulum pervenit: ubi equo parato conscenso cum octo Comitibus tota nocte effuso equi cursu, Ofwiecimo primâ luce transito, ad Pozynam oppidum Silesiæ pervenit. Fuit is dies xviii mensis Iunii. Perculsi quotquot erant

*Clam omnibus & arte quadam à Polonia profugus.*

*Vnde Pri-  
mates ali-  
quos malè  
in populo  
audiant.*

erant Cracoviæ omnes tam inopinato Re-  
gis discessu. Sed inprimis Karnkovius  
Episcopus Vladislaviæ, in cujus consiliis,  
& autoritate, quia Rex conquiescebat,  
quem favor omnium præsentè Rege comi-  
tabatur, eundem eo absente maxima invi-  
dia premebat. Ioannes etiam Tencynius  
Comes, Regii cubiculi Magister, quem  
nihil celebrat Rex, præter hoc unicum con-  
siliium suum, in eodem erat periculo. Pe-  
trus quoquè Zborovius Palatinus Craco-  
vienfis, post mortem Firlei nuper institu-  
tus, Regis, & arcis non benè custoditæ  
pœnas dabat, apud omnes malè audiendo,  
præsertim quod & ipse inter charos Re-  
gis haberetur. Ita ut quenque fors populo  
obtulit, qui aliquid apud Regem valuisse  
videretur, ita malè ab omnibus haberet.

*Insequitur  
Regem  
Karnko-  
vius, sed  
frustra.*

*At Tency-  
nius eun-  
dem asse-  
quitur.*

Episcopus ipse Vladislaviæ, tam gravi Rei-  
publicæ casu perculsus, non profecturum  
suscepit laborem, & ad decem milliaria  
Regem consequi nititur, Comite Stanislao  
Sandivogio Czarnkovio. Comes Ten-  
cynius velocissimis equis cum Nicolao

Ze-



Zebrzydovio Regem ultra Pozynam, jam fessum, fessus & ipse assequitur. Orat, nè se, suam fidem, honorem, existimationem, nobile Regnum ita deferendo prodatur; ut sistat, respondeat, consilium maturius sequatur; licitum fore per Ordines illi cum dignitate abire. Flecti non potuit Rex precibus Tenczynii, sed, annu-  
*Responsum à Rege habet fert latum.*  
 lo illi è manu sua dato, pollicetur, se non relinquere Regnum hoc, sed aliter se suum servare non posse. Cætera è literis in lecto suo relictis, tum è sermone Caroli Danzæi, & Alemani plura intellecturos esse; confirmaret omnes bona, & certa spe redditus sui, quamprimum res Galliæ composuerit. Ita Tenczynius in urbem rediit: Episcopus etiam, hoc tanquam lethali cordis vulnere accepto, & curru non valens juvenem assequi volucrum, Cracoviam reversus, se Remque publicam Deo commendat. Literæ Regis in lucem pro-  
*Literæ Regis in Senatu perlellæ.*  
 feruntur, & in congregatione Senatus, & Nobilium, apud Reginam, per Solikovium leguntur, qui & ipse ob Regis gratiam,  
 E multa

*Rex Vien-*  
*na.*

*Solikovius*  
*in Galliam*  
*Regem se-*  
*quitur.*

multa patiebatur. Et ea fors est rerum humanarum, ut cadente arbore, frangi ramos oporteat. In fine literarum, quia Rex adjecerat, rogans ut Karnkovius sibi & Regnum & Regiam dignitatem commendatam haberet; ad priora multis gradibus auxit in eum multorum invidiam, vulgatus jam ex literis, ad Senatores Regni perscribitur Regis abitus. Rex Viennam contendit, & se Imperatori fidens, perhumaniter ab eo excipitur, & Regni Poloniae tanquam sibi divinitus traditi honestissimam apud eum mentionem facit. Solikovius etiam in Galliam, bono Patriae studio, Karnkovio Episcopo Vladislaviae, & Archiepiscopo Gneznenfi, & Tenczynio Comite consciis, relictâ Reginâ, abiit. Lutetiam ubi pervenisset Solikovius, Reginam Matrem cum Fratre Regis Francisco Duce Alenconio, & Henrico Rege Navarræ Lugdunum obviam filio profectam intelligens, eam sequitur. Tandemque apud Ducem Sabaudiae, Chamberii Regem choreas ducentem, magno suo dolore, invenit. Per occasionem  
com-

commodam, talem discessum Regis arguit. Et quæ à Karnkovio Episcopo ejus studiofissimo acceperat, illi exponit; perque vices varias de bonis, & salutaribus consiliis capiendis Regem admonet, quas illius admonitiones Rex & Regina Mater videbatur animo benevolo audivisse. Extat hoc nomine Oratio Basileæ impressa, sub titulo probi, & Galliæ, ac Poloniæ amanti viri, utilis, plena consilii. Interea in Polonia congregatio Ordinum Varfaviam ad proximum festum Divi Bartholomæi Apostoli indicitur, ubi fautores Henrici Regis incusantur, & literæ ad Regem paulò acerbiores scribuntur, cum quibus Hieronymus Rozdrazevius Secretarius Major, & Ioannes Thomas Drohojevius mittuntur. Karnkovius Episcopus, cum se minus decere existimaret ab ea congregatione abesse, ut is qui sibi bene conscius esset, & qui se nullo dolo malo in Rempublicam peccasse sentiret, quod in Electione huic Regi studuisset, in medium Consilii, benè amicis, & familiaribus stipatus, accessit,

*Oratio pro-  
bi Viri,  
Galliæ &  
Poloniæ  
amantis.*

*Congrega-  
tio Varfa-  
viensis.*

& quæ salutis Reipublicæ conducere censebat, libera voce dixit. Adversarii, qui absentem carpebant, illo præsentem, tanquam vi veritatis & innocentia victi, & potentiam ejus quoque reveriti, obmutuerunt. Rex auditis actis Poloniæ, apud se Solikovium pro Oratore Regni, licet eo invito habens cum Langadoco Aquinatensio, & Delphinatibus Lugduni, & tandem Avenioni de iis in gratiam recipiendis, agit, eorumquæ obfides per Marchionem Radesium accipit. Hic unicus prætextus Regni Poloniæ, eum Regem retenturi egregiè Regnum illud Franciæ pacificare cœperat. Sed postquam literæ Polonorum allatæ essent, & jam etiam aliunde Rex earum exemplum haberet; & Georgius Gedrocius à Lithvanis etiam non dissimilia, ut nisi Rex in Poloniam ad diem XII mensis Maji in Anno MDLXXV sese præfentaret, sibi de alio Rege cogitandum esse, mandata attulisset. Galli partium adversarum, tempus præfixum cernentes, trahendo res, eventus Polonici expectatione Re-

*Strategema  
Henrici in  
sedandis  
moribus  
Gallicanis.*

*Lithvani  
citant Re-  
gem in Re-  
gnum.*

Regem in dies majoribus difficultatibus innectebant. Avenione igitur Rex, ubi obfides adversariorum acceperat, rursus Lugdunum revertitur: Et inde Rhemos, cuius *Mentius in Regem Gallie unctus & coronatus.* loci Archiepiscopus Cardinalis Lotharingus, vir præclarus, Avenioni mortuus erat, ad unctiorem Regni Franciæ Sacram percipiendam contendit. Quo perveniens non solum unctiorem Regiam è Sacra ampula, sed etiam Diadema Regium, præter morem à Sancto Dyonisio Corona utraqùe allata, ipsa Dominica Quinquagesimæ, qua ante annum Polonicum acceperat, ritu solenni per manus XII Parium Franciæ, ipso Coronatore Præsidente Cardinali Guisio seniore accepit, & tandem Lutetiam contendit. In Polonia XII Maji *Conventus Stezycianus.* Stezycia Conventus Ordinum habitus est. In quo Internuncii à Rege reversi, literas Regias plenas benevolentiae exhibuerunt. Tenczynius, Secigniovius Aulæ Regiæ à Rege Præfectus, Aula tota, & Milites, Regis causam fovebant, imo & Vchanseius ipse Archiepiscopus: multi pro Austriaco laborabant,

*Infectis re-  
bus dissol-  
vitur.*

bant: quorum conatus ut alii reprimerent, Piaſtum urgere cœperunt. Seceſſione igitur facta, & in artificio Piaſti perſiſtentes, tum Auſtrios repulerunt, tum Regis cauſam adhuc ſuſtinuerunt. Atque ſic in varia ſtudia diſtractis omnibus, Conventus ipſe rebus infectis diſſolutus eſt. Domos ſuas quibuſque reverſis, invaleſcentibus odiis & diſſenſionibus, nonnullis etiam, qui Henrici Regis cauſæ, & nomini ſtudebant, paſſim in periculum adductis, nonnullis interfectis, denuo à multis Archiepiſcopus ſollicitatur, ut cum vix aliqua ſpes reſidendi Regis ſuperſit, Convocationem Regni Ordinum indiceret; pericula oſtentantur; fortasſe etiam jam pertæſum erat Seni cum his turbis & tumultibus Regni. Ac Cæſar Maximilianus ſuis apud eum non deerat rebus. Ita Archiepiſcopus, hactenus pro Rege fortis ſatis & animoſus, labefcens Convocationem Varſaviam indixit, ad diem Octobris III. In qua, cum diem tantum unum duraret, & Electionis novi Regis Comitia ad IV diem Novembris edi-

*Electio no-  
vi Regis  
indicta.*

edixit. Celeri nuntio in Gallias ejus rei ad Solikovium allato, nimirum ad xv Octobris, monet Regem, ut suæ dignitatis rationem duceret, & quantocius in Poloniam Oratores suos, cum authoritate aliquâ, & non tam verbis, quàm rebus instructos, destinaret, cum Aulæ, & Militibus stipendiis non persolutis, argentum Regii Gazophylacii, ab his possessiones Regiæ occupatæ teneantur, &, nisi satisfactione utrique factâ, de Regis reditu ab omnibus dubiteretur. Rex igitur confestim, tanquam è somno excitatus, Viros magnos, Bellaguardium, & Pibracium Faurnum, in Poloniam designat. Quorum ille per Italiam, hic per Germaniam iter instituere; ille à Pontifice, Venetis, Florentino trecenta aureorum millia Regi jam pacta, & promissa, depositis apud eos pretiosis monilibus Regis, habiturus erat. hic cum literis, & non vulgari etiam pecuniæ summa, properans, ad Soloturnum ab exule Nobili Gallo excipitur, & omnibus rebus spoliatur. Verùm collectis utcunque lite-

*Mittuntur  
ab Henrico  
Oratores in  
Poloniam.*

literis , & denuo auro à Bellevrio Solituum Præfecto adjutus , in Poloniam antequam convocatio inchoaretur pervenit. Cui cum Archiepiscopus Zakrocinii expectandum esse mandasset , eo ad audientiam non vocato , ex improvise , & Convocationem finivit , & Electionem indixit.

*Henrici abdicatio, & Interregni promulgatio.*

Zborovio quoque Palatino Cracoviensi , & Dembinio Cancellario , è Conventu Prosevicensi Cracoviam reversis , voce Præconis per forum Interregnum publicatum est. Rexque Henricus Regni exors pronuntiatus. quæ res Regem maximè Zborovio prius sibi amico offensum reddidit , nequè ulli bono Reipublicæ id factum esse res ostendit. Etenim , jussu Cæsaris Turcarum , mense exacto , Tartari maximis copiis Russiam & Podoliam & Wolhiniam ingressi , eam ferro & flammis gravissimè divexarunt , & multa hominum captivorum millia abduxerunt. Sic deinceps Pibracius cum Archiepiscopo , & Proceribus , quod ita se exceperant gravius locutus , cum mœrore per Majorem Poloniam in Italiam

*Tartaris Russiam vastantibus.*

re-



repedavit. Sic & Bellaguardia, dum mora quædam ejus in Italiæ rebus injicitur, iter in Poloniam non suscepit. Rogaverat Regem Solikovius aliquoties, ut sibi in Poloniam reverti liceret, quando à Gallis res Polonas tam frigidè tractari videret. Sed Rex & Regina de die in diem eum placidis promissis trahebant. Persuaserunt autem Regi quidam Galli, ut Polonorum liberos, qui in studiis literarum Parisiis erant, clementer detineret, pactumque stipendium illis tribuendo, eos loco obsidum haberet, quò facilius hac arte Regnum in officio retineret. Sed Solikovius, adito Rege, indignum & inconsultum consilium accusans, omnes quicunque aut in Patriam reverti, aut in Italiam ire volebant, liberavit. Sic Iasloviecius, Czarnkovii, & alii Procerum filii, liberi in Italiam, etiam ex thesauro Regis munerati, abierunt. Tum sanè Solikovium, statim eo nuncio de nova Electione accepto, Rex in Poloniam non solum permisit abire, sed etiam ut id faceret rogavit. *Is se profecturum in Patriam*

*Solikovius  
ab Henrico  
dimissus  
pergit in  
Poloniam.*

*Solikovii  
ultima ver-  
ba ad Hen-  
ricum.*

F

respon-

respondit, ut autem aliquid Regi polliceri possit, ita res Polonicas posthabenti, & Gallicis consiliis à Polonicarum rerum cogitatione abrepto, se non videre. Verum tamen si Oratores Regios in Polonia prævenerit, ac ii promissa Regia reipsa præstiterint, adhuc se semel illius apud suos Polonos causam esse acturum. Contentus illius responso Rex litteras illi parari ad Senatores & Ordines Poloniae & Lithvaniae mandavit. Quæ dum parantur, biduo pòst magna rerum perturbatio Regem ac Regnum totum Galliae invasit. Etenim post amissam Dominicam Crucem, quæ in Sacra Capella, magna religione & custodiâ asservabatur, & tota Lutetia ob id in luctu & jejuniis versaretur, xvii die Septembris, Dux Alenconius Frater Regius conspiratione cum Huguenotis ac eorum fautoribus malè contentis facta, & diu occultissimè tecta, cum per speciem spaciandi in horto Diaceti Itali potentis esset, ac in arcem cœnæ tempore reversurus ferretur, per pomærii posteriorem januam egressus, equum de industria paratum, aliquot consciiis comitibus

*Alenconius  
anteq. nova  
in Gallia  
rebellionis.*

tibus conscendit, & per portam Sancti Germani obnubilato vultu, vespertino crepusculo excurrent, ad Droeux arcem, XVIII miliaribus Lutetia Parisiorum distantem, eadem nocte pervenit, quo ad eum multa consciorum Nobilium turba confluit. Sic ea nocte Parisiis in Gallia ob Alenconium, ad eundem modum quo anno superiori Cracoviæ ob Henrici Regis discessum tumultuatum fuit, adeo ut Regem cum Regina Matre in Templum arcis Luparæ vicinum euntes, in platea lachrymantes populus universus videret. Agitabantur consilia, quibus Frater Regis Alenconius revocari, & ad saniora, & meliora consilia adduci posset: & statim Villa-clerus ad eum expeditur, qui etiam in Polonia cum Rege fuerat. Sed hunc Alenconius dum ad se mitti intellexisset, malè eum ad se acceptum iri renunciavit. Reverso igitur isto Gonzaga Dux Nivernensis, Princeps magnæ probitatis, qui etiam in Polonia cum Rege fuit, ad eum mittitur. Fuit receptus cum honore, sed

non rediit : exoratus Alenconius quidem, se Regem , ut Dominum agnoscere , & agniturum semper respondit ; sed se abusu Patriæ pertæsum , ad meliorem ordinem , & Majestatem Regis , eo loco quo antiquorum Regum fuerit restituendum , & jura Regni , ac libertatem Nationis Gallicæ restaurandum tendere ; orare , ut Comitia Regni qualia olim fuerunt , & quibus Regnum Poloniæ gaudeat , Rex Christianissimus indiceret. In his transactionibus Gallicanis Solikovius Regem consolatus, eique valedicto , acceptis ab eo literis , quarto die post discessum Alenconii Parisiis excurrrens per Postam , per Exercitum Regium , & vix vitatis Casimiri Rhenani Principis , qui in Galliam tendebat , militibus , Cracoviam peracta Convocatione Regni pervenit. Vbi Zborovio Palatino , Dembinio Cancellario , & aliis , qui tum ibi aderant , frustra nomine Regis Henrici tentatis , & culpam tamen publicati Interregni , Regisque proclamati , tanquam certissimæ ejus rei causæ , Tartarorum incur-

sionis,

*Solikovius  
in Poloniam  
redux Hen-  
rici causam  
sevit.*

fionis, altero in alterum rejiciente. Neque tamen contra vim universorum diutius certandum erat. Ad Karnkovium igitur Episcopum Vladislaviæ Volbodium se contulit. Quem cum longa expectatione, de Regis melioribus, & maturioribus consiliis fessum, inque orationibus ad Deum fixum, & sese adhuc Reipublicæ salutis servantem, & ad omnia salutaria Regni consilia armantem invenisset, ejus consilio non nimis ferventer Regias ulterius partes fovebat. Inciderat prius Solikovius, & in Comitibus Palatinatus Siradiensis, quæ devitanda sibi, dum non putaret, ac non pauci in eum ejusque socios, Regiarum partium fautores, invectivas Orationes facerent, & protectionis suæ in Galliam causas, Regis bonum animum, & adventum suum sub hoc tempus in Patriam, ita omnibus probavit, ut loco Comitiorum gratiæ illi ab omni Nobilitate agerentur, & mirificum in animis omnium erga Regem Henricum desiderium denuo excitatum esset: Lachrymis etiam & lamentationibus

*Ac in Con-  
ventu Sir-  
adiensi mul-  
tum efficit.*

*Archiepiscopum alieniorem ab Henrico invenit.*

multorum comprobatum, Episcopo Vladislaviæ non renuente, Archiepiscopum etiam adiit, sed hunc jam die sequenti Varlaviam iter ingressurum, & à Rege Henrico alienum satis invenit. Agnovit Solikovius eum jam alio spectare, & cum parato ferè Rege ad Electionem proficisci, quem tamen, eo ipso volente comitatus est, de omnibus rebus Episcopum Vladislaviæ semper certiorum reddens. Multoties Archiepiscopus ad Secretum colloquium Stanislaum Czarnkovium Referendarium, Ioannem Sienicium Tarnogovium, & hunc ipsum Solikovium accersebat, & , proposita de Rege quæstione, eos audiebat. Czarnkovius Cæsarem Maximilianum eligendum, Sienicius Piastrum, Solikovius Henricum retinendum censebat. Quod cum aliquoties, non sine rationum collatione, fortius & ardentius actum esset; ambo ii Solikovium tempore quodam aggressi, & seridè multis sermonibus de sententia deducere volentes, ipsi tamen in suo quisque sensu ferè à se invicem discrepan-

pantes, ita rationibus ejus vincebantur, ut Sienicius, adjurato eo per Deum vivum, dextraque ejus apprehensa, rogaret: *Num pollicetur Solikovius certò Henricum Regem in Poloniam post annum reversurum. se certo affirmare adhuc à Nobilitate impetrari posse, ut hunc unum annum illius adventum, & de rebus omnibus compositionem patienter expectarent.* Hic Solikovius, videns Sienicium in ejus asseveratione conquiescere velle, veritus nè ea polliceretur, quæ effectum non sint fortitura, *se polliceri certo non posse, dixit. Verùm se hoc posse predicere, Rege Henrico abdicato & relicto, hac novi Regis Electione duos Reges Poloniam habituram esse.* Obmutescente utroque disceptationum illarum finis factus est. Conspectu Solikovii è Galliâ reversi Hæretici in eum conspirationem fecerunt, & Krasfinium Episcopum Cracoviensem adierunt, quo Archiepiscopum ab eo abalienarent: Episcopus fecit, seu quod Solikovia metueret, nè quid is ab Hæreticis per vim pateretur, seu quod illis satisfacere vellet. Et cum ambo Pontifices eum de  
peri-

*Solikovii  
judicium  
dereditum  
Henrici*

periculo admonuissent, ipseque eodem ferè vesperi, ad lumen candelæ ex hospitiiis, in quibus conventicula Hæreticorum habebantur, per fenestram bombardis displosis, non multum à periculo abfuisse, nè cum larvis certaret, ad Episcopum Vladislaviæ, qui & ipse, paratis rebus omnibus in omnem usum Reipublicæ, Volborii consilio amicorum subsistebat, abeundum sibi putavit. Sed nè vel metu, vel periculo, vel improbitate hostium à benefaciendo, serviendoque Patriæ desisteret, postquam de probitate, prudentia, & dotibus animi & corporis Ducis Ferrariæ multa à viris fide dignis, dici audivisset, ad vindicandos inimicos suos, & Patriæ commodum, & honorem, in ejus personæ commendationem popolare scriptum confecit. Quod cum Oratores illius Senatui & Ordinibus exhibuissent, ac publicè lectum esset, plurimorum animos Alphonso benevolos effecerat. Quod & Pontifici Maximo, & Imperatori, & Regi Galliæ ejus Electionem non invidiosam fore declar-

*Alphonso  
II, Dux  
Ferrariæ, à  
Solikevia  
laudatus.*



clāraretur. Acuerat Karnkovium *Martini Gerstmani* Episcopi Vratislaviensis, qui ab Imperatore ad ea Comitia erat Legationis Princeps factus, qui vadens Varſaviam, vel per imprudentiam, vel quodam suo Consilio, vel etiam sua infelicitate fatali, eum Volborii præterierat. Vnde partes Cæsarianorum magis Karnkovio fuerunt suspectæ, quod & eos ubi poterant, se sua eum consilia celare animadverteret. Et tanto quidem magis, quod non jam filium aliquem Imperatoris, sed ipsum Imperatorem pro Candidato Regni proponi intellexeret. Erat tempus anni alienum, & tractandis consiliis sub dio & papilionibus ineptum. Multa in animis hominum acerbitas, qualibet ex re suboriebatur, neque sibi ut fratres Ioseph mutuo quisque alteri pacifice loquebatur. Præterea nequè modus, aut ordinis aliqua species in rebus agendis par Electioni Henricanæ, in qua ferè Karnkovius clavum tenuerat, habebatur. Itaque tanquam sibi, fortunæque suæ irati omnes, celebratissimæ, & clarissimæ

*Novi Regis  
Electio.*

G

simæ

simæ Electionis suæ prioris fructu se defraudatos esse, alii quidem in omnem occasionem intenti fuerunt, quo pacto, jure vel injuria, Imperatorem Maximilianum Regem renunciarent. Alii verò ad eum excludendum, popularem sententiam sequuti, domestico Regi studebant, & Regnum jam ipsum ad *Ioannem Kostkam* Palatinum Sandomiriensem, & *Andream Comitem Tenczynium* Palatinum Belzensensem deferebant.

*Ioannes  
Kosilka &  
Andreas  
Tenczynius  
Candidati  
Regni.*

Quo proposito utrorumquæ moderatorem nullam admittente; Cæsariani, simulato paulisper Syncretismo, intra Urbem se recipere consultandi causa præ se ferentes, prope muros Civitatis in campo, ut id legitimè fecisse viderentur, cum Archiepiscopo substituerunt: Missisque à se quibusdam, hoc est Episcopo Cracoviensi *Krasinio*, & Palatino Podoliæ *Mielecio*, atque aliis cum Nobilitate, quæ suum locum, in loco privilegiato tenebat tractandi causa, xii Decembris *Cæsarem Maximilianum Regem Poloniae renunciaverunt*. Et statim ad Templum Civitatis præcipuum, ubi Regina fuit,

*Cæsar Maximilianus  
ab una  
factione Rex  
Poloniæ  
declaratur.*

fuit, ad canendum Deo Hymnum profecti sunt, Czarnkovio & Christophoro Zborovio assiduo Archiepiscopum custodientibus. Quod ubi ad Nobilitatis Castra relatum est, fremere omnes, ac frendere, quod altera pars non fraternè secum egisset. Et cum semel atquè iterum aliquos ex suis ad eos qui Cæsarem renuntiaverant misissent, rogantes ne vim Reipublicæ ac libertati communi inferrent, & sui liberorumque misererentur, nihilque operæpretii ac nè commodi quidem responsulissent, protestati de injuria sibi facta, *Annam Reginam* Virginem sibi Principem legitimam, per *Ioannem Sienicium* postridie inaugurarunt, eidemque Maritum *Stephanum Bathory* Palatinum Transylvaniæ, ac futurum Regem designarunt. Et mox eadem Regina per *Ioannem Kostkam* Palatinum Sandomiriensem, & multos alios, Regnum, se, suasquè libertates, vitam & fortunas deferunt. Indoluit illa primo Regni Schismate, tam periculoso, lachrymisque fatalem Reipublicæ conversionem

*Protestantibus aliis contra,*

*Et Stephanum Bathoryum nominantibus.*

prosequuta : Sed postea , ubi Ordines in sententia perstare videret , assensum ad ea omnia quæ ex usu Reipublicæ essent præbuit , seque eorum fidei consiliis & fidelibus studiis permittit , omnia sua pro salute eorum , ac Reipublicæ devovens. Karnkovius Episcopus , ut tam periculosum Schisma sanaret , Varfaviam accurrere voluit , sed Solikovio , & aliis rogantibus , ut paulisper se adhuc domi contineret , non dubius ab utraque parte ejus consilium imploratum iri , & jam hanc illam à Deo occasionem præparatam esse , qua omnis illa invidiæ flamma , quâ Regis Henrici causa apud omnes flagrabat , suâ sponte sit collapsura. Vix professionis suæ sententiam cohibebat , cum ecce primum à Batorianis , deinde à Cæsarianis compellatur. Cupiebat is maximopere , & rogabat , ut ii Oratores ad suos Candidatos mitterent , & potius in unum Candidatum quempiam , præteritis hisce ambobus , convenirent : eaque de causa Lovicium ad Archiepiscopum accurrit , sed is jam ita animum ob-

*Karnkovius istud  
dissidium  
componere  
nisiint.*

*Sed frustra.*

*Oratores  
ad utrum-  
que Ele-  
ctum missi.*

obfirmaverat, ut de sua sententia nulla ratione deduci potuerit. Abierunt igitur utriusque partis nomine Oratores ad suos quisque Electos. Ad Cæsarem Albertus Lascius Palatinus Siradiensis, Stanislaus Sandivogius Czarnkovius, Gostomscius Castellanus Sochacoviensis, Christophorus Zborovius cum Collegis. Ad Batorium verò, Ioannes Tarlo Palatinus Lublinensis, Georgius Mnifzek Incisor Regius, Albertus Starzechowski. Nicolaus Iazlowieczki, Ioannes Ostrorog, Martinus Lwowski, Ioannes Plaza, Georgius Niemsta, Adam Gorayski, Stanislaus Lascz, Stanislaus Pstrokowski, Ioannes Beldowski, Ioannes Radziewski: ad quem etiam Archiepiscopus Iacobum Woronecium nepotem suum misit, monens ne se decipi à quopiam pateretur. Regnum ne alteri Electo & prius nominato Principi intervertere præsumeret. Atque eodem propè tempore *Stanislaum Sandivogium Czarnkovium*, quondam consensum Regis Henrici producentem Coadjutorem Archiepisco-

*Czarnko-  
vius Coad-  
jutor Ar-  
chiepiscop.*

*Andreo-  
vius Con-  
ventus.*

patus Gneznenſis cum Capitulo inſtituit, & Clavem Zninenſem illi concedit. Bato-  
rianis inde meliorem telam fortuna texere  
cœpit, quod ad judicium totius Reipublicæ  
provocarant, & Comitia particularia  
paſſim; poſtremo Generalem Conventum  
Andreoviam indixerant. Ad quem cum  
certatim Karnkovius, tanquam vindex Pa-  
triæ libertatis oppreſſæ, evocaretur, illuc  
profeſtus eſt. Et in eo confirmata Step-  
hani Electione, ac Imperatoris repro-  
bata, (idquè in anno CIOIO LXXV) nam & Ora-  
tores illius illuc advenerant, poſtquam  
per *Philopponium* à Stephano & Regni con-  
ditiones fuſceptæ, & jurejurando firmatæ,  
allatæ eſſent, & celer illius in Regnum ad-  
ventus promitteretur, jam à partibus Ba-  
thorianorum apertè ſtetit, ipſoque autho-  
re, & dies Coronationis dictus, & ad eum  
ipſum Stephanum variæ adquè fœdera-  
tos Regni Principes literæ, & legationes  
decretæ, & expeditæ fuerunt, ubi cum  
mentio fieret in ſcriptis Conſœderationis  
de religione abunde Episcopus Iuribus  
Ec-

Ecclesiasticis cavit. Missi etiam fuerunt ex hoc Andreovienſi Conventu Oratores ad Cæſarem Lanczkoronski, seu Wodziflawski, Caſtellanus Zavichostenſis, & Martinus Bialobrzeſki Abbas Mogilæ, qui Cæſarem mitigarent, & juſtæ Electionis Stephani rationes oſtenderent, quibus à Cæſare omnè humanitatis genus oſtenſum eſt. Sub hoc idem etiam tempus Vchanſejus Archiepiſcopus Conventum, ad diem ultimam Februarii, Conventui Andreovienſi contrarium edixit, qui tamen admodum infrequens fuit. Vnus ferè Episcoporum fuit Karnkovius qui ſe his partibus primus adjunxit, quod ab eo magno rei Eccleſiaſticæ emolumento factum fuiſſe tempus, & res ipſa poſtea comprobavit. Etenim cum Stephanus Hæreticorum ut plurimum ſtudiis Rex eſſet nominatus, tanquam is, qui aut Hæreticus, aut Hæreticorum fautor ab illis exiſtimaretur; & confirmaret hanc eorum opinionem *Blandrata*, homo hæreticus, ab eo ad Electionem miſſus; timens Episco-

*Cui à Cæſarianis  
Conventus  
Lovienſis  
oppoſitus.*

co-

copus nè eum, vel totum, vel medium haberent Hæretici, in hoc nervos suos intendit, ut antequam Stephanus in Regnum ingrederetur, de ejus fide ac religione edoctus, vel eum sibi ulterius fovendum, aut verò, si quid secus de eo intelligerent, Regio fastigio ac Throno excludendum curaret. Coronationis Regis & Reginae dies Dominicus Quinquagesimæ dictus est, quo cum Regis in Regnum adventus desperaretur, longo enim terrarum circuitu, ut Vngariam Imperatori subjectam devitaret, per Valachiam & Moldaviam iter instituerat, gliscentibus Cæsarianorum artibus, rumoribusque variis; hinc inde animos Bathorianorum in diversa trahentibus. Karnkovius, licet adhuc de Regis adventu nihil certi haberet, tamen Cracoviam ad diem dictum se contulit, Reginaeque ut eò proficisceretur persuasit. Et quoniam à Cæsarianis præveniri timebat, ne Rempublicam in incerto statu relinqueret, si vel Stephanus tardius adesset, vel aliquis gravior casus, ut sunt huma-

*Dies Coronationis  
Stephani  
indicta.*

*Interea ad  
opina in-  
tento Karn-  
kovio.*



humanæ res, cursum sui cœpti turbaret, coactō Consilio Senatus, de Regina coronanda ad Senatum & Ordines retulit. Et quoniam in Republica tuenda maximè Statum Ecclesiasticum, ne quid detrimenti acciperet, attendebat, cum Clero in primis Cracoviensi sua consilia communicat. Vtrobique variantibus Sententiis res tandem in ulteriorem deliberationem dilata fuit. Interea tamen, ne diu expectatus Rex, rebus Ecclesiæ Dei non provisus, Regni fines intraret, arrepta hac occasione, quod Rex eum, ut sibi ad fines Regni occurreret, literis suis invitabat, ipse se rebus omnibus servans, & invidiam hominum declinans, ad eum non ivit, sed Solikovium ad se domo literis evocatum, & ne Reipublicæ & causæ divinæ in tam periculoso tempore & ipse deesset, suo loco, ad eum mittit. Magnum à Cæsarianis videbatur imminere periculum, sed multo majus si Rex in potestate Hæreticorum totus esset: Solikovius igitur de omni re, quam cum Rege ageret, Episcopi sententiâ

*Karkovius Stephano ob-  
viam ire re-  
nuit.*

*Solikovius à Karko-  
vio novo  
Regi ob-  
viam mis-  
sus.*

H

in-

intellectâ, & plenè de omnibus instructus in ulteriorem Russiam profectus, Regi Electo Stephano ad *Sniatinium* occurrit. Eum Prutum amnem, Moldaviam à Podolia disterminantem, transvectum, Hieronymus Russiæ Palatinus, & Nicolaus Castellanus Camenecensis Sieniavii Fratres, cum non contemnendo exercitu exceperunt, & per Martinum Mæzænium Iuriconsultum salutarunt. Invulgato Solikovii adventu apud Oratores, qui Regem Electum adducebant, qui, uno tantum excepto, Hæretici omnes fuerunt. Omnes, ne Solikovius à Rege nisi præsentibus illis admitteretur, vel audiretur, decreverunt; quod vererentur, ne is per eum in Ecclesiasticorum potestatem deveniret. Quod Solikovius, ex iis qui Episcopo Karnkovio favebant, ubi subolevit, ipse ad Oratores misit, rogans, ut sibi accessum nomine Episcopi ad Regem compararent, qui in periculo maximo Reipublicæ, & illis omnibus & Regi huic Electo adesset. Et cum etiam quicquid ejus nomine apud Regem

gem acturus esset, ipsos Oratores præsentes adesse, audire, & intelligere cuperet. Quo intellecto Oratores exhilarati, jam in Solikovium, atque in ejus persona in Episcopum Coricæi esse volebant, sed Plazæ tantum & Niemstæ id negotii dederunt, ut Solikovium ad Regem concomitati ei cum illo colloquenti adessent. Sed, ut mos nostrorum fert, solus tantum Plaza adfuit, & salutationem tantum ac benedictionem Episcopi audivit, atque ad suos retulit. Cæteroquin de hora secretioris colloquii submissius loquuti; tandem hora vespertina ejusdem diei, & in profundam noctem secum Rex & Solikovius, Philipponio fores observante (qui dies fuit Sabbathi) fuerunt. *Illic Regem de omnibus rebus,*

*qua fundamentum essent Regni feliciter inchoandi, plenissimè, nomine Episcopi, edocet. Quid agere, qua consilia sequi, qua vitare, in quas partes oculos & animum advertere oporteat, quo animo deniquè esse, quàm perspicaci, & qua sibi ferenda & exantlanda sint, quàm animo forti, jamquè ad ipsum Regni limen prævīdenda & ponderanda, &*

*Solikovii  
colloquium  
cum Rege  
secretius.*

H 2

animo

*animo bene ad omnia munito sustinenda, descriptis illis omnibus, & Statibus hominum, & forma Reipublica, & actionibus, ac rebus universis, prout tùm illo Colloquio brevi fieri poterat, illum instruit, & ad cetera audienda benevolum, attentum, & docilem efficit. Hic tandem de gratitudine Deo reddenda, de fide ei prestanda, & fide quidem Catholica, quâ sint, & sine cujus vera & sincera professione & observatione, non solum Diademate Regio se non esse potiturum, sed nec Cracoviam quidem, Sedem Coronandorum ac conservandorum Regum laudatissimam, & Catholicissimam semper, hætenus Principum esse conspecturum. Firmamentum esse Regni Catholicam fidem, & Catholicos Viros, ipsumquè Sacrum Ordinem Spiritualem esse primam & precipuam Reipublica partem, & Senatus caput, & Regis animam, lucernam ac Spiritum vitalem. Profitendam igitur esse fidem, verè & sincère cum Deo agendum, qui eum ad tanti regni gubernacula vocarit, qui jam ad fines adduxerit: cetera secutura, & adjectum iri gratis, modo is intra limen & ostium Regni pedem suum in vestigia priorum Regum Polonia ponat, & figat, Missam singulis diebus audiat, Episcopos ut*  
*Pa-*

Patres veneretur, & illis obediat. Romanum Pontificem Summum Iesu Christi Vicarium recognoscat. Iura Ecclesiarum facta tecta conservet, Senatum diligat, Ordini Equestri fidat. Hæreticorum consilia, tanquam Regno & sibi pernicioſa suspecta habeat. Non deesse adhuc ingentem vim rerum difficilium. Lithuanos adhuc in alterius esse Electi fide; item Prussos, Polonia magnam partem; teneri multas arces in fide Austriaci, Imperatorem competitorem esse magnum & potentem, sed ista omnia cessura, & tanquam vanas nubes præteritura, & Regno pacem, & tranquillitatem relictura, si Deus cum eo, ille cum Deo fuerit. Iam Episcopo Karnkovio fautore Clerum ferè omnem ac CoEpiscopos omnes in partes Stephani concedere: Iam Reginam, Aulam, Milites, Palatinum Cracoviensem Zborovium, & Comitiam plena ejus adventum feliciter expectare. Modò ut is non dissimilis esse prioribus Regibus Polonia, pietate, & constantia intelligatur. Audivit Rex Electus Solikovium non sine suspiriis, & cum singulari consolatione sua. Et non solum ad omnia verbis fusissimis respondit, sed etiam fidei suæ Catholicæ professione gene-

*Responsum  
Regis.*

rali factâ, rebus statim ipsis, ita Solikovio  
 fatisfecit, ut is de eo omnia præclare, &  
 sentiret, & ad Episcopum perscriberet.  
 Et quoniam ante aliquot annos Sniati-  
 nium à Moldavis exustum, nec dum resti-  
 tutam Ecclesiam Catholicam habebat, in  
 qua die Dominico crastino Sacrosanctum  
 Missæ Sacrificium audiret, Solikovio lo-  
 cum ubi id fieri posset demonstrante, se-  
 quenti die summo manè illud se auditu-  
 rum, & illud idem singulis diebus factu-  
 rum lubentissimo animo spondit. Ha-  
 bebat autem jam secum ab Episcopo Soli-  
 kovius & Sacerdotem, & omnem Altaris  
 apparatus, quem penes Regem cum pue-  
 ris amanuensibus reliquit. Multi sermones  
 fuerunt de Transylvania Religionibus im-  
 piis, de paucitate Catholicorum, de So-  
 cietatis Iesu Patribus, quos per Fabium  
 Dalmatam jam petierit. Religionem qui-  
 dem Catholicam se semper ob Proceres  
 Hungariæ, & populos omnes Hæreticos  
 integram servasse occultè, & Monacho  
 cuidam Albæ Iuliæ, Seni, per speciem ve-  
 na-

nationis ad eum excurrere, confiteri, & ab eo communicari solitum fuisse. Et se quidem militari modo in penitioribus articulis Catholicæ fidei versatum, sed animo prompto omnia auditurum, & suscepturum quæcunque in salutem animæ suæ, & Reipublicæ, præsertim Ecclesiæ Statum tuendum, & ornandum pertinere edoctus ab Episcopo fuerit. Multa dehinc de rebus aliis, politia Regni hujus, moribus Sigismundi Augusti, Henrici, itemque Officiis Regni, & forma Reipublicæ interrogabat. Sequenti igitur die festo Dominico summo mane Sacrum Missæ Sacrificium audivit cum lachrymis: etiam librum Evangelii sibi oblatum exosculatus est, & per totum Sacrum genibus flexis orans. Oratores durante Missæ Sacrificio ante fores erant, & cum Missam apud Regem haberi intellexissent, *Iam isti Sacerdotes inquit, se in possessionem Regis intruserunt.* Dum hæc apud Regem aguntur ii qui ad Cæsarem missi fuerant redeunt; & cum Senatui & Ordinibus Regni à Cæsare li-

teras

*Rex Missæ  
sacrificio  
interest.*

*Id quod O-  
ratores ad  
Regem ma-  
lic habes.*

teras exhibuissent, quibus Cæsar eos fideles, dilectos, compellavit, malam gratiam apud omnes inierunt, tanquam ii qui Ius Cæsareæ Electionis, allatis talibus literis, non obscurè confirmassent. De Rege autem Electo magna fuit Cracoviæ expectatio apud omnes, sed maximè apud Episcopum Karnkovium, quem fructum allatura esset hæc ad eum Solikovii profectio. Igitur cum literas Solikovii accepisset, quibus is Regem Electum, ac præclaras illius animi dotes ac corporis, item prudentiam, facundiam, maturitatem, industriam, rerum usum, ejus describebat, Episcopus ejus literis sparsis, mirifica erga eum studia omnium excitavit. Rex Electus ante Festa Paschæ Urbem ingredi debuit; sed adversa valetudine impeditus, ad Mogilæ Monasterium, uno ab urbe miliario, substitit. Quem Episcopus etsi primo quoquè tempore videre cupiebat, tamen ne linguis hominum incurreret, sese domi continuit; & ad eum Martinum Pilsnensem, Stanislaum Solikovium, & Cloda-

*Rex electus  
ad S. Tumbam  
eger.*



daviensem Regis Sigismundi Augusti Con-  
 cionatorem, Theologos ex Academia Cra-  
 coviensi, ut operam eorum, aut unius  
 eorum, qui ei magis placeret, in rebus fidei  
 uteretur, destinavit. Rex sibi *Solikovium* de-  
 legit, eumque penes se retinuit. Quo  
 postea, quia linguâ Latinâ Rex utebatur,  
 & alios dicentes audiebat, per annos  
 quinque continuos Concionatore grato,  
 & felici usus est. Peractis festis Paschæ  
 Rex Electus xviii Aprilis adveniens à Se-  
 natoribus & Nuntiis Equestribus, ante  
 portam Sancti Floriani, in Campo paten-  
 te, die sereno, & favente aura exceptus  
 est, & per Episcopum Karnkovium om-  
 nium nomine salutatus. Ad cujus oratio-  
 nem ipse ore suo respondit. Et tandem ur-  
 bem & Arcem, solenni quidem, sed Hen-  
 ricanæ nihil simili, pompa ingressus est. Et  
 tandem, post diem octavam Paschæ, cum  
 Archiepiscopus Vchanscius venire noller,  
 die Martis profesto, & in Templo Sancti  
 Stanislai Cracoviæ in Arce, de more, ab  
 Episcopo Karnkovio, una cum Anna Re-

*Solikovius  
Theologus  
Regius.*

*Ingressus  
Regis Cra-  
coviam.*

*Post, Coro-  
natio à  
Karnkovio  
peracta.*

gina coronatus est , cautione adhibita :  
 Ne ea res Archiepiscopo Gneznensi , tan-  
 quam Primati, ac Regum Coronatori præ-  
 judicaret , & in jurejurando Regio , de sal-  
 vo Iure Ordinis Ecclesiastici in servanda  
 pace inter dissidentes de Religione condi-  
 tione adjecta , quam cum Hæretici nol-  
 lent , tandem in hanc formam conventum  
 est , ut enunciaretur salvum Ius partium.

*Anna Re-  
 gina juri  
 maternæ  
 renuntiare  
 cogitur.*

Regina priusquam coronaretur , & Vxor  
 Regis esse declararetur , Iuribus suæ Ma-  
 tris Bonæ , in quibusdam Regni Poloniae,  
 Lithvaniæ , & Mazoviæ fundis renuncia-  
 vit, & novam fundi inscriptionem in terris  
 Mazoviæ accepit. Non deerant qui Re-  
 gem aliam Vxorem ducere consulerent;  
 sed Karnkovius, unâ cum aliis mitioris sen-  
 tentiæ Senatoribus, Reginæ auctoritatem,  
 quæ etiam in Electione priore loco nomi-  
 nata fuit , defendit , & incommodum po-  
 tius aliquod ob ætatem domestica pacien-  
 tia ferendum , quàm ut & Reginæ stirpis  
 Polonæ contumelia fieret , & in rebus no-  
 vis & imperfectis Rex & Regina peregrini  
 ambo

*Anna cum  
 Rege con-  
 jugium.*

ambo Regno præessent. Coronatione perfectâ, & variis quibusdam fabellis de Rege à Regina alieniore, atque ob id bellum prius cum Regni hostibus quàm fœdera Conjugii perfecturo discussis, & metu compresso: ea quæ ad gubernacula Regni feliciter inchoanda pertinebant, agi, & tractari cœperunt. Rex in foro Urbis, de more in Throno residens, à Cracoviensibus Iusjurandum fidelitatis recepit. A Principibus Vasallis Internuncii, temporis designationem, quo fidem suam præstarent, etiam nonnulli adfuerunt. Ex Lithvanis nemo Coronationi adfuit. Tandem quod Ioannes Chodkievicius, Capitanus Samogitiæ, & Marschalcus Lithvaniæ jam in Electione in partes Stephani, operâ Petri Zborovii Palatini Cracoviensis, cujus Sororem ante annos complures Conjugem habebat, concesserat; & cæteros Lithvanos Polonis se adjuncturos, bona spes erat. Quod & factum est. Nam Ioannes Chlebovicius, Castellanus Minscensis cum aliquot aliis Lithvanis ad Regem

I 2

venit,

*Lithvani  
novi Regis  
electionem  
approbant.*

venit, eumque Regem tantum Poloniae consalutans, de injuria à Polonis accepta, quod eum Regem, Lithvanis exclusis, contra unionis præscriptum, renunciassent, multis verbis egit: qui privatim cum Rege collocuti, & prudentiam ipsius meliore nota conspicati; præterea & toti illi Provinciæ Ius suum fore salvum, defensioque contra Moschum promissa esset, non difficulter & ipsi Regi se adjunxerunt, & suos omnes idem facturos esse polliciti sunt. Erat inter Nobiles Viros Regni & Secretarios Regis Sigismundi Augusti juvenis præclarus, & doctus, *Ioannes Zamoſcius* Capitaneus Belzenſis & Zamechenſis, cui etiam Rex Henricus Knifinum dederat. Is in Electione Stephani cum Ioanne Sienicio Tarnogovio ſenſit, & multis eum confiliis, ad negotium pro Stephano conficiendum, juvit. In eum Rex, statim initio ſui Regni, oculos & animum conjecit, ſeu quod ſuæ Electioni faviſſet, ſive quod præterea magnam in eo eruditionem, & modestiam morum animadverteret. Quod  
non

*Iohannes  
Zamoſcius  
Regis gratiam  
adeptus.*

non solum ab æqualibus ejus , sed etiam à Senatoribus multis notabatur. Qui postea in quanta Regis gratia fuerit , & ad quantas fortunas pervenerit , ea quæ sequuntur abundè demonstrant. Nunc cœpta prosequamur. Imminebat Regno Cæsar , & fretus suorum favore , quos in Polonia habebat , tum verò Oratorum Polonorum precibus excitatus , Comitia Imperii Ratisbonam ad proximum mensem Iunium indixerat. Consilia igitur , tum de Cæsarianis ad concordiam adducendis , tum de Cæsare à cogitatione Regni Poloniæ deducendo acta sunt. Cum autem Regi non placeret , nomine suo quenquam ad Cæsarem mitti , ne jam in Regni possessione positus , & Rex coronatus , & Reginam Vxorē habens , sua cum illo disceptatione suam dignitatem in dubium revocare videretur. Sed ut Senatores , ac Ordines Regni potius aliquos mitterent , five ex medio sui , seu ex Secretariis Nobilibus , qui non solum Cæsarem adirent , & cum eo , ne Regnum jam quietum turbaret , agerent :

*Legati à  
Senatu ad  
Cæsarem  
missi.*

Sed etiam Ordines Imperii compellarent , ut pacifica consilia Imperatori, ad mutuam pacem , & tranquillitatem conservandam, & temerè orbem Christianum bellis non implicandum, darent. Eam ad rem delecti sunt , Ioannes Crotosius Palatinides Ino-vladislaviensis, & Ioannes Demetrius Solikovius , ambo Secretarii : Hi literis Senatus & Ordinum ad Cæsarem & Principes acceptis , sine magno apparatu, (ita enim iusserat Rex ) Regis ipsius literis tantum passus muniti , iter arripuerunt. Pluribus per Silesiam locis impediabantur , sed fortuna animos eorum juvante, & patientia durum superante, ita progrediebantur , ut Pragam incolumes pervenerint: ubi, quoniam sub id tempus etiam Polonici Regni causa, Præsidente Rudolpho Rege Romanorum , Hungariæ, & Bohemiæ, ac præsentem Archiduce Ernesto, Comitibus Bohemiæ agebantur, ad quæ nullas literas nec mandata suorum habebant. Patefacto eorum adventu, nec tamen eis qui essent , apud eos quorum intererat, celantibus, à Rege per

per Scolowrocium Valstinum Vatembergium & Wehinscium salutati , & in media Comitia ingressi, Regem Romanorum, & Ernestum de suis personis salutarunt : & iis, quæ tum res postulabat, ore rotundo, dictis, suâ suorumque existimatione servatâ, invidiosissimæ Legationis non infauftum expediendæ bona initia dederunt. Rex enim Romanorum, ubi eos ad Cæsarem suum Parentem proficisci comperit, satagebat, ut non Ratisponam, ubi nondum Cæsar aderat; sed Viennam ad ipsum Cæsarem, ubi is adhuc esse ferebatur, irent. Sed illis rectâ Ratisponam se malle respondentibus, ut maturæ Cæsareæ Majestati adventanti occurrerent, nevé ab eo in itinere exerrarent, ad diem sedecimum, donec Cæsari de eorum adventu perscriberetur, sic volente, & rogante Rege Rudolpho ( qui mos est Principum, ut rogent, quod habere volunt ) Pragæ manserunt. Multoties à Proceribus illius Regni compellati, tandem dimissi Ratisponam venerunt. Et Cæsar die sequenti, mense Junio  
me-

medio advenit. Rex Stephanus in Polonia res suas agebat, & quia Lanczkorona Arx Cracoviæ vicina, quæ recipere poterat ex Hungaria aliquot præsidium, quam Albertus Lascius Palatinus Siradiæ, præsidio in ea relicto, tenebat, eam Rex aliquantâ oppugnatione cœpit. Pruscovium primò, deinde Francendorffium audientiam Polonici Nuntii apud Cæsarem petebant, sed ea tam diu trahebatur, donec Moschorum Legati advenirent. Altero igitur die Nuntii Polonici ad Cæsarem accersuntur, A Pruscovio veteri suo amico Solikovius intelligere cupiebat, num publicam, vel privatam audientiam apud Cæsaream Majestatem essent habituri. Sed id etsi minus obtinuissent, nihilominus animo præsentis, inter Germanorum & Polonorum greges sibi adversos incedentes, oculis etiam suorum dissimulatis, ad Cæsarem intrarunt. Ingressi, & salutato per Crotofium Imperatore, literisque illi datis, Solikovius rem ipsam aggressus, totum Electionis negotium, uti res erat, longâ oratione Cæ-



Cæsari exposuit. Circumstabant Imperatorem, Wilhelmus Dux Bavariae, & Albertus Laski cum Christophoro Zborovio, ac Principum Germaniae Legati, dum is verba faceret. Erant, qui, antequam diceret, gratius fore Imperatori suggerebant, si, quæ dicturi essent, potius in scripto exhiberent. Sed illi maluerunt verba facere, quæ aliter accipi non poterant, & plus efficaciae apud varios auditores habitura illis visa sunt, quàm scriptum, quod à multis ignoraretur, tradere. *Igitur primum de tardiore audientia conquesti sunt: inde, quod ad videndum prius Imperatorem privatim admissi non sint: inde, quod publicamne an privatam audientiam essent habituri non pramoniti fuerint. Cæterum ita excepti, tanquam hostium legati, qui tamen alibi mitius tractentur, advenissent. Sed tamen ea omnia tempori condonare, & sua privata illa sit, seu publica audientia, ita se verba facturos, & accommodaturos, ut & dignitatem Majestatis Casarea, quàm maximè observare, & ad eum omnia vera, certa, & explorata, secus quàm alios, qui ad eum Regnum detulerint, retulisse, omnibus*

*Oratio Solikovii Legati ad Imperatorem Maximilianum.*

K

appa-

apparere possit. Inde, discessu Regis Henrici, ac ejus retinendi studio, & periculis Regni, quibus eo absente, tum foris, tum domi, distinebatur, & necessario instituta nova Electionis rationibus commemoratis, ipsum initium, progressum, tractationem, ac finem discordiæ Electionis exposuerunt: Ita ut qui illi Electioni aderant, ita se verè habere fateri, & qui non aderant, sed tamen audiebant, omnia probabilia apud se habere, & agnoscere planè cogerentur. Cum tamen Ius Electionis Regis in Regno libero ad omnes Ordines pertineat, excluso Equestri Ordine, & Senatorum multo majore parte, nec Archiepiscopum Regem nominare, nec Marschalcum promulgare potuisse. Qua in utraque re, præter alia innumera qua ad probationem vera ac legitima Electionis requirebantur prætermissa, aut secus quàm libertas & Status Reipublicæ exposceret acta, multum à scopo aberratum fuisse; & Nominationem secessu factò, præter opinionem, & demum promulgationem, in ipsa Arce conclusa, non in Electionis loco peractam fuisse. Et cum cætera pars Senatus ac Nobilitas Regni, cavendo libertati suæ, ita à paucis Fratribus oppressa, ac in discrimen adducta, Reginam Annam Infantem, Regum Polonia

Polonia Neptem, Filiam, & Sororem, cum Stephano Bathorii Palatino Transylvania pari atate copulandam Reginam suam dixissent, ac contraria multo majoris partis Electione, quam legitimam in tali casu esse statuerent, libertatibus suis in posterum cavissent, tamen ad res concludendas, & Schisma confirmandum, eos non properasse, verum Casarianos ad omne genus concordia tractanda, & medii alicujus amplectendi, aliquoties invitasse. Casarianisque ad nullas concordia rationes condescendere volentibus, sed magis in sententia persistentibus, etiam eos ab Electa Infante Regina, ac Electo Rege suo resilire non potuisse. Ex qua collisione studentium suis partibus utrisque, ad universa Reipublica judicium provocatum esse, & Conventus contrarios duos, Andreoviam, & Lovitium, indictos, facile judicium & sententiam tulisse, & finem controversia fecisse. Nam Andreoviam ex omnibus Regni partibus frequentem Senatuum & Equestrem Ordinem coivisse. Lovitium verò paucissimos, idque ejus Schismatis pertasos. Caterum & planum omnibus in Polonia & Germania fuisse, & Majestatem Casaream diu & multum, an Regnum in hoc Schismate acceptaret

deliberasse, & non accepturum passim ab omnibus affirmatum esse. Quod ipsa tarditas, & suscepti Regni, & Iurisjurandi præstiti, abunde confirmare videretur. Et interea alterum Electum & ad Regnum venisse, & Regno potitum, & Reginam Regni Infantem Vxorem duxisse, certum argumentum esse, & divina voluntatis, & concordis utriusque partis in hoc sententia, ut qui prior in Regnum veniet, pro Rege susciperetur. Quod Stephanus & jam venerit, & Diademate Regio insignitus sit, & Casarea Majestas suis rebus ipsa per se, quasi volens, & prudens, defuerit. Qua de re ipsa etiam, ipsos Casarianos cum Casarea Majestate expostulasse, & si Stephanus ante quartam diem Aprilis prior Imperatore venerit, se unà cum aliis ejus Majestatem agnituros, Fratribus contrarie partis scripsisse. Vnde manifestè constaret sua Casarea Majestati Polonos nihil malitiosè, nihil insidiosè contra suam Majestatem fecisse: Sed hac ratione sibi, suæque libertati consulendum putavisse. Quod autem aliqui dicerent Stephanum Turca obnoxium esse, & aliquid ex eo incommodi Reipublica Christiana accessurum, scirent, in Transylvaniam non ipsum hoc Ius primum intulisse, sed  
ita

ita à Majoribus accepisse. In Polonia verò cum Turca non alio modo, quàm antiquo Regum Polonorum more fœdera pacis servaturum esse. Orant igitur, jam sua Majestas Regno Polonia, quod in finibus Europa, quod adversus Christiani nominis hereditarios hostes positum, semperque in procinctu ac excubiis situm est, & suam hanc mediocrem felicitatem faveret, faverent & ceteri Ordines sibi ac Orbi Christiano tranquillitatem & pacem, non inviderent libertatem omnibus liberis Nationibus peculiarem. Quod si qui essent, qui prudentissimum Imperatorem Consiliis suis minus oportunis in medios tumultus & apertissima Reipublicæ Christiana pericula conjicere nihil pensi haberent; Utetur potius sapientissimus Imperator suâ prudentiâ & Iudicio, quo semper fuit maximo, & memor se in Summo rerum Christianarum apice, Patrem omnium esse; seipsum audiret, sibi similis esset, & privatam causam suam non tanti duceret, quanti salutem totius Orbis Christiani. Non enim, si secus fieret, non possent Poloni, nisi pacem suam, & Statum presentem Patriæ suæ, suasque libertates, vitâ etiam ipsâ chariores, modis omnibus tueri, ac defendere. Conquesti etiam sunt nomine publico de

*captivitate Andrea Comitis Gorcani in Silesia à Corozbachio, & nece Gnojevii ab Humienio Hungaro factâ, rogantes jus reddi injuriam passis.* His

*Responsum  
Imperatoris.*

& multò pluribus verbis cum sermonem suum Nuncii Polonici, attento & nihil mutante vultum Imperatore, peregissent, per Cancellarium Cæsar respondit, se multò diversa ab aliis, qui Cæsaream Majestatem Regem Poloniae renunciarunt, accepisse, & se suam Electionem legitimè, etsi non ab omnibus, certè à majore parte Ordinum Regni factam esse, ducere. Verùm in re tanti momenti se deliberare, & responsum clemens polliceri, De Gorcano, & Gnojevio Ius se dicturum via sua querentibus esse. Discedentibus à Cæsare Nuntiis Christophorus Zborovius petere à Cæsare audientiam cœpit; quo ad verba Nuntiorum illorum minus veritati consona respondere posset. Conversi ambo, & Crotosius quidem se vera dixisse, & dicere respondit. Solikovius se non disputandi, aut litigandi causa cum privatis venisse, sed ad solam Majestatem Cæsaream, dixit.

*Zborovius  
apud Cæsarem sese  
Legatum opponit.*

dixit. Igitur Cæsar, etiam cum quadam vultus asperitate, quæ tamen illi rarissima fuit, Zborovinum tacere iussit. In diversorium reversis ipsis, Zborovius Crotosium, *Et Crotosium ad duellum provocat.* missis ad eum tribus Nobilibus Polonis, ante Urbem evocat, quod intellexerit eum sibi minari, habere se quid cum eo loquatur. Quibus ille, se ubique gentium Zborovio ad omnia paratum esse, modo prius Legationem quâ fungitur absolvat. Quæ res cum esset ad Imperatorem perlata, invidiam Zborovio conflagavit, & Nuntiis ut esset pax in omnibus cautum est. Venerat à Summo Pontifice Gregorio XIII Legatus Vir magnæ authoritatis & prudentiæ *Cardinalis Moronus*. Hunc Nuntii adierunt, salutarunt, & cum eo egerunt, ut nomine Summi Pontificis paci communi consuleret; Cæsarem à Polonia armis petenda avocaret, & Regem jam coronatum Regno libero relinqueret. *Cardinalis Moronus mediator Polonorum apud Imperatorem.* Cardinalis cum eos audiret, & multa præfatus de Summi Pontificis, ac sua in Poloniæ Regnum Nobile, benevolentia, & studio, deque

deque Imperatoris bonitate , humanitate , prudentia , ac singularibus virtutibus , ob quas quodcunque Regnum præstantissimum eum potius sibi appetere Regem , quàm repudiare deberet. Tandem demiratus tam crebras Regum mutationes , postremò de Rege Stephano , ejusque moribus , ac in primis Religione inquirere cœpit. Quem cùm Catholicum esse intellexisset , ac jam & animum per quosdam suos Nobiles , ac Medicum , qui Solikovium ægrotum sæpius adibat , præparatum habuisset ; bono animo eos esse jubet , & ad omnia Regni Poloniæ commoda , & salutem procurandam , ac nationem totam complectendam , & fovendam , operam suam offert. Hinc alios adeunt , præsertim Cæsaris Consiliarios. Fortè fortunà orando apud Cæsarem Ordinum Imperii mentionem fecerunt , se nimirum ad eos etiam mandata suorum habere. Sed cum apud eos vel præsentem Cæsarem orandum esse intelligerent , illud magna cum injuria Imperatoris fore prævidebant : vel absente , &



& tum se, si non Germanorum, certè Polonorum ipsorum alterius partis, altercationi, & contumeliis expositum iri putabant. Ideo ad Imperatorem dixerunt, se eo libentius Ordines Imperii non esse adiuturos, quo majorem spem habeant, ejus Majestatem suâ prudentiâ nixam, hoc tale negotium, non in cujusquam voluntate aut judicio, sed in ipsius arbitrio sitam, optato & salutari exitu terminaturam esse. Quæ res ut Imperatori placebat, ita Polonis fuit utilis. Quid enim attinebat cum Ordinibus agere, quando in dies singulos, non cum aliis tantum extra Germaniam, sed etiam ipsis Germanorum Principum Oratoribus multa etiam secretiora consiliorum illorum arcana communicabat: Ex quibus hoc illis abunde constabat, Imperatorem quidem à Regno hoc aggrediendo haud illibenter supersedere posse: sed à Germanis Principibus, nè dignitatem suam Cæsaream posthaberet illi persuaderi, se omnibus auxiliis & opibus præsto illi futuros. Satis diu illum, & multa

*Prudenter  
verò Ordines  
Imperii  
præstari.*

L

fusti-

sustinuisse, tempus esse ignaviæ excutien-  
 dæ, & patientiæ tantæ aliquando impo-  
 nendum finem. Cui sententiæ etsi minus  
 adstipularentur Brandeburgenses & Sa-  
 xones: tamen quia in eo & dignitatem  
 Cæsaream, & gloriam totius Germaniæ  
 ac salutem verti putarent, quo fortunam  
 inclinare videbant, eo & favorem suum  
 dirigebant. Vilcopius Gallicus Orator, &  
 Legatus Apostolicus Orationem habitam,  
 imò omnium Italicorum Principum Ora-  
 tores, habere à Nunciis voluerunt. Sed  
 uni tantum eam descriptam dederunt, ita  
 tamen, ut eam legi ab omnibus vellent.  
 Cum Moschis igitur Imperator foedere fa-  
 cto, iisque per Lubecam dimissis, de ve-  
 ticali & à Principibus ac Civitatibus  
 comparando tractabant. Vbi Cæsarem  
 Cardinalis compellasset, & bellum illi dis-  
 suadere vellet, suspectum se illicò Impera-  
 tori reddidit. Nuncii Poloni vocati ad Im-  
 peratorem, expediti sunt, responsum illis  
 scripto comprehensum datum est, quod  
 illi acceperunt eâ lege, si quid in eo contra  
 men-

mentem Ordinum Regni , à quibus adven-  
nerant , invenerint , nè ea res Cæsaream  
Majestatem offenderet , quod tale respon-  
sum ad suos referre non possent. Quoniam  
autem indicio quodam secreto cognove-  
rant , se non satis tutum iter in Patriam  
redeuntibus habituros esse , literas passus ab  
Imperatore petebant. Sed Imperator ore  
suo respondit: Nihil periculi in suis ditio-  
nibus eis fore. Quod & factum est. Nam  
postea, eodem quo discesserant die , in pa-  
go Ducis Bavariae , tribus milliaribus à  
Ratispona, dicto Vatter, cum è navi ad no-  
ctem , nam per Danubium navi veheban-  
tur , in Hospitium se recepissent , no-  
ctu coacta ingenti agrestium multitudine  
mandato Cæsaris capti , & Lincium dedu-  
cti, ibique in Arcis habitatione una per  
quatuor menses conclusi fuerant , sparso  
rumore eos Turcas esse , qui nomine Ba-  
thory Imperatoris vitæ insidias struxerunt.  
Condolentibus hominibus qui eos vide-  
bant , neque autem , licet linguam Germa-  
nicam nossent , licebat illis quenquam al-

*Dimisso  
Legatorum  
Polonorum  
ab Impera-  
tore.*

*Capitulum  
& incurre-  
bant.*

L 2 loqui.

*Excusant  
fallum Au-  
licis.*

loqui. Cum Nobilibus tamen Cæsareis  
Aulicis, qui eos cum armatis deducebant;  
graviter de violato in personis Legatorum  
Iure gentium expostulabant. Hujus rei  
initium à Polonis esse datum, cum Henri-  
cus Curczbachius, Orator Cæsarens ad  
Prutenos, ab Ernesto Vejero multis vulne-  
ribus affectus, captus, & spoliatus sit, de  
cujus etiam vita desperaretur. Quod si ille  
obierit, & ipsos non extra periculum  
esse, tradendos enim esse sine dubio in  
manus Braineri, ac totius familiæ Curcz-  
bachanæ. Quas eorum minas, etsi Poloni  
non multi faciebant, tamen dixerunt; Si  
quid Vejerus peccavit, habere eum suum  
Principem, qui de eo jus dicturus esset:  
Si verò pro Vejero pati innoxios, idque  
Oratores publico nomine, non ad alium  
quenquam privatim quàm ad Imperato-  
rem ipsum missos, & longe in hoc Curcz-  
bachio superiores, qui ad Gedanenses in  
rebellionem confirmandos, non autem ad  
Regem Poloniae, vel ad Senatum aut Or-  
dines Regni missus abiisset, sibi igitur im-  
pu-

*At absque  
ulla justa  
ratione.*

putaret, aut aliquis alius ejus injuriæ, si quæ injuriæ, esset author quærendus; non ipsi, qui optima fide in negotio publico totius Reipublicæ Christianæ versati essent. Erat tum Lincii Præfectus Losensteinus, vir senex, & probus, & non lubenter in suâ custodiâ Polonos habebat. Frater etiam Solikovii Sigismundus Viennæ, Laski Samuel Glocy cum literis ad Regem, Gorgovius Pragæ, Familiares Solikovii quos variis itineribus terra præmiserat capti fuerunt. Ordines Superioris Austriæ, quæ est supra Anasum, qui singulis mensibus judiciorum causa Lincium conveniebant, & in arce epulum sumebant, Polonos viderunt, & cum eis collocuti ad Imperatorem bis literas dederunt, rogantes ut dimitterentur. Bonam enim sibi vicinitatem cum Regno Poloniæ necessariam; dissidium autem & bellum, quod absit, valde periculosum esse. Captivi in Poloniam Regi Stephano & Senatui scripserunt, quæ tamen prius ad manus Imperatoris literæ eorum missæ fuerunt; se Ratispona

*Austria  
Ordines pro  
Legatis Po-  
lonorum Au-  
tercedunt.*

à Cæsare benignè dimissos ; sed in itinere captos ; Lincii in Arce captivos detineri : nullâ aliâ de causâ , quàm , uti fertur , ob Curczbachium captum , aut potius donec eorum consilia de Regno maturescerent . Se quidem è captivitate liberari ocius cupere ; verùm quicquid Rex cum Senatu in rem , usum , & salutem Reipublicæ faciendum decreverit , se omnia pro Rege & Republica pati , & fortiter ferre paratos esse . Interea Imperator languere cœpit , & res quidem , ac consilia procedebant . Sed Vxor Imperatoris , fœmina prudens , omnes undequaque literas ad Imperatorem missas ad se recipiebat ; neque , nè Imperatori malè valenti animi dolorem afferrent , eas ipsi præsentari aut legi volebat . Ergo accersitus Rudolphus Romanorum , Hungariæ , & Bohemiæ Rex , ad Parentem , nomine ejus semel atque iterum , in consilium cum Ordinibus Imperii descendit . Vbi cum esset iterum ingressus nuntius illi de morte Imperatoris Patris allatus , ab Ordinibus , & consolationis & Imperatoriæ

riæ dignitatis gratulationis occasionem dedit. Itaque è curia Imperator salutus descendit. Iam & in Polonia vivente adhuc Imperatore Archiepiscopus Vchanschius, autore & sollicitatore assiduo Karnkovio Episcopo Vladislaviæ, cum à Maximiliano tardissimè res explicarentur, ut solet fieri in re cujus auspiciu non est à Divina voluntate, profectus se Regi subdidit, & ad eum Varsaviam venit. Quod ei peropportunè cecidit; Rex enim jamjam Bolemonio Lovitium pedites suos Hungaros mittebat. Cum Karnkovius Episcopus, qui tum cum Rege Varsaviam proficiscebatur, misso ad Archiepiscopum Alberto Solikovio, qui tum Archiepiscopi familiaris erat, eum de præsentis periculo admonet, & melius etiam, quod in hac animi obstinatione mortem Imperatoris non expectavit. Nepoti tamen ejus Paulo Vchanscio non satis placida fuerunt initia Regis agnoscendi; Etenim cum pluribus comitatus peditibus armatis Varsaviam venisset, nequè Regem lon-

*Archiepiscopus Gnesnensis ad partes Regias accedit.*

go tempore vidisset, & non pauca de eo à Rege alieniora ad Regem perferrentur, aliquot ejus pedites comprehensi, & in vincula coniecti sunt. Quos ut herus liberaret ad Regem accessit, & de injuria sibi illata vehementer conquestus, vehementer etiam reprehensus; post correctionem suam implevit, & fecit reverenter, quod alii fecere libenter. Interea etiam & Kurczbachius captus Regi sistitur, & data scripta sponsione de liberandis Regni Nunciis, & Gorecio Palatino Siradiensi Lanckoronensi Vicecapitano qui in Arce quadam captus tenebatur, Ernesto Vejero ad Imperialem Cameram non evocando. Quod si non perfecisset, se rursus Regi Stephano ad Festum Sancti Martini sistere debuit. missus æger animo & corpore, Ratisponam reversus ad Imperatorem Rudolphum, literas dimissionis Nunciorum Lincio obtinuit, quas per suos amicos misit, ipsique Nuncii xxix Octobris ex Arce in Civitatem dimissi, & tandem in Poloniam, inde Torunium ad Regem

*Legati Polonorum ex carcere dimissi.*



gem Comititia celebrantem pervenerunt. Maximiliano Imperatore morte ex hac vita sublato, Rex Stephanus indubitatus Rex omnia pro voto, jure optimo habere debebat. Sed licet ventus conquieverat, tamen fluctus nondum resederant. Etenim Gedanenses partes Imperatoris secuti, licet jam necessitas ipsa eos Regem Stephanum agnoscere cogeret, tamen quia aliquas condiciones à Rege obtinere cupiebant, non tam facile ejus Imperium agnoscere volebant. Vnde velut inviti ad obsequium adducerentur, quando sponte nollent, & temerè rebelles pacem Regni turbarent, hæc Regni Comititia Torunium fuerunt indicta, quæ tamen bonum successum non habuerunt. Nuntii enim Terrarum, seu quod Rex quibusdam pactis conventis non fecerit satis, sive novis quibusdam moribus & peregrina facie rerum, præsertim in præsidio pedestri ex Hungaris conflato, quod rapacitate sua omnibus molestum erat, & Hungaris compluribus plurimum gratia ejus valentibus offensi, ita

*Gedanum  
Regem ag-  
noscere ve-  
nisset.*

*Comitia  
Torunien-  
sia absque  
effectu.*

M

Co-

Comitiorum tractatus de die in diem traxerunt , & nunc hoc , nunc illud causantes , nunc cum Ecclesiastico statu litigantes , ut elapso Comitiorum præscripto sex hebdomadarum tempore rebus prorsus omnibus infectis , ex Comitibus primis , post Regis Coronationem , cum magno dolore & verecundia Regis discessum fit. Cujus indicium fuit Oratio nomine Regis ad Senatum & Ordines cum lachrymis à Ioanne Zamoyscio, Regni jam tum Vicecancellario, facta. Crotosius etiam & Solikovius, cum viderent non omnia adhuc integra Regi cum populo & subditis esse , brevibus legationis suæ , & sine omni offensione Cæsarianorum, finem fecerunt : & ut juxta suam pactionem Henrico Kurczbachio relictam , res , literæ , pecunia , & monilia ejus ipsi remitterentur , orarunt. Deo & Regi suam captivitatem , & pericula pro Patria suscepta commendantes. Hoc tempore Franciscus Krassinius Episcopus Cracoviensis , missis ducentis ad Regem cum Stanislao Pekoslavio

lazio peditibus ex hac vita migravit, Opprindo ut aut nunquam Episcopus fuisset, aut nunquam confederationi Hæreticorum subscripsisset. Qua de causa etiam suum funus non Cracoviam deduci, sed Bozecinii sepulturæ mandari voluit. Episcopatus datus est Petro Myskovio Episcopo Plocensi, præterito Karnkovio Wladislaviensi, qui eum Episcopatum bono zelo, juvandæ Ecclesiæ atque Academiæ restaurandæ, desiderabat. Quod studium suum, cum per Solikovium Regi aperuisset, Rex se eum Archiepiscopum esse malle respondit, tum Ecclesiæ, & Reipublicæ, tum suæ dignitatis causa. Æquum enim esse, ut qui Regi Coronam imposuisset Episcopus, demum Archiepiscopus esset, & sua dignitate Regiam etiam stabiliorem efficeret. Episcopatus autem Plocensis Petro Volscio Cancellario Regni cessit. Ibidem, Karnkovio Episcopo authore, cum Rex à Clero subsidium propter instantes necessitates aliquot peteret, concordia Episcoporum & Cleri tunc

*Quare Rex  
Karnko-  
vium in  
Episcopatu  
Cracoviensi  
præterierit.*

M 2

præ-

*Bellum  
Gedanense.*

præsentis voluntate Synodus Provincialis decernitur. Ad Vchanski Archiepiscopum Gnezensem Solikovius mittitur, idque ut ab eo confirmaretur nomine Episcoporum & Regis obtinet. Quem etiam Episcopus Vladislaviæ ulteriorum consiliorum causa adiit; in spem subsidii Ecclesiastici. Rex cum frustra cum Internunciis Gedanensium Thorunii tractasset, bellum Gedanensibus indicit, & tum suis tum Polonis militibus collectis, etiam voluntariorum aliqua manu collecta, ad oppugnandum Gedanum se comparat, & tandem comparatis omnibus, quæ satis esse putabantur, ad Urbem accedit, & castra in Stolzembergo ponit. Interea mense Aprili Petricoviæ Synodus Provincialis celebratur, & feliciter absolvitur, Ex qua subsidii Regi promissi colligendi Episcopo Vladislaviæ cura committitur. Donativum ab Archiepiscopo, Wladislviensi, Plocensi Episcopis Solikovius, & Hieronymus Povodovius istic idem Regi jam Castra ad Gedanum habenti adferunt. De gravaminibus

nibus & injuriis Ecclesiasticarum & Cleri Regem edocent. In quibus tollendis Rex suam opem & operam prolixè Ordini Ecclesiastico defert ; & tandem oppugnationem Gedani , spe uberioris subsidii ex ipsa contributione,continuat. Sed cum Gedanenses , Salyos Conductus toties ac toties peterent , ac Rex precibus concederet , illi vallum in dies erigere , seseque munire , & navibus etiam novis præfidiisque sibi ex Germania comparatis in animos & audaciam erecti vim vi repellere , seseque defendere non destiterunt. Quæ res cum Regi non procederet , communicato cum Consiliariis qui tum aderant Consilio , præsertim Petro Zborovio Cracoviense , Ioanne Kostka Sendomiriense , Ioanne à Stuzevo Brestense Palatinis. Inprimis autem Episcopi Vladislaviæ consilio Convocationem anno CIO IO LXXVII Vladislaviam edixit , licet ipso Episcopo ægre ferente , & oppressionem Colonorum , quæ tamen non erat evitatâ , prævidente. In qua Convocatione decreta fuit Contributio Regni ex singulis

laneis vicenum grossorum , indictis eam in rem in singulis terris & Palatinatibus particularibus de more conventibus. Reliquerat in Polonia Rex Henricus argentum mensæ suæ , & Aulæ pretiosa , parietum papiliones , lectos , vestes , eorum bona pars Ioanni Comiti Tenczynio Cameræ Regis Præfecto , à quo hæc tota suppellex asservabatur , ab Henrico Rege fuit donata. Altera pars argenti Guidoni Fauro Pibiaco Consiliario in satisfactionem damni ad Soluturnum accepti assignata ab illo Rege cum esset , ejus reperundi causa ejus Secretarius in Poloniam venerat , cum literis Regis Henrici , & Reginæ Matris , ad Procures quosdam , & ad Regem ipsum , amicè , licet sine titulo compellatum. Quod argentum Rex Stephanus , Tenczynio scribens , unà cum rebus aliis mandavit Regi Henrico reddi. Reginæ Epistola ad Solikovium continebat verba hæc : Si Regem vobis Filium nostrum retinuissetis , & vestræ & nostræ res loco meliore essent. Secretarius Gallus cum in Galliam suppellex

cti-

*Supellex  
Regis Hen-  
rici extra-  
bitur.*

ctilem auferret, metuens nè Creditores in eum involarent, noctu eam Cracoviâ evexit, & cum in Gallias pervenisset, malam Regis gratiam, quod occultè discessisset, inivit: Supellex etiam ipsa, ut tapetia, & vestes, tota pluviis & aquis corrupta periit, & nulli usui remansit. Dum hæc aguntur, & Rex obsidionem continuat ad Derfoviam, aliquot Gedanenses militum millia cæsa à Regiis nunciantur. Quin & *Praeliis ad Derfoviam & Lubisaw.* secunda ad Lubisaw magna victoria Duce Ioanne Zborovio secuta est: ita ut duodecim millia Germanorum cæsa sub Duce Colnovio, ipseque ferè portis Urbis Gedanensis turpiter exclusus: plurimi vivi capti sunt. Sed hanc mediocrem felicitatem major tristitia conturbavit. Etenim occupato Rege bello Gedanensi, Moschus cum ingenti exercitu in Livoniam ferè inopinato advenit, & Magno Holsariæ Duce, Regis Daniæ Fratre Arcibus, quæ is Regis Livoniæ titulo, & appellatione usurpata invito Rege Poloniæ, & ipso Duce Moschoviæ, cujus Sororem in Matrimonio habe-

*Moscu in-  
terea Livo-  
niam occu-  
pat.*

*Et Tartari  
Volhiniam  
vastant.*

*Clades  
Vendensis.*

habebat, & cuius nomine id facere se Mo-  
scho profitebatur, excluso; omnes ferè  
Arces Livoniæ, excepta Riga Vrbe, &  
Ducatu Curlandiæ intra sex hebdomadas  
occupavit. Et eodem ferè tempore Tarta-  
ri Volhiniam vastarunt. Quo nuntio acce-  
pto Varfaviam Comitia indicta fuerunt.  
Res nefanda & miseranda Vendæ, tum  
cum Moschus eam oppugnaret, accidit.  
Concurrerat magna pars Nobilitatis cum  
Vxoribus & liberis Vendam, & cum in  
Arce viri consilium haberent, Vxores et-  
iam eorum Virorum consilia accusarent;  
quod Regi Poloniæ fidem non servarint;  
& Regem sibi novum Danum Generum  
Moschi, hominem imbellem & consilii in-  
opem, stulte & temerè creaverint; Et  
quoniam, inquit una earum Nobilior &  
Generosior, jam cervicibus & pudori no-  
stro trux & impurus hostis imminet, cum  
nulla spes salutis, nulla honestatis super-  
sit, præstat honestè mori, quàm turpiter  
aliquantum vivere, & tandem tamen mori:  
Sic pugionem pectori adegit, Altera  
vero



verò currens, subjecto pulveri tormentario, qui sub Palatio fuit igne, totum illud ædificium cum omnibus, quotquot intus erant fæminis, virginibus, pueris, evertit, & in altum eiecit, una earum Virgo flammis illis sursum eiecta medio ab Arce militari trans fluvium aquæ, Gavia dicitur, incolumis & illæsa inventa est. Sic potitus Venda Moschus in Viris earum omne genus crudelitatis exercuit. Similiter & Wolmaria in cujus Arce Dux Polubienski senex erat, & jam Moscho iubente eum ad se educi ardente porta per fenestram sporta dimissus ipsi præsentatur. Omnes Nobiles Livones ex oppido & Arceeducti ipso in campo in tentorio sedente, tale inter eos iudicium, & cambium fecit. Qui, inquit, fuerint Regis Poloniæ partium, eant in hanc partem. Qui Ducis Magni Dani partes secuti sunt, eant in alteram. Ita illi dubii in utraque parte salus vel mitior pœna esset futura, ut cuique in mentem venit ad eam partem concedebat. Cum separati ad invicem essent, eos

N

om-

*Moschi  
crudele  
stratagemma.*

omnes qui se Magno Dano addixerant in oculis suis decollari iussit. Qui verò Poloniae Regi adhærere se profitebantur, omnes in Moschoviam abduxit. Quorum tamen multi alii per Kijoviam, alii eodem itinere in Livoniam postea reversi fuerunt. Non dissimili crudelitatis & Stratagematum genere & in aliis locis usus est. Habebat Ioannes Chotkievicius Castellanus Vilnensis in Livonia Administratores, quos postea Leopoli deposuit Mathiam Dæbinski, Ioannem Beringum, Suchodolscium, Mlodasium, Ruciatam, Viros militares, qui postquam Chotkievicium certiolem reddidissent, à Magno Duce & Moscho occupari arces Livoniae, se non esse tanti qui resisterent, celeritate & subsidio magno opus esse, atque ea de re Chodkievicius Regi perscripsit. Ipsi prima nocte Vendam scalis admotis silentio ingressi; Moschicum praesidium inde eiecunt, & ipsi eam melius, quàm antea muniverunt. Sic & Biringius ipse septem arces, intra quas sunt praecipuae Troidena, Burt-

*Poloni Ar-  
ces Livoni-  
cae interci-  
pinnt.*

Burtnicum & cætera intercoepit. Moschus  
 cùm dejecta sua ex Arcibus ferè undecim  
 præsidia cognovisset ad earum præcipuam  
 Vendam numerosum exercitum misit : qui  
 cum prope mœnia Civitatis Venden ca-  
 stra locasset , milites Poloni, Lithvani &  
 Germani cum Andrea Sapiha , qui locum  
 tenebat Alexandri Chodkievicii Campidu-  
 ctoris Lithvaniæ in Livonia. Is autem tum  
 morbo correptus, extinctus fuerat, voca-  
 tis etiam ad se Suecis, qui non procul cum  
 aliqua militum manu fuerunt ab oppu-  
 gnatione Vendæ, Moschos anteverterunt,  
 & ita feliciter in eos impressionem fece-  
 runt , ut iis terga vertentibus castra etiam  
 sua prætervectis , victoria nostris indubi-  
 tata cesserit. Illi passim per agros fusi, cæsi,  
 victi sunt, ut etiam hodie ex costis & cra-  
 niis eorum albicantibus *albus campus* dica-  
 tur. Castra eorum direpta , tormenta om-  
 nia ablata, quæ in magno numero, & spe-  
 ctabilia quidem ad Arcem Vilnensem, ad-  
 vecta sunt. Andreae Sapihæ, cujus auspi-  
 cio res gesta fuit, gratiæ à Rege actæ, sed

*Victoria  
 Andreae  
 Sapihæ de  
 Moscu.*

non evasit tamen quorundam invidiam, cui postea cedens Stanislai Dembinii Chencinensis Capitanei filiam Vxorem in Polonia duxit, & non paucis annis relicta Lithvania in ea mansit. Iasienius Secretarius ejus gener fuit. Interea verò è Germania, Saxonia, & Brandeburgenses Oratores ad Regem Mariæburgum veniunt, & de pace Gedanensibus concedenda agunt. neque suam rem interea negligunt. Augustus enim Saxoniae Dux ac Imperii Elector pro consobрино suo Georgio Friderico Duce ab Anspach & Carnovio ad Regem intercessit, ut illi in Alberti Friderici Brandeburgici in Prussia Ducis, læsa valetudine Gubernatori pro suo communi cum ipso Feudo esse liceret. Quod utrumquè negotium ita conjunctim tractatum est, ut & Rex Gedanensibus reconciliaretur, & Duci Anspachio gubernatio Prussiae esset promissa. Quæ ut ad effectum commodè perduceretur: Andreas Firlejus Lublinensis, Petrus Potilicius Premetensis Castellani, & Ioannes Demetrius Solikovius

*Gedanum  
Regi recon-  
ciliatum.*

*Et Anspachio gubernatio Prussiae concessa.*

kovius Vladislaviæ & Lanciciæ Scholaſticus in Ducalem Prusſiam ad Ducem , Duciffam , Conſiliarios & Ordines Terræ illius à Rege miſſi ſunt , ut cum iis de Anſpacho ſuſcipiendo agerent. In qua re perdifficiles Prutenos invenerunt , neque erat quiſpiam ex eis , qui non potius Polonum quempiam è Senatu à Rege dari ſibi gubernatorem mallet , quam Anſpachum ipſum , quem propter avaritiam , & aliorum in Franconia ſubditorum oppreſſionem inviſum habebant. Quo ut carerent offerebant in theſaurum Regni ſingulis annis centum millia aureorum Hungaricallium. Cernentes igitur eorum lachrymas , & preces Poloni præſertim Duciffæ Filiæ Ducis Clivenſis Vxoris Ducis Alberti Frederici , declarata quidem Regis voluntate , de Gubernatore Anſpacho ad Comitiam Regni , petentibus Pruffis negotium diſtulerunt. In quibus tandem Comitibus omnibus modis & Regi & Senatui perſuadere conati ſunt , ſed fruſtra , ut Pruffiam ſibi , gentique Polonæ gubernandam ſer-

*Invitu licet  
Pruffis.*

*Judicia  
Regni Tri-  
bunalitia  
instituta.*

varet, nec in manus alienas traderet. In his Comitibus anni CIO IO LXXVIII Regni Tribunal Iudiciorum generalium Petricoviæ & Lublini semper futurum institutum est, & ad causas Spiritualium Seni viri designati. Nuncii Ducis Alberti, in Prussia & Ordinum Internuntii cum ad Comitibus venissent, non solum majore Senatus parte factum non probante, & Nunciis protestantibus, sed & ipsis Prussis cum lachrymis deprecantibus Rex tamen Anspacho investituram dedit: Vexilloque Prussiæ illi tradito non solum Gubernatorem, sed etiam Ducem Prussiæ (cum hactenus Rex solus Dux Prussiæ, Dux autem, Dux in Prussia vocaretur) creavit, & fecit. Cujus rei fructum quem postea Respublica tulerit clarum est. In his Comitibus Sigillum Regni majus à Petro Wolscio Plo-censi Episcopo depositum. Ioanni Zamoiscio. Minus verò post Zamoiscium Ioanni Borukovio Præposito Lancien-si, & multis annis Secretario; ægre id ferente Secretario majore Hieronymo Rozdravio,

*Iohannes  
Zamoiscius  
supremus  
Regni Can-  
cellarius.*

vio , datum est. Paulus etiam Vchanius nomine Regis & Regni ad Summum Pontificem Gregorium XIII cum obedientia Orator designatur , qui Romam secundo anno pervenit. Et cum id Rex & Pontifex ægrius ferrent , Petrus Duninus Wolscius Episcopus Plocensis ei submissus fuit , Vchanius tamen obedientiæ Ceremoniam absolvit. Wolscius de aliis rebus cum Pontifice agebat. Miserat quoque ad Moschoviæ Ducem Rex Oratores Regni Poloniae & Magni Ducatus Lithvaniae Stanislauum Kriscium Palatinum Mazoviae , Michaellem Araburdam , & Scuminum , qui à barbaro inhumaniter accepti fuerunt , à quibus vi , & minis fuit extortum , ut in triennales inducias consentirent , quod Moschus eo consilio faciebat , quod distractis suis ad Arcium in Livonia occupatarum præsidia militibus ad gerendum aut depellendum bellum minus virium se habere sentiret. Quietem igitur aliquam nactus durantibus induciis , & sese colligere , & armare , & sibi vires comparare velle

*Orator ad S.S. Pontificem Vchanium.*

*Oratores ad Moschum male habiti.*

vi-

videbatur. Quo facto Rex vehementer offende-  
batur. In Comitibus igitur illis de bello Moschis inferendo ac Livonia recuperanda decretum est , ex Lancis contributio biennalis in usum belli Moschici singulorum florenorum impetrata est. Ex Civitatibus etiam ac oppidis, item mercibus domesticis & peregrinis vectigal institutum. Advectus erat Varfaviam *Iuvan* quidam *Podkova* Moldavus , qui Petrum Palatinum Moldaviæ , collectâ militum Nifoviorum manu Principatu deturbaverat, & occupatâ Moldaviâ , eam ultra mensem non diutius obtinuit. Nam cum milites ab eo recedere vellent , quod pecunia quam illis daret destitutus esset , maluit relicta Moldavia cum illis iterum reverti: qui postea à Iohanne Zbaraski Palatino Brassaviæ interceptus , ad Regem fuit missus. Cæsar Turcarum Petrum pulsum videns loco illius lanculam quendam Saxonem , uti ferebatur , qui ducta Cyprea Vxore , opibus plurimum valebat & Bassas muneribus corruerat , Moldaviæ Palati-

*Iuvan Podkova.*



latinatui præfecit. Rex triplici molestia fuit affectus. Primum quod contra pacem Tyranno promissam Podkowa ex Podolia egressus ejus ditiones laceffiverit : inde quod Petrum Amicum, & sibi bonum & fidelem vicinum pulsum, & mutatum intelligeret : postremò quod Ianculam hominem sibi infestum, & inimicum in Moldavia Principem esse factum audiret. Itaque iis rebus iratus Podkowam supplicio afficiendum decrevit. Quod cum in Comitiiis facere non posset, propter crebras & vehementes Nuntiorum Equestris Ordinis pro illo intercessionem, quæ tamen apud eum locum non habuerunt, denuo illum Leopolim vinctum remisit, ubi postea jussu ejus capite plexus est, omnium ferè hominum dolore & non exiguo apud <sup>Capitis supplicium subiit.</sup> exteros existimationis Regiæ detrimento, erat enim Vir procerus, bene formato corpore, & tantis viribus corporis præditus, ut inter digitos equorum ferreas soleas frangeret. Peractis Comitiiis Rex Leopolim profectus est, ut antequam bellum

O cum

cum Moscho fusciperet securitati, & paci  
 illarum partium consuleretur. In Turciam  
 missus Ioannes Thomas Drohojevius, in  
 Tartariam Martinus Broniovius. Et quo-  
 niam de Contributione sciscenda in Co-  
 mitiis Regni duo Palatinatus Sendomi-  
 riensis, & Siradiensis non assenserant,  
 quod sibi eam ad rem mandata defuisse di-  
 cerent (vel quod veriùs in rebus aliquibus  
 voto potiti non essent) Rex Sandomiria  
 ad utrumque Palatinatum Nuntios suos  
 miserat, per quos in Conventibus eorum  
 particularibus Nobilitatem ad uniformem  
 consensum cum toto Regno adduxit. &  
 tum primum Leopolim ingresso Rege uni-  
 versales literæ contributionis ad Regni  
 Capitaneos missæ fuerunt. Miserat etiam  
 Leopolim Commissarios Ioannem Tarlo-  
 nem Palatinum Lublinensem cum aliis ad  
 Milites Nisovios, adjunctis etiam Instiga-  
 tore & Ministeriali, qui eos citaret, præ-  
 fertim qui patroni eorum essent, ut illic in  
 re præsentî, de pacis turbatæ, & Molda-  
 viæ occupatæ authoribus, & ministris  
 sup-

supplicio capitali animadverterent, sed illi re infecta, nulla mora interjecta redierunt. Fuit & Czaufius apud Regem, qui de Palatino Braſlavienſe, & Philone Kmita viro militari conquerebatur, quod in eorum Oppidis finitimis ingens multitudo talium Kozakorum, qui ditiones Turcicas vexent latibula, & receptacula ſua habeant. Qui ſi eos non foverent, vel defenderent, ac patrocinium ſuum illis præberent ſine dubio pacem in finibus haberent. Qua de cauſa ad Iudicium Regis Leopoli citati fuerunt. Qui ad tales accuſationes, quæ per Inſtigatorem contra eos proponebantur; reſpondebant quidem, ſed magis per exceptionem, quàm iudicium approbando ſe ſibi bene conſcios eſſe, verùm tamen ut magis ſuam Regi innocentiam probarent ſe non repugnare, quo minus omnibus modis in eorum oppidis de ejuſmodi hominibus iuridica ſeu injuridica fiat inquiſitio. Quæ cum eſſet quidem à Commiſſariis facta, vix unus & alter homuncio inventus eſt,

O 2

qui

*Czaufius  
Turcicus  
apud Re-  
gem.*

*Rex Leo-  
poli Iudicia  
exerceſ.*

qui reus esse convinceretur. Habebant quoque Armeni Leopolienses cum Civibus coram Rege litem quod non par eorum haberetur ratio , & Cives id antiquis Regum Privilegiis sibi licitum esse , & prærogativa hac licere uti , quod Armenis Schismaticis in foro domos habere , minutim pocillamenta vendere , sed preciiis merces suas distrahere tantum non permittant. Quæ res à superioribus Regibus caute considerata fuisse videbatur propter nimias Armenorum opes , quas ob linguæ cum Turcis communionem assiduâ negotiatione sibi comparantes , totam brevi Civitatem exequatis eorum cum Civibus Catholicis Iuribus , è Catholica Schismaticam magno Regni periculo efficere & occupare possent. Sed Armenis fortuna arrisit , atque Civibus Armeni decreto Regio exæquati sunt : Peregrino Rege , uti multi miffitabant , non ita curæ habente indigenarum Iura , quantum fortasse , vel propriam utilitatem , vel eorum qui Armenorum causæ patrocinebantur favores.

Man-

*Armeni  
exequantur  
Civibus  
Leopoliensibus.*

Manſit Leopoli Rex à Feſto Corporis Domini uſque ad finem Septembris juſ dicens. In qua verſatus erat univerſim, ſed ſæpius in dicenda ſententia æqualitatem peregrinam inducebat. Et in quadam cauſa cum ſe Capitaneus Leopolienſis Herburtus à Iudæo ad Regem citatus ad forum proprium exciperet, aſperius reſpondit, & Capitaneum & Iudæum ſuum eſſe, reſpondeat igitur hîc. Quod tamen à multis juſtitiaſtudio aſcribebatur. Infra octavas Corporis Domini rumor de Tartariſ Podoliam vaſtantibus allatus eſt, qui damnis aliquibus factis retroceſſerunt, & Rex ſtipendia militibus dari ac Braſlaviam, Chmielnicum, & Vinniciam cum Nicolao Sieniavio Campiductore eos miſit, ut eſt noſtri moris, non niſi poſt tempus. Non minima jam ſe indicia amoris Regii erga *Zamoifcium* *intimus Re-* *gii Conſi-* *liarius.* Zamoifcium Cancellarium prodebant, cum cæteris Conſiliariis ſenſim, & ſenſim neglectis ei ſe in omnibus aperire, & ſententiam ejus per omnia ſequi apertè oſtenderet. Quam ille fortunam ſuam etſi

moderatus ferre videbatur, tamen quod magis illa crescebat, eo magis invidia contra eum vires fumebat: Cui ut non cederet cum magnis viris & Senatoribus, ut Ioanne Kostka Sandomiriensi, Petro Zborovio Cracoviensi, Nicolao Mielecio Podoliæ, Palatinis non dissimulanter inimicitias gessit. Provisa igitur utcunque cum Turca & Tartaris pace & licentia hominum finitimorum quos Kosacos appellant nonnihil compressa, illisque Orzysovio Præfecto assignato ubi eorum usus major appareret. Rex Leopoli Cracoviam, quo Senatores Regni convocarat, se contulit. Quo Karnkovius Episcopus & non pauci Senatorum convenerunt. Eo ad Regem Nuncii Ducis Moschoviæ venerunt, cujus inhumanitate Nunciis suis exhibita Stephanus Rex offensus, eos quidem apud se legatione fungi permittit, sed cum paulò superbius Regem salutare ipsi Regi viderentur neque tamen quicquam præter morem facerent. Rex relicto more Regum Polonorum, qui assurgentes è sella pro-

propria; quomodo valeret Magnus Dux frater suus quærere solebant: id non fecit: sed tantum Wolovicio Lithvano Vice-Cancellario mandavit, ut ex eis de valetudine Magni Ducis quæreret. Offensi Moschi de non honorato suo Principe & more non servato legationem bis tervē admoniti prosequi noluerunt. Itaque in hospitium remissi, tandemque etiam Breštæ sub custodia habiti sunt. Et Rex nova superbia hostium iratus jam acrius de bello cum Moscho gerendo cogitare cœpit. Et quoniam uno anno illud finiri posse dubitabant præsertim in tanta vastitate provinciarum in quibus bellum gerendum esset. Communicato cum Regni Consiliariis consilio etsi multis id consilium non probantibus ad omnes Palatinatus literas misit, quibus significabat belli hujus à se jam suscepti, & necessitatem & durationem, & magnitudinem, petens ut de augendo stipendio cogitarent priusquam se ad ipsum bellum conferret. Sed omnibus res visa est maxime suspecta, & ingrata, pro-

*Occasio suscepti belli contra Moschos.*

propterea quod in biennium jam jam scita in Comitibus fuisset contributio. Igitur Rex coactus est, esse jam concessa contributione contentus, eo quod fuit in manibus subsidio aggrediendum Moschum sibi, animo infracto decrevit. Et per Natalem Domini negotiis Regni, & Iudiciis vacans. Cum etiam *Czecotka* Civis potens, & invidiosus apud eum peculatus accusaretur, sed tamen non probaretur, condemnatis ejus licet justis, tamen imparatis excusationibus. Argentum Regium quod militibus à Senatu missum, discessu Regis Henrici aulici interceperant, & usque ad illud tempus in manibus fuit Ioannis Thomæ Drohojevii Capitanei Præmysliæ primum Cracoviæ Regi fuit datum, hoc errore Aulæ, quod antiquus esset dissimulato. Fuit etiam ibidem gravis controversia coram Rege Hæreticorum Cracoviensium, quorum capita fuerunt Przyleski, & Strzala cum Rectore Academiae Cracoviensis; qui tunc fuit Iacobus Gorscius, & Professoribus omnibus de direpta domo eorum,

*Altit diffidentium  
contra Academicos  
Cracovienses.*



eorum , quæ *Aceruus* appellatur , quam Concionum causa frequentabant, cuius rei culpam in scholares rejiciebant , Oratione instructa Knessius Lukomski adolescens Lithvanus discipulus præceptores suos inculcabat , ac reos tumultuum agebat. Qui tamen quod bono ingenio esset, & virtute singulari factus est postea Catholicus. Qui tumultus quia interregno declarato acciderat , & jam etiam de aliquibus miseris personis sumptum erat, forsassè innoxiiis, supplicium , non sine miraculi cujusdam singularis specie omnibus è foro nemine persequente fugientibus , res visa est omnibus injusta , bis eam judicari, & Scholares antea immunes inventos nunc denuo tanquam reos agi. Ordinatio tamen Cracoviæ pacis publicæ causâ fuit à Rege instituta & relicta , nè dum bellum foris geritur , domestica pax dissidiis perturbaretur. Rex Cracoviâ Varfaviam ad festum Purificationis , & tandem in Lithvaniam venit, Grodnæ Conventu Consiliariorum facto omnia illi apud eos pro voto succes-

*Grodnensis  
Conventus.*

P

fe-

*In quod  
Bellum  
Moschovi-  
ticum de-  
cristum.*

ferunt, præter enim Contributionem in Comitibus Regni decretam, etiam Nobiles universi & voluntarii Principes plurimi suis copiis, se Regi ad bellum suam operam detulerunt. Et cum variæ variorum essent sententiæ: num Wielkolukum aut Pleskovia, aut Polocia armis primò petenda esset. Zamoiscius Cancellarius post omnium sententias censuit proxima petenda esse juxta vetus dictum in Civitate morum, proxima te cape, nimirum Polociam, quæ ante annos decem & septem Sigismundo Augusto Regi, surrepta à Moscho fuerat. Hujus belli exercituum supremus Dux fuit à Rege datus, *Nicolaus Mielecius* Palatinus Podoliæ, qui munus ad se delatum suscepit quidem: sed cum potestatem suam quæ in bellis apud Polonos est Summi exercituum Præfecti summa, partitam cum aliis, ac ea de causa debiliorem esse factam intelligeret. Nicolaus enim Radivilus Palatinus Vilnensis Lithvanis. Gaspar Bekefius Hungaris, qui paulò ante reconciliatus ad Regem venerat

Præ-

*Nicolaus  
Mielecius  
Dux belli.*

Præfectus erat. Non satis æquo animo cum functionem postea sustinebat, quod ex varietate Ducum exercitus disciplinam militarem & omnem ordinem administrandi belli laxiorem, & turbatiorem fore prævideret, quod & postea ita factum est. Rebus igitur omnibus ad bellum comparatis, & dimissis Moschicis Nunciis, missisque ad Moschum literis quibus ablata ab eo repetebantur, & pacis tractationem nullam ob ejus Nunciorum morositatem factam esse significabatur. Rex Vilna mediis Iunii diebus ad Suirum pervenit, ubi exercitus, qui illic aderant præsertim Lithvanorum lustrat, Recensitoquè milite Lithvano Radivilum Polociam versus cum eo tendere jubet, adjuncto illi Bekessio. Et Mielecium cum exercitu Polonico eos subsequi mandat. Ipse etiam ita commodè eos sequitur, ut de proximo, quem eorum aut etiam omnes accersere vellet, id quàm facile posset. Et jam Dziśnam pervenerat, quam amissa Polocia Sigismundus Augustus Rex in loco dicto

Kopiec ad flumen Dunam.& confluentem  
Disnam extemporaneo opere vallo tamen  
bene munitam extruxerat , ubi omnes co-  
pias denuo recensuit , & in castris posuit.

*Gottardus  
primus  
Curlandiae  
Dux.*

Quo tempore ad Regem venit *Gottardus*  
Curlandiae & Semigalliae Dux, & Ducatus  
Investituram praestito fidelitatis Homagio  
genu flexo suscepit. Iluc primus auspitii  
boni nuntius allatus ad Regem est , Cra-  
nam , Grodecam , & Sitnam , & alias ar-  
ces Moschicæ potestatis captas , & Palati-  
nos aliquot unâ cum multis earum præfe-  
ctis captivos in manibus nostrorum esse:  
Igitur in fine mensis Iulii Dunam transivit,  
& per Sylvam quam Moschus loco septi  
occupata Polocia densissimam crescere fe-  
cerat præmissis peditibus Hungaris cum  
securibus per eam exercitui suo & sibi  
viam amplam aperuit, & patefecit, & tan-  
dem ad conspectum Polociae venit : ad  
cujus portas jam Hungari cum Lithvanis  
ad ripam Dunæ factis sibi munitionibus  
confederant. Ipse autem Rex ad levam  
partem cum Polonorum copiis Arcem  
per

*Polocia ob-  
sessa.*

per Sylvæ extremam partem circumvectus, à Septemtrione Castra locanda præcepit & statim Polociam oppugnare cœpit xx die mensis Augusti. In tribus locis semper Sacra Polonica fiebant, apud Regem, apud Mielecium, & Solikovium; cum Rege Solikovius erat, cum Mielecio Martinus Laterna Societatis Iesu verbi Dei præcones omnibus Mielecio providebat. Hungari cum suo Bekieffo propius cuniculis actis Arci in alto imminenti successerunt, plurimæ pluvie oppugnationem valde difficilem efficiebant. Et cum aliquoties Civitas sub Arce posita ex injectis ignibus flammæ concepisset vi imbrium multoties compressæ & extinctæ fuerunt, & nostrorum labores & sudores frustraverunt. Diebus ac noctibus tormenta ex arce explodebantur, castra non attingebant. Strenuè ad omnes partes Arcis Moschi nocte diequè advigilabant, subsidium à Seremeto Magni Ducis exercitus Præfecto, qui cum quinque millibus armatis ac ferè universo flore Aulæ Moschicæ in arce

Sokolo omnem occasionem opis Polociæ ferendæ intentus erat, expectantes nullam animi fractioris significationem dabant. Imo cum igne à nostris Civitatem sæpius tentari, ac in ea minus fiduciæ collocarum haberent, ipsi uno momento eam pluribus locis subjectis flammis exusserunt, & in arcem amplissimam, omnem populi multitudinem receperunt, sed neque eo modo se diu sustinere potuerunt, multoties in Germanos pedites, qui suas munitiones ab oriente habebant excursionem facta in eis stragem edebant, & ut vires nostrorum distraherent eodem momento in Hungaros & Lithvanos frequentes globos ejaculabantur. Cum ecce xxviii Augusti nonnihil restituta Serenitate aëris jam circa mœnia nostris cum facibus versantibus, Moschis contra repellentibus flammis turres quædam conceperunt, & Moschi desperatâ salute de deditioe agere cœperunt. Exercitu Sokolenfi ob diligentem & Mielecii & Regis observationem opem nullam eis ferente. Grassante  
igi-

*Et tandem  
expugnata.*

igitur flammâ , & hoste fugam si quaqua  
versum fieri posset adornante in dies ex  
Arce decurrunt , & jam arcem inferiorem  
se subdere significant , item alii , & supe-  
riorem eos sequi. Ita Rex cum Mielecio,  
provisis rebus omnibus arcem capit , mul-  
titudini parcitur. Palatini , & Duces cum  
Vxoribus & liberis Vilnam missi , multi-  
tudini , quo vellet ire permissum. Multi in  
ditiones Stephani Regis sponte abierunt,  
multi in Moschoviam se contulerunt.  
Quos cum sine maleficio abire Rex per-  
misset , aliqui Lithvani in eos irruerunt ;  
eosque despoliaverunt. Quod Rex ita in-  
dignanter tulit , ut gravissimè cum Lith-  
vanorum Proceribus exposulaverit , ac in  
autores spoliis severè animadverti volue-  
rit. Arce in potestatem Regis deductâ,  
Deo gratiæ actæ sunt , & inter ea Hunga-  
ri Arcem despoliarunt , & frustra prohi-  
bentibus Niscicio Pækoslavo , Niemsta,  
Kraficio , & aliis quibus Arcis custodia  
fuit mandata prædam ex ea non vulgarem  
egerunt : Et licet hoc negaretur , & apud  
Hun-

*Sokolum*  
*Arx d. hinc*  
*occupata.*

Hungaros in Polonos rejiceretur, publicè postea cæ res vendebantur, quæ *Chocivici* appellabantur. Quasi *Cossæveciæ*, quas jam Rex Hungaris condonaverat. Polonos autem pedites, dato pecuniario donario placavit. Restabat *Arx Sokolum* in qua ut dixi robur & flos fuit, Moschorum Ducis, & cum Seremeto plures Duces ac viri belli periti fuērunt, ad eam oppugnandam Rex Mielecium ire jubet. Qui acceptis tantum Polonis & Germanis profectus, nullâ aut minimâ ferè suorum jacturâ idque Germanorum tantum qui ad Polociam ignaviæ notam susceptam, abolitam cupientes, sub Sokolo strenue pugnando ac in Moschos jam se ferè dedentes sæviendo sese temerè in pericula ferri & ignis dejiciebant, Arcem evertit, Seremetum & Palatinos omnes ac quosvis præclariores cœpit, multitudini pepercit, & in potestatem Regis omnia redegit. Equites non movens. Palatino tantum Braslaviæ ad posteriorem Arcis portam qui fugientes caperet cum sua militum ma-



manu collocato , & captivis nobilioribus die altero epulo dato peditibus singulis donatis , captivorum honestate provisa ad Regem die quarto post venit, & fortunam hanc gratiæ Divinæ & felicitati Regiæ adscribens , sibi nihil nisi studium , & conatum suum servandæ Arcis , quod tamen Deum noluisse appareret , reliquit. Hungari gloriæ Mielecii , & præclaro illius facto ; quod arrogantius in sua absentia nullum fore incitaverant , non obscure invidebant. Et Rex quidem ipse gratias egit, sed quod sui Hungari abfuissent, non satis alacri animo. Quin & ipse Zamoiscius licet Sorores germanas Radivilas ambo sibi matrimonio junxerant , ob nullam gratulationem adhibitam vel ob studium suum in Regem nimium , vel aliqua alia de causa animi à Mielecio alienioris esse à plerisque notabatur. Captivi in Lithvaniam missi. **A**rx Polocia octavo die postquam erat capta Dorostaiscio Palatino Plocensi à Rege fuit commissa , & data. Et ut gratitudinem Deo pro collata

Q

victo-

*Mielecii  
virum co-  
misem ha-  
bet invi-  
diam.*

*Collegium  
Societatis  
Iesu Polo-  
niæ insiti-  
um.*

*Bekieffius  
Indigena  
Regni.*

victoria referret, Templum, locum, areas  
& fundos, tam in Arce quam in Civitate  
Polocensi Societatis Iesu Patribus ad Pū-  
bem Lithvanam & Ruthenam Albæ Ruf-  
fiæ, pietate instruendam, & literis exco-  
lendam attribuit. Cum Bekieffius in Mie-  
lecium in dies plus animorum fumeret;  
non latebant illa Mielecium cui ut magis  
ægre fieret, Lithvani Proceres in Senatu  
ipso pro Bekieffio Regem rogarunt, ejus  
gesta, fidem virtutem ut pro indigena  
Regni Poloniæ & Magni Ducatus Lithva-  
niæ haberetur commendantes. Cui rei  
non obscurè & Zamoiscius Cancellarius  
favisse visus est, quippe quod id & Re-  
gem ipsum cupere intelligeret. Quod non  
difficulter à Rege impetratum est. Itaque  
re perfecta Bekieffius inter Consiliarios  
assidere solitus, rixari coram Rege ali-  
quando cum Mielecio cœpit, quem Mie-  
lecus rei indignitate commotus, non  
sine aculeis neque tamen sine lachrymis à  
se excussit & amovit. Rege nescio quid  
semper in Mielecio desiderante, & cuivis  
po-

potius alteri , quàm ipsi favente. Rex igitur Lithvanis domum dimissis tandem Vilnam sine omni triumpho rediit , triumphum suum Divinas laudes , & Scholæ Vilnensis salutationes pueriles arbitratus. Hunc primum ferens fructum præclari Privilegii sui , & Academiæ fundatæ , priusquam se ad bellum Polocense contulisset. Adduxerat exemplo Stanislai Hosii Cardinalis Varmiensis Valerianus Vilnæ Episcopus Vilnam Professores Societatis Iesu ad scholas aperiendas , eisque areas & domos & fundos quosdam attribuerat , iis ad Ecclesiam Parochialem Sancti Ioannis Baptistæ datis. Decano & Sacerdotibus Secularibus Sacramentorum administrandorum causa. Eæ Scholæ hæcenus Regiam confirmationem aut titulum Academiæ non habebant. Itaque sollicitante Regem per Solikovium Episcopo , ipse enim aliquot annis è podagra & Chiragra & Senio , morbo senum decumbebat , & Ioanne Chodkievicio Castellano Vilnensi, Capitaneoque Samogitiæ , viro post suam

*Academia  
Vilnensis  
fundatio.*

ab Hæresi Lutherana conversionem Vehementi Catholico , Collegioque Patrum apprimè favente Rex Privilegia Academiae Solikovio commendat , conscribenda & paranda. Quæ dum essent parata cum Rex astante & commendante Chodkievicio subscripsisset eundem Solikovium ad tentandum animum Nicolai Badivili Palatini Vilnensis , num is Sigillum Magni Ducatus ejusmodi Privilegiis , quæ in ipsorum Lithvanorum usum , & laudem deferitura essent , apponere vellet , misit. Quod cum is cum suis aliis Collegis Lithvanis Consiliariis communicare se velle respondisset , re ad eos delata non minimum impedimenti habere cœperat. Multi enim ex iis dicebant , se erectionem & foundationem Collegii & Academiae Iesuitarum contra libertates & privilegia sua facere , multi oppressionem religionis reformatæ appellare. Quare Regem adeunt , & rogant , ut nè in suis libertatibus aliquod detrimentum paterentur ; Irrisi sunt , & valdè vexati cum suis postulationibus

a

à Chotkievicio Castellano Vilnenſi , & Rex inſtituti ſui boni, & pii rationem illis abunde probabat. Et cum reſceſſiſſent ta- centes ſed non aſſentientes , miſit denuo Rex Iaſienium Secretarium Lithvanum Catholicum , qui Palatino Vilnenſi dice- ret, mirari ſe eam libertatem, quæ nun- quam diſcere & doceri velit, mirari; unde habeant ea Privilegia per quæ liceat eis ſemper in barbarie & ignorantia Dei, pie- tatis, & bonorum morum verſari, & nun- quam nec Dei religionem, nec literas bo- nas amplecti, & cum Iaſienius non ſigna- tiſ adhuc Privilegiis rediſſet, miſit Rex, qui vocaret Euſtachium Volovicium Ca- ſtellanum Trocenſem ViceCancellarium Lithvanum. Qui cùm veniſſet, & linguæ Latinæ ignarus eſſet, dixit illi Rex per Iaſienium ut Privilegia à ſe Academiae Vil- nenſi data, ſigillaret, ipſo hærente, ac ambigente, & quaſi ad alios provocante, Rex, inquit, *aut obſignet ſi vult, aut ſi non vult det Sigillum, ſe ipſum obſignaturum eſſe, ſed Sigil- lum jam cum amplius non recepturum eſſe, Vice-*

*Rex Var-*  
*saviam ad*  
*Comitia*  
*proficisci-*  
*tur.*

Cancellarius perterritus & pudefactus, fecit, quod Rex voluit, & Privilegia Vilnensi Academiæ ritè obsignavit. Hanc igitur primam gratiam è bello revertenti & victori Regi retulit Academia, quod eum elegantibus puerorum versibus, encomiis ac concentibus in Ecclesia Sancti Ioannis exceperit. Inde in Poloniam ad Comitia Regni, quæ prosequendi belli causa indixerat Varisaviam iter suscepit. Grodnæ ad eum Nuncii Civitatis Rigenfis venerunt, qui & ante bellum Plocense Vilnam venerant; sed cum rebus infectis & imperfectis dimissi erant. Quibus cum iussu Regio & Senatus Solikovius & Venceslaus Agrippa Lithvanus Secretarii Regis de modo & conditionibus subjectionis tractarent intra biduum rem fere omnem cum eis transegerunt, & tandem ad Zamoisium Cancellarium quo iis Privilegia conscriberentur cum Solikovio Cnifinum à Rege remissi fuerunt. Drohicini reliqua finita sunt. Tandem in oppido Podlachia Sokolovio pro Civitate sua iusjurandum in

in ea, quæ à Rege collata illis fuerunt Privilegia, ac in eorum conditiones præstiterunt. Linum Albertus Lascius Palatinus Siradiensis ex oris externis ad Regem venit, qui ex quo Cæsar Rex Poloniæ fuit renunciatus, tantisper adhuc Poloniam non viderat. Post Stanislaum Sandivogium Czarnkovium Referendarium Regium in Polonia ob diuturnam absentiam, ut alia aliis, ita Referendaria Nicolao Firleio Castellano Biecenfi cessit, Altera verò Stanislao Olsovio mortuo, Ioanni Tarnovio à Rege data est. Comitia inde Varaviæ habita anno CIO IO LXXIX, in quibus nova Contributio unius floreni ex singulis laneis impetrata est. Et Rigam ad Homagium à Civitate recipiendi causa missi Solikovius cum Agrippa Lithvano, qui Rigæ magna alacritate recepti, rebusque, quæ tunc ab ipsis confici, & peragi poterant, cum Magistratu & Populo compositis, die certo sub dio in sublimi throno pro Rege sedentes iurjurandum Ordinum Urbis, præeunte Agrippa, Regno, Regi, &

*Riga Civitas incerta  
peramur.*

*Comitia  
Varaviensis  
1579.*

& Magno Ducatui Lithvaniæ præstitum  
 susceperunt. Fuerunt adhuc Rigæ quatuor  
 Moniales Virgines Catholicæ, quæ jam  
 quadraginta annis non sumpserant Sacram  
 Eucharistiam. Cum illis Solikovius locu-  
 tus, eas in fide confirmavit, & Ecclesiam  
 illis liberam ut ante promisit. Tandem  
 apud Ducem Curlandiæ *Gottardum* recepti  
 multas ejus querelas de jure proprio hac  
 tam longa Privilegiorum collatione Ri-  
 gensibus facta plurimum labefactato, au-  
 dierunt. Sed Nuncii Regii non nimium  
 disceptantes, rem totam ad Regem rela-  
 turos se receperunt. Rex confectis è sen-  
 tentia Comitiis, neque etiam belli ipsius  
 tractatio aliis negotiis multum loci relin-  
 quebat, in Lithvaniam redibat. Ecce autem  
 ab Imperatore Rudolpho Kochciczki, ad  
 Regem tum ad Senatum cum literis &  
 mandatis venit, Cæsarem ab Ordinibus  
 Bohemiæ, Moraviæ, & Silesiæ monitum  
 esse, ut quæ sibi amicitia aut vicinitas à  
 Rege speranda esset, cognosceret. Cui  
 cum daretur literis responsum, mentio  
 facta

*Gottardus  
 Curlandiæ  
 Dux con-  
 queritur  
 de Rigen-  
 sium Privi-  
 legiis.*

*Littera Im-  
 peratoris  
 Rudolphi  
 ad Regem  
 & Sena-  
 tum.*



facta est captivorum nunciorum Regni, & cæterarum molestiarum, verum tamen amicitia promissa, & foederum antiquorum integritas, modò ut Imperator quoque uti Christianum Principem decet, idem faciat; Lepel possessio Capituli Vilnensis, Communitio bonorum Capituli Vilnensis cum Regalibus. quia opportuna fuit ad Polociam; Capitulo verò propter longinquitatem incommoda: eam Rex recepit, & Capitulo Poswoliam concessit, quam æquivalere Lepelio Commissarii Regii recognoverunt. A quo jam tempore Capitulum Vilnense Poswoliam obtinet: Rege ad Wielikolosz proficiscente adfertur à Pontifice Gregorio XIII *Pileus & Ensis consecrati* per Pileus & ensis consecratus S. S. Pontifex Regi mittit. Paulum Vchanium, qui in Ecclesia Cathedrali Vilnensi ab Episcopo Samogitiæ Gendrocis, Legato Apostolico Ioanne Andrea Caligario astante, solenniter Regi traditus est. Ad hoc bellum cum Moscho secundum Rex ipse sibi partem exercitus unam ducendam desumpsit; alteram Zamoischio Cancellario commisit, Zamoiscius Campiductor. quam ipse ex suis familiaribus conscripserat, & pullo

R                      colo-

*Atrata co-  
pie.*

*Bekefius  
meritum.*

*Societas  
S. Anna.*

colore , ob mortem Vxoris suæ Christinæ Radivilæ vestiverat , quas vocabat *atrata copias*. Mielecius etiam non amplius attigit bellum ; Imo nec multum supervixit. Gaspar Bekefius ejus æmulus , qui in monte quodam supra Vilnam Urbem more exotico sub Turre rotunda sepultus jacet. Moschus Vilnam ad Regem Nuncium misit Nafeskinum cum mandatis , ut Rex literis Salvi Conductus datis , ejus cum plenis mandatis Oratores Vilnæ expectaret. Datæ literæ Passus , sed Rex tamen progrediebatur. Hoc tempore Societas S. Annæ Lomzæ primum , deinde Vilnæ inchoata est , postea per omnem Poloniam , Lithvaniam, Russiam, disseminata. Quæ etiam Varfaviæ planè sub id tempus cum Hæretici Nuncii Terrarum S. Thomæ Societatem munuscula aurea , notatam , quam Fratres è collo pensilem portabant , publicè in Senatu , apud Regem accusabant, in ipsis Comitibus instituta est. Recuperata Polocia, visum est Regi, & iis quibus loca illa nota fuerunt ad oppugnandam Arcem Wie-

Wielikolukum exercitum ducere , quæ ad  
 ulteriorem Moschoviam peropportuna vi-  
 deretur. Eam arcem cum aliquantisper *Wielikolu-  
 kum expu-  
 gnatum.*  
 Augusto Mense oppugnaret , ac in ea re,  
 pro more suo fortiter Moschi resisterent,  
 eam cuniculis primò labefactatam , dein-  
 de superjectis ignibus æstuantem , sed ne  
 hoc quidem modo Moschis se dedenti-  
 bus , postremò vi , ac cæsis plurimis fun-  
 ditus evertit , ac delevit. Nevella , & *Nevella  
 item &  
 Ostrovia.*  
 Ostrovia expugnata & in potestatem Re-  
 gis , operâ Ioannis Zamoisicii Cancellarii  
 redacta est. Ad Turopeciam præliis ali-  
 quot & quidem feliciter dimicatum est,  
 nec unquam præterea campestribus præ-  
 liis Moschis succedebat quicquam. Ad  
 Zawolociam , quod ad eam non nisi per  
 aquam accessus pateret , varia fortuna cer-  
 tatum est , sub qua Petrus Klocevius Ca-  
 stellanus Zawichostenfis periit : Itemque  
 Christophorus Rozdrazevius Capitaneus  
 Lancienfis , Vir militaris in Francia , &  
 Germania educatus. Postremò tamen Za- *Zawolocia  
 capta.*  
 wolocia capta in Regis potestatem venit.

R 2

Va-

*Moschus  
S.S. Pontifi-  
cem solli-  
citat, ut  
pacis velit  
esse arbiter.*

Variis literis & Internunciis, animum Stephani Moschus distrahere, & à bello avertere nitebatur. Sed cum se nihil proficere animadverteret, ad Summum Pontificem legationem mittit, rogans, ut is tanquam Pater, & Pastor omnium Supremus Stephanum ab effusione sanguinis Christiani autoritate suâ coërceret, & pacis arbiter esset. Quare Pontifex Antonio Possævino id dat negotii, ut ad Moschum ireret, voluntatem ejus, & omnia exploraret, & si tractabilis esset, à negotio divino, & salute animæ suæ propriæ, & unitate Sanctæ Religionis amplectendæ sermones suos cum eo ordiretur, & tandem bonâ spe pacis consolaretur. Sed hæc res non nisi uno anno circumactô fiebant, permitte omnia, & ipsis Moschitis ad Papam Nunciis liberum transitum concedente Stephano. Possævino cum apud Moschum esset Nicolaus Radivilus Castellanus Trocensis Palatini Vilnensis filius, cum magna Lithvanorum manu in profundiorē Moschoviam ingressus, ferro & igne ejus ditio-

*Nicolaus  
Radivilus  
progressus  
in interiorē  
Moscoviam.*

tiones vastabat , & eo usque quidem , ut etiam vespertino tempore Moschorum ipse Princeps è fenestris flammis collucen-tes nubes conspiceret , & cum lachrymis diceret. Iam se in Regis Stephani manum datum , & conclusum divinitus esse. Et nisi à Possævino animo bono iussus fuisset , jam cum filio Iwano , quem unicè diligebat , in Album Lacum obvia supellectile collecta fugere volebat. Victoriarum & bellorum Stephani auxit gloriam hæc Moschi ad Summum Pontificem Legatio , apud omnes nationes exteras. Quanto enim jam clarior erat ante & creverat ejus nomen , & potentia , ignaviâ nostrâ , tantò Stephanus , qui ejus vires fregerat , ipsumque contuderat , erat omnibus admirabilior , tanto major omnium in eum favor , ita ut Rex Hispaniarum summo eum in honore haberet , & omnibus Christianis Regibus anteferreret. Dum Rex ad Wielikolukosz esset , moritur in Polonia Iacobus Vchanus Archiepiscopus Regni Primas , qui jam etiam sibi excluso Czarnkovio , Sta-

*Inde Pànicu Moscho terror oritur.*

*Stephano Regi major gloria.*

*Iacobi Vchanii Archiepiscopi Gnesnensis m. 172.*

*Stanislaus  
Karnko-  
vius ei in  
Archiepif-  
copatu suc-  
cedit.*

nislauum Karnkovium Episcopum Vladislavæ Coadjutorem Archiepiscopatus asceverat. Quæ tamen Coadjutoria Regi, & Capitulo rata, nondum à Summo Pontifice approbata fuerat. Quare certa morte Vchanii nunciata, renunciatur Karnkovius Archiepiscopus, & onus Reipublicæ, quod hætenus pro Archiepiscopo sustinuit, pro seipso gerere cœpit. Wielkolucis captis, Rex trium hebdomadarum spacio ea reficit, & ita quidem, ut ipse à manè ad vesperam usque ferè operi semper præfuerit, quorum munitionibus, ut tum temporis ferebat perfectis in illis, & in aliis arcibus, præsertim Nevella, Ostrovia, & Zawolocia, præsidio relicto Vilnam, ac deinde Varsaviam, ad Comitæ tertio indicta redit. Illic Contributione floreni ex laneo impetrata, decreto ad Plefcoviam armis petendam bello, illuc proficiscitur, & Ioannem Zamoiscium Cancellarium, Exercituum Generalem Præfectum creat. Interea Frater Regis Christophorus Bathoreus Palatinus Transyl-

*Zamois-  
cius gene-  
ralis Exer-  
citus  
præfectus.*

sylvaniæ moritur, relicto Filio Sigismundo impubere. Rex Vilmæ fratri iusta persolvit, & Nepoti Tutores instituit. Vivente autem Fratre Claudiopoli Collegium Societatis Iesu instituerat: & Albæ Iuliæ Patribus iisdem residentiam concesserat. Dum Rex ad Pleskoviam esset, oppugnatione non satis prosperè succedebat, nam & pulveres defecerunt, & falsa narratione exploratorum, miles per scalas non in eum quem oportuit locum scandendo, non sine aliqua strage repulsus est, & cum id secundo etiam tentaretur, simili infortunio laboratum fuit. Suiski Pleskoviam præerat, qui cum Zamoiscium ad singulare certamen provocasset, ac Zamoiscius suscepta conditione ad muros expectans Suiscium obequitaret, insidiis in eum structis, quam aperto Marte maluit cum eo rem gerere Suiscius. Itaque Zamoiscius, & insidias ejus evitavit, & redarguto Suiscio, ad suos, cum laude incolumis reversus est. Ostromentius Artelariæ Magister Pruthenus Nobilis, uti qui-

*Pleskovie  
obsessio.*

*In qua Zamoiscius a  
Suiscio ad  
duellum  
provocatus.*

*Dolis pro-  
vocatus  
vix non in-  
terceptus.*

*Dolum er-  
go stratage-  
mate com-  
pensavit.*

quidem ferunt. Zamoiscio arculam quan-  
dam artificiosa quædam tela cum igne in-  
tus condito continentem, in Arcem ho-  
mine quodam captivo, qui eum ad ho-  
stem transiturum diceret immisit, quæ in  
medio Arcis aperta cum esset, circumstan-  
tes aliquot interfecit, Suiscius incolumis  
evasisit. Quod factum etiam Suiscius maligni-  
tati nostrorum adscribebat. Dum Ples-  
covia oppugnatur, & in omnibus locis  
Moschi vires debiliores indies fiunt, Rex  
Sueciæ Ioannes Tertius, Regis Socer, ad  
occupandam Narvam animum adjicit, &  
cùm debilius intus esset præsidium, quo  
cum suam Ruthenicam Narvam Moschi  
etiam eodem tempore tueri vellent, dis-  
tractis eorum viribus; Pontus de Guar-  
dia Gallus Regis Sueciæ militum Præfe-  
ctus, tormentis admotis, & oppugnatio-  
ne cœpta, ad deditionem Moschos com-  
pulsit, Narvamque portum præstantem Re-  
gi Poloniæ intervertit. Quòd etsi Regi  
Stephano molestum acciderat, tamen id  
alteri tempori reservandum putabat. Sub  
id

*Narvam  
interea Sue-  
ci occupant.*



id tempus , & aliquot Arces in Livonia in potestatem Regis venerunt. Moschorum Dux , cum Regi Martis aleam favere , sibi verò adversari animadverteret, ferè præ furore in amentiam versus , filium suum Iwanum , seu Ioannem natu majorem , cum ab eo de inconsulta belli cum Rege Stephano ratione reprehenderetur , adacto in caput & viscera ejus scipione interfecit. Quem quia ob animi ferocis indicia , plusquam Fedorum seu Theodorum minorem natu <sup>Moschus  
fuit parricida.</sup> filium naturâ mitiorem diligebat, facti poenitentia ductus , vix à se ipse manus abstinuit , & tum inedia , tum aliis modis , ac piis , ut illi videbatur operibus , missis quoque in Græciam orandi causa muneribus , culpam parricidii perpetrati expiabat. Interim etiam & largius sese ingurgitando , & nova spectacula exhibendo , & uxore denuo ductâ domesticum dolorem lenire cupiebat , & cum Rege Stephano tam forti & fortunato bellatore amicitiam penitentiorem expectabat , cui etiam Rex paulò post pace confecta unâ cum pretioso

S

tioso

*Pacis tra-  
clatus cum  
Moschis.*

*Mors  
Sieniavii  
Archiepif-  
copi Leopo-  
liensis &  
Petri Zbo-  
rovii Pala-  
tini Craco-  
viensis.*

tioso pilento, clavam, & munera quædam militaria per Oratores ad illius audiendum in conditiones pacis jusjurandum delegatos misit. Iam verò hyems profunda ingruerat, & Zamoiscius nihil de premeda obsidione Plefcovia remittebat; provis etiam undique his rebus, quæ ad eam in aliquot menses continuandam pertinebant. Moscho igitur jam & bellorum ac detrimentorum pertæso & Antonio Possevino, nomine Pontificis Maximi pacem apud Regem assidue, scribendo & orando, urgente, & in aliquam miserationem gentis afflictæ jam etiam Rege ipso inclinato, ferio per omnes Commissarios, tam Regios quàm Moschicos, de pace vel perpetua vel temporanea agi, & tractari cœptum est. Mortui sub id tempus, Ioannes Sieniavius Archiepiscopus Leopoliensis, & Petrus Zborovius Palatinus Cracoviensis. Inchoatâ igitur pacis tractatione Rex Consiliariis monentibus, Vilnam rediit, & ibi non multum moratus Rigam proficiscitur, primis Quadragesimæ diebus.

Quo

Quo ad eum perferuntur literæ de pace & trans-  
 actione facta , quæ pax ut in decen-  
 nium constituta esset, Stephano Regi tota  
 Livonia cederet Moschus , Moscho verò  
 omnia hoc bello triennali erepta, è vesti-  
 gio restituerentur. Advigilante igitur , &  
 summam hyemem sustinente Zamoiscio  
 cum exercitu , nè quo dolo Moschi ute-  
 rentur , uno & eodem tempore , utrisque  
 sua reddebantur, data facultate, sua cuique  
 cujus essent auferendi. Ipse se inprimis  
 Derpatum contulit & Templum præci-  
 puum Religioni Catholicæ assignavit , in  
 eoque Thomam Lamcovicium, Virum eru-  
 ditum, Præpositum reliquit. Alterum Tem-  
 plum Confessioni Augustanæ incolarum  
 ad Urbem convocandorum causa relin-  
 quebatur. Loknicius Secretarius Regius  
 loco Oeconomi ; Sigismundus verò Ro-  
 zen Arcem & Urbem præsidio tenuit, quo  
 mortuo, Reczayscio Castellani Varsaviensi  
 loco Capitanei Derpatum committitur.  
 Recuperatâ igitur , & receptâ Livoniâ,  
 Zamoiscius Rigam ad Regem venit , &

*Paxi con-  
 ditiones  
 cum Mo-  
 scho.*

*Derpati  
 Catholici-  
 mus resti-  
 tuens.*

*Rex Rigæ  
 motus.*

relatione universæ rei gestæ facta , intra paucos dies Knissium est profectus. Affuerunt tunc Regi Consiliarii Lithvani complures , è Polonia pauci, ubi à Rege cives aream olim Archiepiscopi Rigenfis intra moenia Urbis sitam impetrant. Moenia Urbis , moenibus Arcis adæquare pollicentur , portam ex Arce contiguam semper patentem offerunt intra Urbem loco Ecclesiæ Cathedralis , & Parochianæ , ac reliquorum templorum , Ecclesias duas Sancti Iacobi & Sanctæ Mariæ Magdalenæ cum Monasterio Monialium , quæ adhuc tres superfuerant , unà cum contiguis ædibus antiquis Sacerdorum concedunt. Census quosdam ratione ædium Canonicalium ipsis relictarum, Patribus Societatis Iesu , quos illic Rex relinquebat institutos , Soluturos se etiam agri cellarii ratione susceperunt. Controversias quasdam ibidem Rex iudicio diremit , pacem edixit , Catholicam Religionem ad templa sibi concessa Dominica die Palmarum introduxit , quod ipsum fuit jam Anno

C I D I D

CIO IO LXXXII, Commissiones quatuor ad *Commis-*  
 recognoscendum totam Livoniam istinc *nes Livo-*  
 expedit. Et quoniam Episcopatum ali- *nica 1582.*  
 quem cum autoritate Summi Pontificis  
 in Livonia, in qua ante tempore florente  
 quatuor fuerunt, præter Archiepiscopa-  
 tum Rigensem, Derpatensis, Revalien-  
 sis, Osiliensis, & Curlandiæ, post col-  
 lectas reliquias Livoniæ, in tot partes dis-  
 cerptæ, fundare, & instituere voluit. Ni-  
 colao Firleio Castellano Biecenſe, qui  
 tractum Rigensem cum Ducis Curlandiæ  
 Confiliariis recognoscebat, quibus et-  
 iam Rex Solikovium adjunxerat, bona &  
 possessiones aliquas dispiciendi & in usum  
 Episcopatus assignandi potestatem dedit.  
 Egerat autem jam antea cum Solikovio  
 Rex per Firleium, & Scargam, & tandem  
 per se, si fortè non respuerit conditionem  
 Episcopatus novi in Livonia erigendi,  
 quem ei non ineptum propter linguæ Ger-  
 manicæ peritiam, & hominum favorem  
 judicaret. Quos audiens Solikovius: quod  
 Deo videretur & placeret, id se secutu-  
 S 3 rum,

*Vendenfis  
Episcopa-  
tus funda-  
tio*

rum, respondit. Igitur cum Castellano Biecenſi non deterioreſſimam partem fundorum ad fundationem Episcopatus designabat, neque mora Wolmariam, Burthnicum, Fricatum Arces notant, & describunt & viginti quatuor domos Vendæ ad usum Canonicorum & Cleri cum Templo Parochiali, in usum Cathedralis Ecclesiæ, & domo Episcopi ea quæ tunc fuit in manu Mathiæ Debinski, Militum Præfecti, designant. Rumburgam etiam arcem, & residentiam Rigæ & Derpati designabat Solikovius, Rex interea Vilnam, tandem Grodnam pervenit, relicto Locumtenente suo Georgio Radzivilo Duce in Olyca,

*Georgius \*  
Radzivilus  
Livonia  
gubernator.*

Episcopo Vilnenſe, post Cardinale in Arce Rigenſi, totius Livoniæ Gubernatore, & cum eo Solikovio, & Ernesto Vejero Pruteno, viro militari. Solikovio præterea administrationem Ecclesiarum cum facultate recuperandorum pagorum, qui à Monasterio ablatis superioribus tumultibus fuerunt, nam tantum unus Pagus, ex septem erat Monialibus residuus, commisit.

De-

Descriptione Episcopatus à Castellano, & Solikovio auditâ & intellectâ, Rex Grodnæ omnia comprobavit, exceptâ Rumburgâ, & foundationis Episcopatus Privilegium parari jussit. Quod ut à Summo Pontifice confirmaretur, per Oratorem suum Petrum Doninum Volscium Episcopum Plocensem, moranti Paulo Vchanio submissum, curavit. Paulò pòst Solikovio Volmariam arcem cum oppido & pagis tradit, & reficiendam, emendandam, & incolis implendam jubet. Locumtenens Regius cum adjunctis assessoribus causas omnes civiles, & criminales judicabat. Nobiles & Cives à militum injuriis vindicabat: multas inter populum & Magistratum querelas complanabat, privatorum præsertim, pupillorum, & viduarum causas, quas ipse poterat, determinabat, quas non poterat, præsertim cum de possessionibus repetundis agerent, ad Regem remittebat, & pro ejus benignitate, quam non vulgaremerga pauperes semper ostendebat, gratiam querentibus succurrebat.

Sic-

Sicque & Locumtenens , & Assessores multum authoritatis & benevolentiae sibi apud omnes homines conciliaverant. Toto anno illic simul manserunt Solikovius & Vejerus. Cum in Septembre correctum calendarium ad eos à Legato Apostolico Alberto Bologneto Cardinali Vilna mit- titur. Quod cum publicassent ab omnibus acceptum est , per Arces , templa , oppida à Villanis ( Rigenfibus exceptis ) qui in eo dilationem ad tempus commodum petebant. Qua in re cum illis , nihil est asperius factum. Religio interea Catholica sumpto à Venda , & Volmaria initio , operâ Solikovii in multas Livoniae partes , per aliquot Sacerdotes è Prussia , à Martino Cromero Episcopo Varmienfi , & Stephano Rege submissos , longè , latèque disseminata est. Præter Rigam, ubi Petrus Skarga, & Ioannes , cæterique Patres fuerunt , ac Derpatum, ubi Præpositus erat ab ipso Rege fundatus , Thomas Lamcovicus : ita ut non integro anno in septem districtibus universa plebs Livonica Religionem Ca-

*Rigenfes  
Calenda-  
rium Gre-  
gorianum  
non susci-  
piunt.*

*Catholicif-  
mus in Li-  
vonia pro-  
pagatus.*



Catholicam ardentibus & devotis animis receperit. Tantùm verò plebis erga Solikovium erat benevolentia, & fiducia, ut ejus persuasione adducti homines Sacerdotibus Germanis, & Livonicae linguæ ignaris per interpretes Litavos, ab eo ad hoc institutos, peccata sua confiteri non vererentur. Moschus pactâ illâ pace, non diu lætatus est, nam eodem ferè anno, postquam intemperantius vixisset, & curas, mœroremque suum diluere mero consuevisset, Clero suo largas Eleemosynas, ut pro se Deum precarentur partitus, Filiumque Theodorum, quem minus aptum regendo imperio, quod impos rationis esse videretur, cernebat & Principatum Procerum fidei, constantia, & concordia obnixius commendans, ex hac vita migravit. Tyrannorum etiam veterum crudelitatem supergressus nostro quidem seculo immanitas tanta, quanta ejus fuit, nusquam audita est. Indicuntur interea Comitia Regni Varfaviæ hyeme proxima anno MDLXXXIII circa Natalem Salvatoris

*Moschus  
dux  
moritur.*

*Comitia  
Varfaviensis  
anno  
1583.*

T

toris

toris nostri. Ad quæ cum ex aliis Provin-  
ciis, tum ex Livonia à Statibus Nuncii  
fuerunt ablegati, omnes bene sperabant,  
post recuperatam bello & transactione Li-  
voniam, eam in bono statu collocatam iri,  
& bellorum præteritorum fructus fore  
amœniores, sed multa secus evenerunt.  
Erat inter capita Propositionis Regiæ è  
recessu superiorum Comitiorum desum-  
ptum caput unum de modo Electionis  
Regiæ, quod pendebat indecisum. Illud  
igitur etsi necessarium, & ab omnibus sci-  
tum fuerat, tamen quod à Rege propone-  
retur in tantam suspensionem homines ad-  
duxit, ut persuasi essent Regem pro bellis  
hiscæ confectis loco præmii, eò sua diri-  
gere consilia, quo vel Andreas Bathoreus  
Nepos ejus, qui sub hoc tempus Cardina-  
lis creatus fuit, vel Balthazar frater ejus  
aliquo modo Rex futurus designaretur.  
Auxit ejus rei suspensionem, quod Rex ante  
Comitia Stanislaum Karnkovium Archie-  
piscopum Varfaviæ ad se vocabat, &  
cum is venire ad Regem detrectaret, Rex  
ipse

*Caput de  
modo Ele-  
ctionis Re-  
giæ.*

ipse cum Cancellario Zamoiscio Lovicium venit; ubi liberaliter dies aliquot habitus est. Occupabat Znenam oppidum in signe Archiepiscopatus Gneznenfis Stanislaus Sandivogius Czarnkovius sibi nomine Coadjutoriae Archiepiscopatus ab Vchanio olim Archiepiscopo datum. Eum ad Comitiam illam Archiepiscopus Karnkovius citaverat, quam Czarnkovius citationem cum Nunciis Terrarum exhibuisset, ea illi occasione arrepta cum Czarnkovio Regem & Senatum adeunt, de iniqua, & à processu Iuris usitato aliena Citationem expostulantes. Et cum res in litem & iudicia deducta esset, ita Comitiam extracta sunt, ut invidioso illi de Electione Regis capiti tractando loci & temporis nihil superesset. E Comitibus igitur rebus omnibus infectis discessum est, animis omnium ferè ad intima exacerbatis, & Rege non in minimam apud omnes invidiam adducto. Qui nihilominus, ut aliquem Ordinem in Livonia institueret, ordinationem quandam privatim conscripsit. Inter-

*Turbat Comitiam, Regique invidiam creat.*

ea Ioannem Demetrium Solikovium in Livonia absentem post mortem Ioannis Srenienii Archiepiscopi Leopoliensis, Archiepiscopum nominat : & Volmariam ac cæteram Ecclesiarum administrationem in Livonia Alexandro Milenscio Abbati Trzewieffensi, tanquam Episcopo Vendensi futuro jam à se nominato tradendam jubet. Livones è Comitibus reversi tristitia omnia renunciant, & Solikovio aliò translato minus contenti; jam autem & Ernestus Vejerus in Prussiam recesserat, præsentem suum statum uti poterant prudentiores tuebantur, & Radivilio Locumtenenti obsecundabant, cum quibus is bien-  
 Seditio Ri-  
 gensis, au-  
 thore Gifio  
 quodam.  
 nio pòst mansit. Sed Rigensis Civitas à quodam Gifio homine peregrino ad seditionem concitata in rebellionem recidit, cujus causa Locumtenens ex Arce Rigensi Vendam se contulit. Patres Societatis præ tumultibus & violentia Civium, diu reluctante Magistratu, in Arcem commigrarunt. Aliquot viri præcipui Regii, Regique fideles, publicè à furiosa multitudi-  
 ne

ne capite plexi , inter quos fuerunt Nobiliores Gotardus Velingus Doctor , & Ioannes Taftius , multi viri insignes fuga sibi consuluerunt , & tota Gubernationis forma immutata est. Comitibus tam infeliciter actis, Cracoviam se contulit Rex cum Regina, ibique Zamoiscio Cancellario, Gryzeldem Bathoream Christophori Palatini Transylvaniae filiam nuptui tradit ; & solennes nuptiae aguntur , ad quas omnes Regni Senatores invitantur. His nuptiis multi Consiliarii adfuerunt , & Episcopi tres , Petrus Myszkovius Cracoviensis , Albertus Baranovius Præmysliensis , post mortuum Ioannem Borukovium designatus , & Martinus Bialobrzescius Camenecensis , Abbas Mogilæ , qui novam nuptam è Transylvania adduxerat & cum Cancellario copulaverat , spectacula multa & sumptuosa in illis nuptiis edita fuerunt. Zborovii , Ioannes , Andreas , & Christophorus cum adessent , & Christophorus ex Germania reversus per Cancellarium à Rege quatuor millium stipendium

*Zamoiscio  
Bathorea  
nuptui datur.*

*Origo odii  
Zborovians  
contra Zamoiscium.*

*Samuel  
Zborovius  
captus &  
decoctus.*

dium , quod olim Spervaynus Prutenus in Aula Cæsaris à Rege habebat , peteret , ac illi saltem media pars deferretur , in gravia utrinque odia , & tandem in fatalia Rei-publicæ pericula ea res successu temporis erupit. Etenim Samuel Frater Zborovium , quem ob necem Andreæ Wapovii Castellani Præmysliensis Henricus Rex Sententia sua exulem pronunciaverat , & hæcenus Regis Stephani Salvi Conductus literas , quod in Transylvania ei studuerit , & ipsius Cancellarii favore fovebatur , Rege in Lithvaniam profecto Zamoiscii Cancellarii , & tùm Capitanei Cracoviensis jussu , propè Prosoviā captus , & Cracoviam perductus , demum capite plexus est. Paulò verò ante à Samuele cum literis Christophori ad Samuelem ejusdem puer servus sive sua sponte , ulturus ferociam Domini , sive à quopiam persuasus ad Regem effugerat , Literæ conspirationis vim habere videbantur. Quæ mors illius non solùm ipsius Fratribus , & familiæ luctuosa , verùm etiam Regno perniciofa fuit.

Etsi

Etſi enim Zamoſcius ſe per officii ſui Capitanealis fidem & integritatem , aliud cum Exule, quem multoties per Fratres ejus, ne intra fines ſui Capitaneatus roga-  
retur præmonuerit , facere non potuiſſe, multis etiam cum obteſtationibus præ ſe  
rulerit, tamen ea omnia, quæ hoc Samue-  
lis ſupplicium ſecuta fuerint mala abundè  
oſtendunt , minus opportuno Reipublicæ  
tempore id accidiffe. Enimverò cum Zbo-  
rovii jam ante celebres , & parentelis po-  
tentes , tam triſte fratris ſui fatum, atque  
cum iis Stadnicii omnes , ac Stanislaus  
Gorcanus Comes Palatinus Poznaniæ do-  
lentiffimis animis ferrent , loco ſanandi  
vulneris , aliud novum Zboroviis illatum  
eſt. Rex Senatores per literas Lublinum  
ad proximum menſem Auguſtum convo-  
cat, ubi aliis , quæ de Republica propo-  
nenda fuerunt in publico propoſitis , au-  
ditifquè Senatorum Conſiliis , in ſecreto  
Conſilio deinceps , de Zboroviorum ad-  
verſum ſe, ſuamque dignitatem & ſalutem  
conſpirationibus , ad eos refert , ſibi in

*Convocatio  
Lublinenſis*

*Rex priva-  
tim de Zbo-  
roviorum  
conſpiratio-  
ne queri-  
tur.*

ma-

manibus eorum literas esse, à certo etiam, & magni nominis Viro periculum sibi à Zboroviis imminens, ipso nimirum Archiepiscopo Gneznensi denunciatum esse, monens unumquemque, & rogans, ut pro fide quisque sua, quæ in salutem suam ac totius Reipublicæ, imo suam ipsorum propriam cujusque essent, quomodo malo huic absque perniciæ Reipublicæ occurrendum, & salutem communi, ac suæ Regiæ securitati & dignitati consulendum esset, Sententias dicerent. Rem atrocem multis verbis, ut erat facundus, à Rege propositam Sententiæ Senatorum exceperunt, quorum illa convocatio erat frequens. Condolere omnes Regi, & facti immanitatem, si quidem tale esse certo constet, exaggerare; nihilominus quanto res gravior, & majoris momenti esset, tanto majore deliberatione & consilii maturitate, in ea utendum esse censuerunt. Aberat ab ea convocatione Karnkovius Archiepiscopus Gneznensis, sive adversâ valetudine domi detentus, quam literis suis



fuis apud Regem excusabat , five certo suo consilio nixus , adfuturus tamen credebatur , si suum nomen in re tali à Rege editum iri scivisset. Adfuerunt Solikovius Archiepiscopus Leopoliensis , Petrus Myszkovius Cracoviensis , Victorinus Wierzbicius Luceoriensis , Albertus Baranovius Præmyſliensis , Adam Pilchovius Chelmenſis , Iacobus Voronecius Kijoviensis Episcopi. Comites Tenczynii Firleji , & cæteri non pauci Palatini , & Castellani , Cancellarius Zamoſcius , & Opaliniſcius Regni Marſchalcus ; factionis Zborovianæ nemo , licet cognati quidam , qui ſe tamen immunes ab eorum factis profitebantur aſſent , Nemo in Senatu erat , qui in Archiepiscopi Gneznensis nomine à Rege propalato , etiam ex iis qui minus Archiepiscopo favebant , graviter offenderetur , Archiepiscopi Leopoliensis mitiorem ſententiam omnibus Senatoribus ſecutis , & iis etiam , qui ſecus ſentiebant , ſuam regentibus , & diſſimulantibus , in aliam ſeſſionem conſilium dilatatum eſt.

*Арханн  
снмга Zbo-  
rovius con-  
ſilium.*

V

Rege

Rege omnes denuo adhortante, ut in rem tanti momenti, quanti vix ulla alia esset, paratas jam ac magis expeditas sententias adferrent, remque usque ad futurum Senatum secreto tenerent. Tertio die post (nam sequenti Festum Sancti Bartholomæi Apostoli intercesserat) denuo ad secretum consilium itur. Illic Rex de propalato consilii secreto (fortasse ut acriores stimulos Senatoribus, Consilii explicandi, & animos retegendi adderet) obiter quæstus, denuo Senatores dicere sententias mandat. Archiepiscopus Leopoliensis in eodem quo prius sensu persistebat, & *se pro fide sua aliter consulere non posse, quàm ut Rex primum sit memor se Regni Polonia Regem esse, quod non armis acquisiverit, sed divinitus libera Polonorum voluntate adeptus sit. In quo Regno semper Reges fuerunt populis amabiles ac fide, & benevolentia eorum tuti, & muniti. Quibus etiam non tam ut Reges, quàm ut clementes, & indulgentes Patres, non tam juris ac legum rigore, quàm leni, justo, & moderato imperio ex aquo & bono imperaverint, & pro sua singulari gra-*

*Sententia  
Sclikevii.*

gratia, & paterno affectu, certam semper eorum fidem, benevolentiam, ac alacre obsequium experti fuerint. Hinc factum esse, ut nunquam in ea gente Rex aut Principes ejus ulla malignitate iniquo aliquo fato occubuerit. Deinde cum aliorum superiorum Regum, tum Sigismundi primi, mansuetudinis, clementia, & patientia exempla in similibus, vel aliorum erroribus, vel excessibus commemoravit. Nec prateriit Sigismundum Augustum, Iulii etiam Caesaris, & Caroli Quinti meminit, qui proditorum & hostium suorum literas à suis interceptas, ad se verò allatas ne introspicere quidem sustinuerunt, sed vel iis à quibus, vel quibus erant missæ reddi & tradi curaverint vel ipsis mortuis ignibus corripuerint: Vnde ex falsis amicis multos veros, ex proditoribus servos fideles, ex hostibus facile sibi redderent amicos. Multa Regibus ferenda, multa dissimulanda esse ob salutem eorum, qui sua cura & fidei commissi sunt: factionum & odiorum semina extinguenda, non oleum igni, non dolores doloribus addendos, Davidem Regem Sanctum, & Deo dilectum inter multa, quibusangebatur à Deo nihil majore studio, aut enixius contendisse, quàm ut à sanguinibus libera-

V 2

retur,

retur , quorum causa se ita minus gratum Deo sentiebat , ut ideò ab adificio Templi Sacri arceretur , & filio pacifico illud promissum esse videret. Postremò rogavit , ut si tanta primarum sententiarum suarum authoritas esset , si bene fidem suam , in minoribus functionibus perspectam haberet , pondus aliquod habere & sententiam suam fidelem sineret , non ad cujusquè sceleris patrocinium , sed ad ipsius Regis dignitatem , & laudem , ad salutem Reipublicæ sine dubio cessuram , si prius eos clementer ejus rei admoneret , aut saltem à Senatoribus admoneri pateretur antequam ad asperiora remedia deveniendum sibi putaret. His à Leopoliensi dictis , cæteris etiam non multùm discrepantibus qui postremò dixerant , procedendum esse in negotio diligentius. Illic tertiò rogati Sententiam , Leopoliense persistente , & clementer ab initio agendum suadente rogari cœptum , num accersendi ac citandi essent ? Leopoliensis accersendos , Cracoviensis citandos , cæteri , ut quod cui in mentem veniebat proferebant. Ita Christophorus & Andreas Zborovii ad futura Regni Comitìa mandatis

*Nihilominus non attenta ista citantur ad Comitìa Zborovii.*

datis Criminalibus ad instantiam Instigatoris officii Regii citati sunt , & Comitia ad futuram hyemem anno CIO IO LXXXV indicta , quæ fuerunt Regi Stephano ultima. Zborovii ingeminata domus suæ vulnera magis exulceratis animis ferentes , & nihil moderati passim præ se ferentes , collecta amicorum , familiarium, militumque non mediocri manu ad Comitia Regni sese accingere , funus Fratris Samuelis decollati in mediam Ordinum coronam cum filiis parvulis , & pictura quadam serieque rei miserationem moturæ adducere perhibebantur. Igitur Rex è Lithvania , septus numerosiore milite , & Cancellario cum non paucis copiis ei ante Varsaviam occurrente ad Comitia ingressus est. Archiepiscopus Gneznenfis etsi se Lublini absentem à Rege his litibus intricatum indignè ferebat, tamen in omnia paratus, quæ pro Reipublicæ salute sibi, aut ferenda , aut præstanda essent etiam advenit. Iam verò in omnibus ferè Regni locis , in quibus Comitia Terrarum præcedere solent gra-

vissimè tumultuatum fuit. Præsertim in  
 Russiæ Conventu ad Visniam habito, Pro-  
 soviciis, & in Palatinatu Siradiensi. Citati  
 fuerunt ob turbatum Russiæ Conventum  
 Stadnicii, Zmigrodenses ad Iudicium Re-  
 gis, sed Archiepiscopo Leopoliense de-  
 precante, nè Rex utriusque partis cul-  
 pam, cujus is spectator esset, alteri im-  
 pingeret, ab altera transferret (qua in re  
 etiam Archiepiscopum Gneznensem sedu-  
 lum astipulatorem habebat) citationes  
 illæ criminales quæ in Comitiiis Regni ja-  
 ctabantur, Nunciis terrestribus condo-  
 natæ fuerunt. Post Regis ad Comitia in-  
 gressum diebus aliquot interjectis An-  
 dreas, & Christophorus Zborovii cum  
 Stanislao Comite Gorcano Palatino Poz-  
 nanienſi venerunt, quos Ioannes Zboro-  
 vius Castellanus Gneznenſis antecesserat,  
 tum ut Regis Fratribus offensi gratiam  
 quæreret, tum ut Senatorum & Nuncio-  
 rum animos sibi devinctos redderet, &  
 fratrum suorum infelici causæ fautores  
 conciliaret. Inchoatis igitur Comitiiis, &  
 pro-

propositione eorum quæ in consilium venire debebant nomine Regio facta, dictisque à Senatu Sententiis, & Nunciis Nobilitatis ad sua tractanda remissis, causâ Zboroviorum valuis præfixa. Christophorus voce præconis de more, ter quaterque accersitur. Instigator, Accusatores, Causidici, Testes, munimenta, literæ comparantur. Arx tota armatis intus, & extra repletur, domus ipsa consilii Regii à partibus omnibus Satellitibus, armis, bombardis circumfiderur. In Senatu ipso Rex suis, Cancellarius, Marschalcus, Palatinus Poznanienfis, quisque suis à tergo vallabantur. Archiepiscopus Gneznenfis Regni Primas salutis suæ & fratrum Episcoporum curam non deferens, suos licet inermes, astare voluit. Nova & hæc inusitata in Poloniæ Regno Iudicii forma, & facies apparebat. Nuncii Nobilitatis cum rem tanto conatu, & studiis partium intendi, & de libertatibus suis, illo, Regis cum subditis in causa propria iudicio, agi viderent, omnes illi tali iudicio, præsen-

*Armata  
Comitia &  
Iudicia.*

sentes adesse contendebant , quibus cum responderetur ad eos Iudicia capitalia non pertinere , tamen ut & ipsis æquitas iudicii Regii plana esse , & constare possit , vel omnes , vel aliquos ab ipsis electos , qui iudicio adessent , Rex admittendos censuit. Ita liberum fuit Nunciis Equestris, Ordinis , vel omnibus , vel qui vellent adesse. Non defuerunt sibi Zborovii in causa , & casu suo tam gravi , & omnes Senatores quorum æquitati confidebant præsertim Archiepiscopos confugiebant. Igitur Gneznensis Archiepiscopus Leopoliensi adhibito , sæpius Regem conveniebat , & ut se ad clementiam daret , ab eo impetrare volebat. Neque Rex admodum difficilis fore videbatur quin si confessio- nem facti audisset , ac ejus poenitudine reos duci animadvertisset , cum eis benignius , se processurum reciperet. Ioannes etiam ipse Zborovius Castellanus Gneznensis iudicio interveniens oratione demissâ Regem compellavit. *Vt misertus familia, de suis antecessoribus Regibus totaque Republica*

Ioannis  
Zborovii  
Castellani  
Gneznensis  
Oratio ad  
Regem.

in



benè, & fideliter merita. Cujus etiam in seipso fidei aliquod argumentum ipse perspexisset, ejus reliquias opprimi, & pessum ire ne pateretur. Si quod peccatum, aut aberratum esset à Fratribus atati, & imprudentia, non autem malignitati tribueret. Nunquam Zboroviorum in Patriam incertam aut suspectam fidem fuisse, nunquam id in gente Polona, fida & candida à seculo auditum esse, quod machinationis ullius in suos Principes, aut Rempublicam Nobilium quispiam accerseretur. Si frater fratri privatas literas scribens dolorem aliqua ex re conceptum illi apparuerit non continuo vim conspirationis verba doloris habere, non statim perduelles habendum utrumque, non statim reum agendum, aut peragendum. Ecce illos adesse, gratiam & misericordiam illis querere, favorem & patrociniū Senatus implorare, judicio cum Principe nolle contendere, satis jam pœnarum à familia sua luitum esse, cum frater suus sine capite jaceat, qui si quid diliquisset, quod ipse non excusaret, ad judicium tamen Regis & Senatus in Comitiiis potius asservandū, & non privatim in illum animadvertendum fuisse. Sufficeret jam sanguis unius, & ad hoc vulnus omnium non adde-

X

ren-

rentur plura. Iam cetera se patienter laturos, & Deo, ac iniquis suis fatis aut etiam peccatis acceptum laturos. Ad quæ verba Ioannis Zborovii obortæ sunt, & Senatui universo & nunciis Terrarum lachrymæ, ita ut gemitus ferè multorum exaudirentur. Quâ tamen comploratione penè publica, non solùm nihil motus, sed etiam suboffensus Rex visus erat. Perstante igitur in Sententiâ Rege, causa in iudicium introducta. Patroni etiam, amici, & Affines Zborovii in conspectum prodierunt. Cum quibus erat Stanislaus Sandivogius Czarnkovius & Iacobus Niemojovius vir facundus, & magnæ apud Nobilitatem authoritatis. Qui ut Instigatoris Rzeczycii accusacionem adversus Christophorum Zborovium attentâ aure excepit, præfatus se non ut advocatum, sed amicum Citati in medium prodiisse, & ne ob id malam Regis gratiam iniret precatus. Omnia quæcunque ad causam Zborovii sustinendam, & Regem aut placandum quod quidem unicè studebat, aut reum iudicio capitali eman-

*Processus  
Iudicialis  
contra Zbo-  
rovios.*

emancipandum pertinere judicabat de foro , delatore, Citatione, evasione juratoria , & alia id genus Iuris remedia adhibebat. Duravit hoc judicium non paucis diebus; & quæ Niemojovius inducebat, Decretis Regiis, tanquam causa diffugii præcidebantur. Non desisteat Archiepiscopus Gneznensis, & Leopoliensis Regem pro Zboroviis singulis ferè diebus adire, & precari. Sed & Nuncii Nobilitatis magna ex parte Zboroviorum causæ faventes per Kazimirscium Privilegium Alexandri Poloniæ Regis, quo is actionem Regis cum Nobili certis terminis circumscripserat , in subsidium causæ Zborovianæ adductum urgere cœperunt. Contra afferebatur, illud jam obsoletum, & antiquatum esse. Et cum post multas, & varias disceptationes de eo Senatus ferè omnis consentiret. Nunciis etiam Regis , & Senatus nomine Archiepiscopus Leopoliensis, Castellano Vilnensi Palatinis duobus, & Castellano Podlachiaë ita satisfecit ut & Nuncii in ea declaratione acquieverint, &

concordes ad Senatum accedere essent parati , sed in crastinum à Rege ipso dilato negotio non nihil postea variarunt. Post multas utrinque Iudicii ventilationes , & nullo jam subsidio Christophoro Zborovio relicto , de Salvo conductu Ioannes Zborovius Regem & Senatum interpellat , quod etiam ab initio fecit quem Rex in scripto concessit , modo ut se sisteret iudicio , integrum illi forè accedere , & recedere , usque ad Sententiam definitivam. Salvus conductus ob Regis integritatem , ut verbis ita rebus validus , & nulla ex parte suspectus videri poterat ; Amicis tamen Christophori ideo non satisfaciebat , quod plenam recedendi facultatem , non exprimebat , & sententiam ita accelerari timebant , ut ei post unicum accessum , amplius vi literarum Salvi conductus recedendi facultas non esse possit. In his tractatibus quidam familiaris Christophorum Zborovium adit , & tanquam rem certam cognoverit , etiamsi Salvum conductum Regis habuerit , eum in media Arce

*Christophorus Zborovius maluit fugere quam iudicium pati.*

Arce antequam ad Regem accesserit, obtruncatum iri asseverat. Id à Rege negotii aliquibus datum esse, quod falsum omninò, omnibus bonis visum est. Quare Christophorus nihil moratus, quale de se iudicium fieret summo mane cum non vulgari suo & amicorum Comitatu animo ferociente discessit, & se in Moraviam contulit. Quod Archiepiscopos cum lateret ad Regem ingressis, & adhuc pro Christophoro deprecantibus, & pœnitentiam ejus pollicientibus; ipse Rex eum jam nec sine declamationibus recessisse, retulit. Et sic in Senatu, cum in aliis aliorum, tùm in eadem causa, uti Ius dictabat, processum est, testimonia producta, audita, juratum est, multa lecta, ingesta etiam Historia Salustiana de Catilinaria conjuratione, magno auditorum tædio ex scripto recitata. Niemojovio jam patrocinium deponente, advocatis jam fessis, Palatino Poznanienſe adhuc utcunque factum excusante postea tamen absente, & in hospicio se recludente, quod tamen Archiepiscopus

Leopoliensis, pro sua cum illo amicitia graviter in eo reprehendit. Res Christophori desperato loco esse cœperunt. Præcipua, quæ illi objiciebantur, fuerunt, conspiratio in necem Regis, quæ tamen ex literis ipsis quæ publicè lectæ sunt, non satis clarè constabat; quam tamen Samuelis Zborovii ipsemet ante necem omnis culpæ in Christophorum rejectæ confessione Instigator confirmabat: Communicatio consiliorum cum Moschorum Duce in Vrbe Lubeca contra Regem & Regnum facta, & testimoniis quibusdam comprobata, quin etiam puncta quædam à Moschico Nuncio accepta, & alia quædam, inter quæ & insultus ejus in Archiepiscopum Leopoliensem cum Crotosio, dum apud Imperatorem Nuncios Regni agerent commemoratus fuit. Quam mentionem Archiepiscopus Leopoliensis non satis æquo animo tulit, quippe qui in ea causa, nec Actor, neque testis, neque socius adhiberi voluerit unquam, imo & Cancellarium aliquoties rogaverit, ut quæ  
inde

*Capitulum ac-  
cusationis  
Zborovianæ.*

inde secutura essent cautius introspiceret, & omnia illis fere animo candido prædixerit, quæ postea eventus ipse declaravit. Archiepiscopum Gnezensem etsi in convocatione Lublinensi, tanquam delatorem Machinationum Zborovianarum proposuerint, in hac tota actione, ne semel quidem hoc nomine compellarunt. Ipse etiam cum ea de re exposulare cum Rege posset, maluit supersedere, ut nè exulceratis utrarumque partium animis Reipublicæ jam non mediocriter malè affectæ sua propria causa gravius faceret. Cancellarius se per Actionem Vniversam sermonibus suis excusando, & interdum etiam ad ea, quæ de se dici audiret vehementius, & ardentius respondendo: quippe qui etiam Rege ipso teste, & multis amicis Zboroviorum, quin & Ioanne ipso eorum Fratrem, & Samuele ab exilii pœna liberandi, & Christophori in re petita adjuvandi, & suspiciones de iis factas extinguendi causa nihil non fecisset, multis satisfaciebat. Nicolaus Mielecius Palatinus Podoliæ, licet  
vetus

vetus quædam simultas inter eum & Zbo-  
rovium esset, Regem ad Paternam, & cle-  
mentem correctionem à severiore animad-  
versione in omnibus suis sententiis leniter  
avocare nitebatur. Cæteri Senatores, ut  
quisque vel in Cancellarium vel in Zbo-  
rovios erat affectus, ita sententiam suam  
dicebant, plures tamen in Regis, & Can-  
cellarii partibus erant, præsertim postea-  
quàm Christophorus se è Comitibus subdu-  
xisset. Itaque ejus contumacia, ab Insti-  
gatore probata, convictus eorum quæ illi  
objiciebantur, honore multatus est: octo  
ferè Nunciis Nobilitatis decreto illi ob-  
nunciantibus, quod ante eum diem nun-  
quam Decreto Regio factum est. Ageba-  
tur etiam in iis Comitibus, tum de compo-  
sitione inter Status Spiritualem, & Secu-  
larem, tum de Confoederatione in causa  
Religionis, sed utrumque indefinitum re-  
mansit, & ad alia Comitia rejectum. In  
medium confessum, *Albertus Bolognetus*  
Cardinalis Summi Pontificis Legatus fuit  
ingressus, & de jurisdictione, de decimis  
Sta-

*Infamis  
Christopho-  
rus Zborc-  
vius.*

*Bolognetus  
Cardinalis  
causam spi-  
ritualium  
in Comitibus  
defendit.*



Status Ecclesiastici verba fecit; sed neque hoc modo quicquam perfectum, aut obtentum est. Comitibus igitur nullo operæpretio, non tam rebus quàm tempore ipso lege præscripto finitis, homines exasperatis animis domos quisque suas repetierunt. Et Cardinalis Bolognetus, è Polonia Romam redire iussus, Successorem Nuncium accepit Hieronymum Bovium Episcopum Cameriensem. Causa Andreæ Zborovii Curiaë Marschalci, nam & is citatus fuerat, ita in suspenso relicta fuit. Rex nè quid Zborovius exul ex Germania turbarum, antequam se in Lithvaniam reciperet, daret, Cracoviam, ad quam sciebat Zboroviorum magnas parentelas esse, se contulit, & Ius Civibus dicebat, & negotia Transylvanica tractabat. Illic Nicolaus Mielecius Palatinus Podoliaë, Vir multorum opinione magnus, pietate, certè & prudentia, & rei bellicæ scientiâ nemini secundus, mortuus est, magno Ecclesiasticorum, potissimum autem Solikovii Archiepiscopi Leopoliensis, qui cum eo con-

*Nicolai  
Mielecii  
mors.*

Y

jun-

*Gregorius  
XIII eodem  
anno  
obit.*

junctissimè vixit, dolore. Eodem anno & Gregorius XIII Summus Pontifex ex hac vita migravit : in cujus locum suffectus est Cardinalis Montaltus Felix , qui Sixtus v appellatus est. Ad eum Ioannes Demetrius Solikovius Archiepiscopus Leopoliensis cum obedientiæ professione nomine Re-

*Et & Car-  
dinalis Bo-  
lognetus.*

gis & Regni Orator missus est. Cardinalis Bolognetus , sive jam ante hac adversa valetudine correptus , sive nuncio mortis Gregorianæ perculsus, iter in Urbem agens, & diuturniore febre debilitatus, ad Villacum vitam cum morte commutavit , Vir multis ingenii dotibus ac humanitate sin-

*Rex Grod-  
nae medi-  
ans novum  
contra Mo-  
schos bel-  
lum.*

gulari cumulatissimus. Rex se Grodnam in Lithvaniam contulerat , & cum bellum Moschicum mente agitare , quod illic se non malas partes habere intelligeret , sed implicatus suis in Polonia non mediocriter rebus hæreret , Andream Bathorium Nepotem suum Cardinalem Romam etiam designat , per quem de belli Moschovitici rationibus cum Summo Pontifice communicat. Qui quanti Regem Stephanum

num faceret, cum aliis rebus in Oratorem ejus, tùm verò luculentissimo subsidio per Cardinalem illi ad exitum belli Moschici promisso abundè declaravit. Fuit is jam annus CIOIO LXXXVI, quo & Rex ad futuri Annus 1586. anni initium comitia Regni Varfaviam indixerat, & Archiepiscopus Leopoliensis perfunctus sua Legatione Romæ in Poloniam revertebatur, ubi adhuc morantem rumor Regiæ mortis invenerat; sed is postea lætiore nuntio refutatus fuit. Comitia indicta in Regno & Regem viventem reperit, & ut Russicis Conventibus adesset curavit, quod etiam ipsum facere Rex per literas volebat. Magnus erat quasi conversis animis hominum ubique terrarum consensus ad subsidia belli Regi ferenda; Andream etiam, & Balthasarum Regios nepotes pro Incolis Regni suscipiendos, & voto suo potiturus Rex in Regni Comitibus fore videbatur; sed, ut sunt Res humanæ, Rex morbo correptus, sub ipsos Mors Regis Stephani. ferè Palatinatum Conventus, quarto die postquam ægrotare cœperat è vita migra-

vit *die XII mensis Decembris*. Zamoiscius Cancellarius triduo pòst, Regis morte cognita, eam per literas , & Stanislaum Zolkievium, filium Palatini Belzensis, Archiepiscopo Leopoliensi nunciat. Vacabant Palatinatus Russiæ , & Podoliæ. Quorum ille jam antehac Stanislao Zolkievio Patri Palatino Belzensi à Rege missus fuerat , sed is eum nondum receperat, neque tamen literas remiserat. Igitur Regis morte subolefactâ, nec dum Archiepiscopo Leopoliensi patefacta , se Palatinum Russiæ profiteri cœpit , Archiepiscopo Leopoliensi primo omnium ei hunc honorem habente, & apud Nobilitatem tuente. Stanislaus Karnkovius Archiepiscopus Gneznenfis pro munere suo Regis mortem literis suis Senatoribus denunciat , Convocationem de more Varfaviam ad illud idem tempus quo Comititia Regni, si Rex vixisset habenda fuerant , nempe ad proximam Quadragesimam, indicit. Quam præcessit Leopoli Convocatio à Palatino novo Russiæ indicta. Cui cum Cancellarius, tum Consilarii,

&c

*Leopoliensis  
Convocatio.*

& numerosa nobilitas adfuit. In qua variè  
 tùm de Palatinatu Zolkievii , tùm de po-  
 tentia Cancellarii , & periculis Reipubli-  
 cæ , Duce Nobilitatis, *Nicolao Iasloviecio*,  
 Capitaneo Sinatinenfi disceptatum fuit.  
 Postremò tamen, omnia moderante Archi-  
 episcopo Leopoliense , Cancellarius à fe  
 omnem suspicionem Hungaricarum pra-  
 cticarum amovit, & ipse Zolkievius con-  
 sensu & favore Nobilitatis in Palatinatu  
 Russiæ confirmatus est , & Tribunal Iudi-  
 ciorum in Interregno institutum fuit. Sed  
 tamen ad Convocationem Varfaviensem  
 ab Archiepiscopo Gneznensi indictam non  
 pacatis animis itum est. Erant inter Opa-  
 linium Marschalcum Regni, & Stanislaum  
 Gorcanum Palatinum Poznaniensem ali-  
 quot annorum inimicitiae , eas in hoc statu  
 periculoso Reipublicæ , tentabant aliquo-  
 ties Senatores per Archiepiscopum Leo-  
 poliensem, ac Episcopos Vladislaviensem,  
 Plocensem, & Camenecensem , item per  
 Palatinos Tenczynium , Cracoviensem,  
 Szafranecium, Sendomiriensem, Mniscium

*Convoca-  
 tionem Var-  
 saviensem  
 privatorum  
 dissensiones  
 turbant.*

*Solikovi  
Anteam  
Rosam no-  
mine S. S.  
Pontificis  
offert Regi-  
nae Annæ.*

Castellanum Radomiensem tollere , ip-  
sosque reconciliare , præsertim cum Opà-  
linius iudicium & arbitrium amicorum ad-  
mitteret. Sed cum Palatinus Poznanienfis  
duriorem se ad omnia & inexorabilem  
præberet , res ad optatum exitum perduc  
non potuit. In hac Convocatione Soliko-  
vius Archiepiscopus Leopoliensis , *Rosam*  
*auream* à Summo Pontifice benedictam Do-  
minicâ primâ Quadragesimæ , in Templo  
augustiore Sancti Ioannis , in maxîma ho-  
minum frequentia Reginae Annæ ante ma-  
jus Altare genua flectenti , ac præsentî Le-  
gato Apostolico Hieronymo Bovio , Epif-  
copo Camerini , & Episcopis aliquot so-  
lenni ritu , & ceremonia tradidit , ac Re-  
ginae , ejusque familiæ benedixit. Quam  
Regina postea eidem Varsaviensi Ecclesiæ  
donavit. Propositio absente ob valetudi-  
nem adversam Archiepiscopo , ex scripto  
nomine ipsius recitata est , omnes ad con-  
cordiam mutuam , & succurrendum Pa-  
triæ Rege orbatæ , admoniti. Lithvani ab  
initio non aderant , & de brevitate tem-  
poris

poris questi decem dies se expectari voluerunt. Quibus cum & Sendomirienses adstipularentur, & moram hanc Opalinscius Regni Marschalcus impatientius ferret, audiens etiam Zborovios tempus adesse ratos, quò se de injuriis acceptis vindicarent, cum magnis irarum spiritibus adfuturos recessit. Archiepiscopus Primas identidem languidus Senatum accedebat. Andreas Zborovius Curiaë Marschalcus in Senatum ingressus, memoriam dolorum paucis reficans, quæsiuit à Senatu, cùm sit paratus ad Citationem sibi datam jure respondere, & innocentiam suam probare, annuente Gneznenfi & Leopoliensi Archiepiscopis, cæteris silentibus, assedit, & bacillum è manu servi accepit. Vt *Zboroviorum in hac Convocatione factiones.* igitur Marschalcum Regni Opalinscium discessisse, Cancellarium Zamoiscium abesse viderunt, & abfuturum credebant: Zborovii in hoc nervos suos intenderunt, ut quamplurimos fautores suæ adversus Cancellarium causæ conciliarent, ipsumque apud omnes quàm maxima invidia

one-

onerarent. Vnde si quis Senatorum moderatius sententiam dixisset, quâ vel Stephani Regis nomen & merita commemoraret, vel læsos ac injuriâ alios ab aliis affectos, ad condonandas hoc tam periculoso Reipublicæ statu injurias, moneret, tanquam ea sibi injuria diceretur sinistrè interpretabantur, & conviciis, ac diçteriis, quasi voces adulatorum petebant. Quod nihil moratus Archiepiscopus Leopoliensis cum Regis Stephani nomen, ob bellicas virtutes & animum ad gloriam natum, apud omnes Christianos Principes, domum ipsam Austriacam celeberrimam, postremo & ipsum Summum Pontificem illustrem esse diceret, non obscurè etiam ejus acta, studia, & consilia, tanquam Reipublica nostra, & nomini Polonico gloriosa comprobavit. Et cum legationem ipsam se Rege mortuo, jam referre non posse diceret, ipsis Ordinibus omnibus, qui Rempublicam nostram totam repræsenterent, referens dixit, se cum obedientia Regis & Regni ad Summum Pontificem Iesu Christi in terris Vicarium, & Petri Apostoli legitimum Successorem profectum fuisse, ejus mirificam erga Regem & Regnum hoc bene-

Solikovii  
Oratio in  
ista Convoc-  
atione.



*benevolentiam comperisse. Morte talis, & tanti Regis, orbitate hujus tam nobilis Regni, quod Vallum esset ab hostibus totius Orbis Christiani, ac totius Europæ maximè doliturum, & quod studium in Stephanum Regem, si vixisset, declarare erat paratus, idem in Regnum ipsum, hoc tam necessario Reipublicæ tempore, non dubitaret animo prompto & paterno esse declaraturum, modo ut ii concordiam mutuam servent, Reipublicæ salutis invigilent, de Sancta Apostolica Sede, qua Mater & Magistra esset omnis Christianæ professionis, rectè & humaniter sentiant. Et quoniam subolefecerat à multis se vulgò traduci, quasi apud Summum Pontificem adversus Hæreticos Polonia Regi subsidia conciliaret, & cum Regina divortium Regis procuraret, ad ea obiter respondit. Neque Regi sapienti & considerato aliquid ejusmodi in mentem venisse, neque sibi quicquam hoc nomine mandatum fuisse, & si aliquâ imprudentiâ, vel malâ aliquâ suggestionem, quid ejusmodi sibi injunctum fuisset; non se adeò servili animo esse, ut, quod ipsi non probaretur, procurandum susciperet. Pontificem etiam ipsum abundè ostendisse, missò munere sacro Regina, quod eam*

**Z**

*potius*

potius florere , quàm marere , honoratam , quàm exauthoratam esse cuperet. De persequendis vi Hereticis nihil etiam actum esse , sed vim totam hanc in docendo , persuadendo , monendo , ac Deum pro illis orando sitam esse , qua si vis appellanda est , ipsi judicarent. His dictis consuluit , ut in Dei nomine tempus , & locum Electionis Regis , concordibus suffragiis designent , & Primati indicenda permittant , pacem tam publicam externam , quàm internam tueantur , & more majorum suorum , secundum antiquas considerationes manuteneant. A privatis injuriis , vel judicandis , vel inferendis , cum nullus Rex sit , cum omnes aequali jure se gaudere existiment , cum facile anse maximo Reipublicæ malo , vel ex levi initio dari possint , abstineant , condolendum potius , & compatiendum esse bonis filiis posita in doloribus matri. Zboroviorum fautores non satis æquis animis , & hanc , & similes aliorum Senatorum Sententias accipiebant , & in favorem Cancellarii , cui ut Samuelis mortem , ita infamiam Christophori , & universam calamitatem domus suæ imputabant , fieri interpreta-  
bantur. Vnde plerumque obstrepere , & cla-

*Alia Con-  
vocationis  
Kasaviensis.*

clamoribus interrumpere tales sententias solebant. Et cùm Statum Spiritualem moderatiorum consiliorum suaforem esse viderent, hoc tota illa convocatione laboratum est, ut & causæ Spiritualium deteriorem conditionem efficerent, & Cancellarii potentiam, quam sibi infestam videbant, in arctum redigerent. Igitur non pauca, quibus tota Senatus autoritas subruebatur, conscripserant, quibus & confederationem de Religione acriorem, & pacis publicæ conditiones tales inferuerunt, ut ipsis quidem liceret omnia in adversarium, illi autem contra eos nihil. Multa interim aliis de publico largiebantur, & sibi usurpabant; quæ ut quis Senatorum subscribere renuebat, magnis vocibus & impetu in eum insurgebant. Summâ ferè potestate in omnibus rebus uti voluerunt. Scriptum etiam quoddam ab iis, qui mediatores sese inter Cancellarium & Zborovios autoritate Senatus fecerant, confectum, cum utrique parti æquo jure servire potuisset, si Cancellarius

adfuisset, detortis quibusdam in suam partem verbis, quibus Cancellarium capisse putabant, subscribendum Archiepiscopis & Episcopis, ac reliquis offerebant. Quod dum illi, nè causam Cancellarii inauditum iniquiorem redderent, facere recusarent, magnis Zboroviorum querelis, & populari invidiæ exponebant. Vrgentibus igitur illis Archiepiscopus Leopoliensis, se quod Archiepiscopum Primatem, & quidem jam ut crederet satis invitum, & debilem in lecto subscripsisse videret, etiam subscripturum esse, dixit. Sed memores eos esse iussit, illud nec apud Cancellarium, neque apud homines alios, quicquid absente parte constituatur, quicquam roboris habiturum esse. Ita subscripsit, & alii post eum omnes. Eodem modo & ordinationes quasdam violentas, approbandas proposuerunt. Interea Archiepiscopus Gneznenfis in dies majore morbo conflictabatur, & jam etiam propè de ejus vita desperabatur. Et Plocensis ac Præmysliensis Episcopi, adversam valetudinem

dinem caufati , Senatum amplius ingredi noluerunt. Vladislaviensis , impetus laxioris linguæ hominum non ferens , relicta convocatione domum est profectus. Archiepiscopus Leopoliensis cum Episcopo Camenecensi erant residui , quibus concilium illud non fatis sobrium instabat , ut scriptum illud convocationis , quod recessum appellabant , cui & confœderatio religionis inerat , subscriberent. Quibus ipsi respondebant , convocationem istarum rerum causa non esse indictam , sed tantummodò ut pace generali procurata locus & tempus eligendi Regis designaretur. Interea per Bernardum Maciejovium jam ex aulæ Vexillifero seculari Sacerdotem factum , & qui tandem etiam amborum Archiepiscoporum favore post mortem Victorini Wierzbicii Episcopi Luceorientis paulò post Episcopus fuit designatus , ad Archiepiscopum Gnezensem mittunt , & obtinent , quod Archiepiscopus Primas Regni , tumultuante , & omnia innovante convocatione , electionis futuri Regis

*Recessus  
Convocationis  
Senatores  
spirituales  
cum  
secularibus  
committit.*

Z 3                      diem,

*Quem Spi-  
rituales  
subscribere  
nolunt.*

diem , & locum edixit , Varſaviae ad diem  
xix menſis Auguſti. Quod ubi concilium  
illud audivit tanto vehementius Archie-  
piſcopo Leopolienſi , & Epifcopo Came-  
necenſi inſtare coëpit; ut reſeſſui extre-  
mam apponeret manum. Certamine illo  
totus fuit extractus dies , & ita vehemen-  
ter actum in illo fuit , ut ſeculares illis mi-  
nitarentur , eos convocationis diſſipatae  
fore reos , niſi ſubſcriberent. Archiepiſ-  
copus Leopolienſis contra , poſt multas à  
ſe datas reſponſiones , poſtremò caputium  
è collo ſuo abreptum abjecerit , & pectus  
nudatum oſtenderit , ſe priùs & Archie-  
piſcopatu , & vitâ ipſâ ceſſurum , quàm  
his talibus conſtitutionibus, contra Deum,  
leges Patriae honeſtas , utiles , & ſalutares,  
ac rerum ordinem Reipublicae interver-  
tendum , eſſe ſubſcripturum. Idem poſt  
eum Epifcopus Camenecenſis dixit. Illi  
dum ſuos conatus in caſſum abire cerne-  
rent , rem cum illis moderatius agere inci-  
piunt , & quandam verbis regentem virus  
formulam illis præſcribunt: quâ lectâ, cum  
ſe

se de ea deliberaturos respondissent , reliquorum tractatione dies absumptus. Die sequenti Archiepiscopus Gneznenfis , jam uti videbatur omnibus corporis destitutus viribus , Varsavia evectus est. Et Leopoliensis cum tantis certandum sibi non ratus amplius , etiam idem secundo die fecit , commendans omnia Deo. Re intellecta coactus est Senatus etiam die festo , & de discessu Leopoliensis Archiepiscopi variæ querelæ habitæ , & Kasimirscius publicè , quod literas recessus ei in hospitio suo subscribendas non exhibuerit , objurgatus. Et cùm jam de Camenecenfi Episcopo plus sibi pollicerentur , is etiam , se cibo sumpto ad eos affuturum præ se ferens , subito excessit , & ad pagum suum Decanonium se contulit. Decreta ferè post Leopoliensem fuit missio , cum literis recessus , ut subscriberet ; sed unus tandem rem disuasit , commemorans ejus duram in Senatu constantiam , & vehementiam. Gneznensem non putarunt hoc nomine compellendum , quod vel mortuum in

*Ideo relicta  
Convocatione do-  
mum eunt.*

in via crederent, vel ita languidum, ut nihil agi cum eo posset. Ad Camenecensem igitur mittunt, & rogant, ut misertus Patriæ periclitantis redeat, & saltem aliquo consilio ei rei succurrat, ne Convocatio, ne Electio denique ipsa, apprimè Reipublicæ necessaria, hoc discessu Episcoporum in dubium, ac in incertum recidat, & Respublica in mediis tempestatibus relinquatur. Spargebatur jam rumor, Archiepiscopum Gnezensem esse mortuum. Anxius Camenecensis utrum eligendum sit, vicit seipsum, & ad illos reversus tanquam Pater Patriæ salutatus, ægrè quidem primò, postea tamen Recessui subscripsit, adjectâ conditione, propter bonum pacis. Quam rem postea in Electione & Archiepiscopus Gnezensis, & reliqui omnes Episcopi in eogravissimè reprehendebant, solo Leopoliense Archiepiscopo eum ut suum Episcopum, & qui jam unus ferè omnium, cum se solo omnem adversariorum impetum, absentibus cæteris sustinuit, excusante, & in meliorem par-

*Subscripsit  
tandem, sed  
ægrè Episcopus  
Camenecensis.*



partem interpretante. Talem, & tam bellum finem illa Convocatio habuit, indubitata species Electionis futuræ. Iam tum Regina Nepotem suum ex Sorore Sigismundum Sueciæ Regis filium Ioannis Tertii, omnibus ferè Senatoribus commendare cœperat, verita nè ab aliis externis Principibus Regni ambitu præveniretur. Inde accingere se omnes ad Electionem Regis, & Russia tota fuit pro Regis Sueciæ filio, Archiepiscopus Leopoliensis, quod Russiæ præcipuas familias inimicitias gerere videbat, multos reconciliabat. Vt ante Sienienium cum Mielecio Palatino, Sieniavium cum Lesnioviis: ita tunc Ioannem Herburtum Vexilliferum Leopoliensem cum Zolkievio. Et quoniam turbulentam fore Electionem omnes pronuntiabant, nisi Zamoiscius Cancellarius cum Zboroviis reconciliaretur, aut saltem ad aliquos moderationis terminos reduceretur, Stanislaus Szafranecius Palatinus Sendomiriensis cum Nicolao Firleio Castellano Biecenfi cum scripto illo, quod

*Regina  
Anna Sigismund  
Sueciæ Princi-  
pem Sena-  
tui com-  
mendat.*

*Reconcilia-  
tio inter  
Zamoi-  
scium &  
Zborovios  
tentata; sed  
frustra.*

A a

in

in Convocatione autoritate & nomine Senatus confectum fuit , Cancellarium adierunt , rogantes ut illi subscriberet ; sed ille renuit, quod videret in eo speciem magnam inæqualitatis contineri. Diu & multum inter utrasque partes laboratum est ; neque tamen quicquam profectum. Duobus milliaribus à loco Electionis partes ambæ abesse , & ad Concilium nisi tum cum vocatæ fuissent adesse debuerunt. Electionem etiam ipsam absque eorum præsentia non debuisse fieri illis promittebatur. Sed ut duæ factiones fuerunt , ita ex omnibus Regni partibus diversis cum animis homines ad Electionem confluebant. Electionis tempus Zamoiscius Cancellarius aliquot diebus prævenit , & adducta secum non contemnenda militum manu, non procul à loco Concilii castra posuit , valloque se circumsepsit & munivit. Convenit & Senatus utriusque Status , & frequens Nobilitas , venit & Stanislaus Gorcanus Palatinus Poznanienfis , cum Zboroviis ; quin & Christophorus Zborovius qui

qui ab Electione , si ratio illa mutuæ pacis conservandæ constituisset , abesse debuerat , adductis peditibus Italis , Germanis , & Bohemis. Adfuerunt Oratores exteriorum Principum , Cæsaris , omnium Principum Austriæ , Magni Ducis Moschoviæ. Adfuit & Summi Pontificis Sixti v Legatus *Annibal de Capua* Archiepiscopus Neapolitanus , Domui Austriacæ addictissimus. Hoc egit Senatus , cum ambas partes adesse in Comitibus videret , ut ne ad Concilium & Senatum accederent , nisi alternis vicibus ; quod aliquandiu ab eis , idque ægrè admodum , præsertim à Palatino Poznanienfi , nam Cancellarius sese in potestate Senatus esse profitebatur , impetratum fuit. Modum inchoandi à pace publica edicenda Senatus sumere volebat. Sed Nobilitas in partes duas divisa ; altera è præscripto ordinationis in Convocatione factæ , id fieri debere contendebat ; altera contra , perperam multa in Convocatione facta causans , aliam rationem , eamque hæcenus usitatam urgebat. In hac divisione

*Alla nuova  
Electionis.*

A a 2

Sen-

Sententiarum successit & alia major, nam cum tumultuantes ferri non possent à manfuetioribus, quorum. ii Cancellario non obscurè favebant; illi contra Zboroviis: pars moderatior secessit in aliam partem, & separatum confessum sibi fecerunt.

*Concilium  
Nigrum &  
Generale.*

Quod cum vehementiores viderent, & dictariis eos incessabant, & illis *Nigri Concilii* nomen, sibi verò *Generalis* titulum imposuerunt. In quo Generali concessu carpebatur Cancellarius, & hostis ferè Patriæ, ac bonorum omnium declarabatur. In illo quod Nigrum vocitabant, in quo erant Officiales, Dignitarii, & Capitanei plures, & licet paucior numero Nobilitas, tamen omnes moderatoria sequentes consilia, & majore etiam erga Senatum in omnibus sermonibus suis utentes reverentiâ, defendebatur, & patrocinium ejus fiebat. Multi in ea Electione ex populo studebant Moscho, & Archiepiscopus idem diu præferebat, si de Religione Catholica suscipienda aliquod indicium daret. Frustratus tandem opinione ejus, postea cogitatio-

tionem idem deposuit. Senatus altercationis, & disceptationis assiduæ de Convocationis autoritate, quam alii summam, alii nullam, alii aliquam esse volebant, pertæsus: tùm quòd Lithvani ad Concilium, ratione nullâ adduci poterant, etsi nullo ferè die ad Concilium non conveniebant, tamen aliâ sibi viâ ad removenda Electionis impedimenta progrediendum esse putavit. Igitur & major ejus pars, & cujus integritati fidebatur, à Marschalco Regni Opalinscio ad Karnkovium Archiepiscopum Primatem convocabatur: ubi penitior & secretiore consilio usi, cum per tumultus ad ordiendam & prosequendam Electionem accedi non possit, de persona in Regem nominanda propemodum inter omnes convenit. Zboroviorum factio, ut id animadvertit, & Nobilitas Concilii illius Generalis, uti se appellabat, diem certum eidem Campestri, quod *Rokosz* dicebant, instituerunt, ad quod quemque à Senatu, ut in medio eorum adesset, evocabant. Qui satis animi habebant, adfuturos

*Rokosz.*

se non solùm Concilio Senatus, & Nobilitatis universæ lubenter, & quod è salute & usu Reipublicæ sentirent, liberè se, uti in loco libero, dicturos respondebant; sed se hanc tam impotentem & sine ratione Ostracismi institutionem, quam toti Reipublicæ exitiosam viderent, probare non posse. Igitur etiam ad hunc consensum privatim de Rege vel Ernesto Austriæ Archiduce, vel Sigismundo Sueciæ Regis filio faciendo, ita Opalinscio Duce animati fuerunt Senatores, ut cum apparatu armorum die proximo Lunæ à Nobilitate designato ad Senatum adessent, & rei eventum expectarent. Mittebat etiam Senatus ad Lithvanos, ut ad se accederent, & se in hoc periculo Reipublicæ ab eis non segregarent, sed ii res suas agebant, & post principia stare malebant. Attulerant Zborovii jam animis designatum Maximilianum Archiducem Austriæ. Sed eum Moscho tectum fovebant, nullam Maximiliani, frequentem verò Moschi mentionem facientes, quâ re multi inter eos decepti,

cepti, uti finis postea declaravit, fuerunt. Die *Rokosî* seu Ostracismi adsunt frequentes in Senatu, adsunt etiam Nigrum, & Generale, (ut jam eo nomine ea vocemus) Concilium; tractantur alia, quæ tantum ad rem præsentem pertinebant; præsertim obsequium Cancellarii per Ioannem Dulscium Thesaurarium Regni erga Senatum declaratur; eum filere, cum sciat adversarios suos in Senatu adfuturos, si mandet Senatus, vel adfuturum, vel abfuturum, & omnia sua instituta ad tranquillitatem Reipublicæ accommodaturum. Nondum eo finiente sermonem apparuerunt copię Zboroviorum cum Gorcano, bellica tormenta in campo versus Senatum disposita. Monente Ioanne Solikovio Leopoliense Archiepiscopo, ferè publicè jam suos premi: Opalinscius assurgit, & equum inclamat. Idem Archiepiscopus Gneznensis, & reliquus Senatus facit. Vix equos ut quisque poterat in re subita ac tumultuaria scandunt. Senatorum autem Equites in suis ordinibus stabant, qui neutram par-

partem respiciebant, ascenderant. Cancellarii etiam Exercitus è castris egressus appropinquare cœpit. Iam & Ducis Ostrogiæ, Palatini Kijoviensis, ac filiorum ejus copiæ ab occidente in ordine stabant, & Opalinscii milites; ab eadem parte Palatinus Sendomiriensis Stanislaus Safraniecius cum Nobilitate Sendomiriensi etiam medium tenebant. Quos inter Archiepiscopus Gneznenfis, tùm per submissos, tùm per se obequitans consistere jubet, rogans & cum lachrymis obtestans, nè Rempublicam in discrimen adducant. Multis igitur impetum tam Zboroviorum, quàm Zamoiscii mitigantibus, & nè se spectaculo orbi universo exhibeant, adnitentibus; occidente sole, infestæ acies morâ interjectâ tepesactæ, ad suas stationes redierunt. Et hoc modo Rokossium illud furientis Nobilitatis seu Generalis Concilii in nihilum recidit. In hoc diei illius tumultu Brzezinius Vladislaviensis Canonicus Episcopi Cancellarius interfectus, dedit occasionem ut Archiepiscopus Gneznenfis

*Quod in  
sumum  
abiit.*



nensis noctu submissis quibusdam suorum facibus admotis illud tectum Concilii exuri jusserit; Et alium deinde locum, tanquam feliciorē consiliis continuandis, delegerit; qui tamen postea fuit mutatus. Nam Stanislaus Czarnkovius, Casimirscius, & alii quidam ita molesti Senatui fuere, ut Archiepiscopus cum aliis Senatoribus ad Lithvanos, qui jam propius castra admoverant, ac in eodem campo constiterant, conciliandæ sententiæ causa Beati Laurentii sacro die accesserit, ac si res illic maturiores invenisset, in eorum castris Regem edere in animo habuerit. In tanto enim furore ac tumultu populari, ubi nec initium, nec finem invenire licebat, quâcunque tamen unitatis servandæ arte utendum sibi putabat. Sed, cum nequē tum id successerat, & in Zboroviorum partibus nulla etiam spes rerum tranquilliorum apparebat, qui etiam nec Reginae precibus, nec Senatus autoritate movebantur, Archiepiscopus Gneznensis, cū in castra Cancellarii, aut saltem eum

*Sigismundus  
III  
Rex Polon-  
iae  
Tercius.*

locum qui Concilio habendo delectus fuit, majorem Nobilitatis partem confluxisse, & imploratâ gratiâ Spiritus Sancti jam præfato honore Ernesti Archiducis, quem ob studium popularitatis à Sigismundo Regis Sueciæ filio, Nepote Iagiellonum erga domesticum Regem affectæ, hac in parte sententiarum pluralitate vinci constabat, in Sigismundum dici sententias intelligeret, sequenti die mane eò profectus *Sigismundum Tertium Regem Polonia* in Dei nomine renunciavit, & in Urbem ad Deo laudes cantandas sese recepit. Re intellectâ Zborovii frendere, & ad locum illum, quem secundum Archiepiscopus infederat, Concilio suorum convocato, quem etiam non solum Archiepiscopi designatione sacrum, sed etiam exterorum Principum Legationibus auditis, validum, & à Republica approbatum esse censebant, Lithvanis nonnullis, præsertim Cardinali Radziwilo, ac fratribus ejus in suam sententiam pertractis per Iacobum Voronicium nominatum Episcopum Kijoviensem, Ma-  
xi-

ximilianum Archiducem , Regem etiam *At Zboro-*  
 Poloniae , & Magnum Ducem Lithvaniae *viana fa-*  
 renunciant , & cum clausam Civitatem re- *lio Maxi-*  
 perissent , quod vesperi esset , apud Patres *milianum*  
 Bernardinos laudes Deo ferunt ; Et Re- *rennunciat.*  
 gem electum per Zborovium Marschal-  
 cum , & voce etiam præconis proclamant.  
 Sueci in Arce cum Oratoribus Sueciæ Re-  
 gis : Maximilianistæ in Suburbio cum Ora-  
 toribus Austriacis res suas componunt. Et  
 præmissio Martino Lesniovolio , qui jam  
 etiam in Interregno à Regina  
 fuerat missus ad Regem , seu ad ducen-  
 dum , seu ad littus maris excipiendum.  
 Oratores designantur Hieronymus Roz-  
 drazovius Vladislaviae , Albertus Barano-  
 vius Præmysliensis , Laurentius Goslicius  
 Camenecensis Episcopi , cum aliis secula-  
 ribus Senatoribus. Cancellarius rebus  
 omnibus provisus , quas præsentī negotio  
 subservire intelligebat , Cracoviam sese  
 confert , ubi se includit ac munit. Visli- *Visliciensis*  
 ciam Conventus dictus , ubi Electione Si- *Conventus.*  
 gismundi approbata , omnes ad arma su-

menda, sub pœnis de expeditione bellica, excitati fuerunt. Maximilianistæ decretâ etiam ad suum Candidatum legatione eum in Regnum advocant. Erant inter eos non pauci, qui hoc eorum factô, quasi ab se celato offensi, eorum societati renunciabant: & se ibidem in eodem loco, in quo

*Neutrales.* Archidux renunciatus erat, *Neutrales* sunt professi. Quorum caput erat *Ioannes Herburtus* Vexillifer Leopoliensis, qui cum utramque hanc Electionem, tanquam nec suo modo, nec bono jure factam improbant, & hoc contrario scripto suo confirmantes, & inter homines variarum Provinciarum Regni dimisso, postea & Iutroslaviensi Conventui in Majori Polonia, & Pinczoviensi in Minore, & Wisniensi, Rzeszoviensi, Leopoliensi Conventibus in Russia occasionem dederant. Iam autem octiduo ante Leopoliensis Archiepiscopus ab illa Electione tum in Ernestum Archiducem, si is eligi posset, quem magnis laudibus efferebat, & in Sigismundo postremò sententia dicta recesserat, & ipse hac  
tam

tam dissona, & suæ præsertim Russiæ exitiosa Regum nominatione, non mediocriter exacerbatus. Nicolaus Iaslowiecus Capitaneus Sniatinensis, etsi prius pro partibus Sigismundi, antequam Rex renunciaretur, in gratiam Reginae stetisset, tamen postea ob suas cum Cancellario simultates se Maximiliano dedit, & milites in ejus usum conscripsit. Lithvani in incerto relictis domos quique suas animis perturbatis abierunt. Per Poloniam & Prussiam totam de Candidatis & Regibus Electis ubique hominum digladiationibus omnia plena fuerunt. Iam Maximilianus Archidux adventare, & castra sua ante clausas Cracoviæ Urbis portas ponere, velitationes facere. Zborovios ac eorum fautores confluere, qui jam ante & Stanislaum Comitem Tarnoviensem Castellatum Sendomiriensem Brzeznicæ cœperant, & Vifliciam occupaverant, & multas Nobilium domos dispoliaverant, passim clara fama loquebatur. Quin & sub idem ferè tempus sub Gasparo Maciejovio absente, Arcem

B b 3

Lu-

Lubowlam Scepusiensem Spytek Iordani, qui prius in Electione castris Cancellarii militabat, & posthac quadam re offensus ad hostes ipsius Zborovios defecerat, intercepit, eamque nomine Maximiliani occupavit. De Sigismundo omnia incerta, & obscura fuerunt. Non defuit quoque sibi Maximilianus per Iaslovieciū, cujus magna erat apud suos authoritas, & per Stanislaum Pstrokonscium per Russiam universam, ita ut brevi omnem ejus nobilitatem sibi devinxerit. Quæ cum statutis Visliciensibus quibus è domo evocabantur, & pro Sigismundo contra Maximilianum sub poenis bellicis bellum movere juberentur, vehementer offenderetur, quod barbaris vicinis uxores ac liberos, ac domos suas expositum iri, se aliò evocatis, judicabant. Wisniam primò, deinde ad Rzesoviam, unà cum Archiepiscopo Leopoliense, & Dignitariis Russiæ frequentes admodum, postremò ad Leopolim Comitibus habitis neutram Electionem approbarunt. Etsi ejus qui prius permissione Dei  
pec-

*Russia pro-  
pter Statu-  
ta Visli-  
censia sit  
neutralis.*

peccata populi punientis Diadema Regium acceperit, agnoscendum esset imperium, non prius id fieret, quàm ut poenæ Vislicientes relaxarentur, & alia gravamina sua constitutione publicâ tollerentur: offenderat autem eos, & Regalium ante tempus Maximiliano à suis Electoribus facta attributio: hâc sanè re in utriusque partis offensione incurrerant, nam & Suetici in gratiam Archiducis, & Archiducalès in gratiam Suecii, hoc Russos medium amplexos esse arbitrabantur, & neutri ullas eorum rationes admittebant. Venit tandem Sigismundus electus Gedanum, *Sigismundus Rex Gedanum venit.* per mare, navibus, cum Sorore Virgine, & juratis in manu Hieronymi Rozdrazevii Episcopi Vladislaviensis pactis, Cracoviam ire pergebat. Exceptus ab Archiepiscopo Gneznenfi Lenciciæ deducebatur. *Ac porro Cracoviam pergit.* Maximiliano adhuc ad Monasterium S. Tumbæ hærente, & suis in Urbem irruptionem tentantibus, qui etiam, semel tentatâ irruptione, cum sua clade repulsi, ac tormenta eorum ablata Cracoviam ad Can-

*A Zborovianis itinere præpeditur.*

Cancellarium deducta fuerunt. Præcedebant Regem milites Opalinscii, & aliorum, quibus Christophorus Zborovius cum Stanislao Stadnicio ad Prædiboriam occurrens confertis manibus in eis magnam stragem ediderunt. cujus rei ad Regem nuncio allato Petricovia Ravam cum suis recesserat. Tandem tamen conversis rebus, & apud Zborovios, & Stadnicios fama omnia de Rege majora faciente, & ipsi ad Maximilianum Archiducem reversi sunt, & Maximilianus ipse suâ sponte à clara Tumba, cum militibus suis morbo confectis, Czeſtochoviam verſus, cum Rex jam in nova Civitate Corcini eſſet, recessit. Miſſi erant à Rzeſoviensi Conventu Nuncii ad utroſque Electos Principes: ii qui ad Suecum fuerunt destinati eum jam Cracoviæ invenerunt; qui ad Archiducem Czeſtochoviam uſque, ſed præter mentem ſuorum, pervenerunt. Redierunt autem utrique Leopolim ad Conventum ſub id tempus designatum, quod edicto Maximiliani omnibus coram ſe ſiſten-

*Leopolienſis Conventus.*



fistendi ad claram Tumbam , & obedientiam profitendi , sub pœnis capitalibus præstitutum fuit. A Sigismundo electo, omnia plana & pacata , bonæque spei plena allata sunt. A Maximiliano splendidiora multo , & magis speciosiora proposita. Advenerunt etiam à Sigismundo Procopius Sieniavius, & Ioannes Plaza de Msticzow ad Conventum illum cum literis ab Electo, quem tamen jam corona Regia redimitum asseverabant : Sed cum ab iis, quæ apud Ordines Russiæ agenda , aut dicenda erant imparati essent , à Leopoliensi Archiepiscopo informatione habita , in medium ingressi , omnia sunt nomine Regis jam coronati polliciti quæ in rem eorum essent. Protulerunt etiam Nuncii Russici , Senatorum, qui ad latus Regis erant, scriptum , quo cavebatur rebus eorum , neutiquam verò acquiescentibus Russis , nam & Iasloviecius potenti manu advenerat , causamque Maximiliani fortiter tuebatur , & Archiepiscopi conatum ad concordiam tendentis subruebat , quin

*Ad quem  
Regis Si-  
gismundi  
Legati mis-  
si.*

*At pergit  
nihilomi-  
nus turbare  
Iaslovie-  
cius.*

C c

&amp;

& intercipiendis Leopoldis agitare consilia videbatur, nam & tormenta bellica secum adduxerat, quæ contra Portam Haliciensem disposuerat, & militem denuo conscribebat, & Nisovios milites, qui è præliis Moldavicis evaserant, ad se evocabat. Et Leopoldis hac de causa non parvo tempore semper clausa, & custodiis ac vigiliis, diurnis, ac nocturnis, suscepto etiam præsidio Equestri, tum à Magistratu, tum à loci Capitaneo manebat. In quo periculo positum se & Urbem Archiepiscopus videns, duo hæc fecit, præsertim cum Iaslovieci in partes Regis coronati traducere non posset. Alterum quod ex Vrbe ad Concilii locum, qui ante Urbem erat, misit, & ex ejus medio aliquos ad se mitti postulavit, nam tum ægrotabat, qui cum ad eum quindecim venissent, sententiam suam illis aperuit, quâ eorum omnia acta hucusque collaudavit. Verum cum jam controversiæ finem factum esse, & Deus quem regnare voluit, abundè ostenderit, altero jam à Regno abeunte, altero Diade-

*Archiepiscopi tamen prudentia Russi in partes Regis traxit.*

demate Regio insignito, modo pœnæ Viflicienfes , & alia eorum gravamina tollantur , jam illos ad agnoscendum Regem illum , & pacem coelitus oblatam adhortatus est. Quam sententiam Archiepiscopi cum aliqui collaudassent , aliqui in sua neutralitate temerè persistere velle viderentur , die sequenti in eorum confessum per Fratrem suum Sigismundum Solikovium , & alios familiares in scripto ultimam sententiam suam misit. Quâ missâ amplius quid illis consilii dare debeat , se non invenire significavit. Ita & Ioannes Herburtus Vexillifer Leopoliensis , qui Conventus illius erat director sanè moderatus , cum Capitaneo Leopoliensi Nicolao Herburto , Castellano Haliciensi Andrea Sienienio aliam sententiam sequente, qui & ipse cum his duobus Rzeszoviæ, Senior ejus Neutralistarum partis fuit institutus , scripto ultimo cum Archiepiscopo caventes rebus Russiæ apud Regem Coronatum , finem negotio fecerunt. Alterum, quod Nisovios milites cum Herburto

*Et Nisovii  
milites.*

*Denique &  
Lithvani  
ad Regem  
accedunt.*

*Maximi-  
lianus à  
Zamoisfio  
captus.*

Leopolienſi Capitaneo , & Conſtantino Duce Oſtrogio , ad quos ſolicitandos in partem Maximiliani Iaſloviecius erat profeſtus , ad ſe ſic etiam innuente Rege pertraxerunt , & poſtea pannis , ac ſericis , inter eos partitis , eos in fide Regis coronati retinuerunt. Lithvani prius variis conventibus ſuis variè actis , & inter electos Reges , utri ſe adjungerent hærentes , diutius Cracoviæ expectabantur , tandem tamen ſuos Oratores Cracoviam mittunt , & de induciis cum Moſcho xv annorum , quas illi pacti erant , deque Livonia cum Polonis medium partienda , ſcriptum quoddam à Rege conſequuntur. Trahebantur Comitæ Coronationis Cracoviæ , & cum Maximilianus intra fines Regni ſubſiſtens in omnes adhuc partes , quas fortuna monſtraſſet , circumſpiceret , Zamoiscius Cancellarius , & Dux belli , ad eum amovendum à Rege , & Senatu mittitur. Quem is jam ultra fines Regni , Cæſaris ditiones aliquot miliaribus , in Sileſiam ingreſſum ad Byczynam Oppidum conſerta cum eo manu

manu profligavit, atque ex Oppido in quod se è profligata acie receperat sponte suæ salutis, & dignitatis causa, cum Oppidi immineret direptio, exire iussum, captivum accepit, & præter Regis & Senatus voluntatem in Russiam duxit, & in Arce Crasnostaviensi liberali custodiæ commendavit. Capto Maximiliano, Russiæ illi motus facilè conquieverunt, & ut primum Regiæ literæ cum Constitutionibus Coronationis, quibus etiam Russiæ incolis cautum abundè fuit, ad officia Capitaneorum, atque præcipuè Leopolim venerunt, & subsellia Iudiciorum aperta & promulgata sunt, & Officiales Terrarum jurejurando fidem suam Regi obstringebant, non paucis erubescens, quod ante tempus Archiepiscopi sui monitis non obtemperaverint. Acriter erat in Coronatione contra adversæ partis homines, tanquam contra perduelles, decretum, iis etiam certa ratio præscripta, qui neutri se parti addixerant. Sed neutrum deinceps è scripto legis asperius urgebatur. Czausus

*Czaufius  
Turcicus  
ad Regem  
Sigismun-  
dum.*

è Turcia interea in Poloniam missus apud Petrum Moldaviæ Palatinum substitit, ambigens ad quam se partem conferret, adhuc enim Maximilianus in Regno erat, Archiepiscopum Leopoliensem Palatinus, missa ad eum secreta legatione, consuluit, quorsum sibi Czaufius dirigendus esset, se ejus consilio pariturum. Archiepiscopus rectà eum Cracoviam ire suavit, ubi jam electus Rex adesset, & sine dubio coronatus; ubi Senatus ferè omnis, tribus vel quatuor exceptis. Ita Czaufius à Cæsare Turcarum Cracoviam, necquicquam sibi paratis periculis, pervenit, & Regi Sigismundo Regnum gratulatus, amicitiam sui Principis ei detulit. Iasloviecius etiam Archiepiscopum Leopoliensem, ut suæ fortunæ rationem habeat, orat. Postquam itaque Respublica ad portum jam qualemcunque appulisse visa esset, Archiepiscopus Gneznensis post discessum Cancellarii ad Maximilianum, confectis ferè omnibus, quæ in Coronatione fieri oportebat, domum se contulit. Sepulturæ etiam Stephani

phani Regis mortui dies dicta, & Leopoldiensis Archiepiscopus Cracoviam ad Regem Sigismundum venit, apud quem, et si à multis se tanquam factionum istarum per Russiam authorem traduci intellexisset, ramen sine ulla justificatione obsequium suum Regi detulit, Russiæ Senatores, Clerum, ordinem Equestrem, & populum universum, ac ipsam Urbem Leopolum commendavit. Si quâ fide hætenus in obsequiis Regum, ac Reipublicæ, quâ integritate versatus sit, deinceps etiam erga Regem Sigismundum esse futurum, & dicturum & facturum omnia, quæ Regi & Regno expedire judicaverit. Iustis igitur Regi Stephano persolutis, & in Senatu atque Iudiciis, quæ paulò acrius institui videbat, ad maximam moderationem Rege & Iudicibus admonitis, quibusdam etiam liberatis discessit, iterum non paucis in Russia dolentibus, quod eum Cracoviam euntem concomitati non fuerint. Qui non solum illic honorificè acceptus fuit, sed etiam Iaslovieci in gratiam Regis re-

*Archiepiscopi Leopoldiensis ad Regem adveniens.*

recipiendi, non vulgaria fundamenta jecit: imo & apud ipsum Cancellarium multi sunt ex adversa parte in gratiam Regis recepti, multò autem plures ad Comitìa Regni rejecti. Et quoniam incertus adhuc Status Reipublicæ videbatur, Archiduce Maximiliano negligentius sui liberationem procurante, imò per illam indulgentiorem captivitatem, multos Polonorum sibi in dies in publico versando concilante. Ejus rei admonitus Summus Pontifex misit Cardinalem Aldobrandinum ad Imperatorem Rudolphum Maximiliani fratrem, & ad Regem Sigismundum, ut inter eos de Maximiliani liberatione ageret. Loco igitur & tempore certo ad Bendzinum utriusque partis Commissarii conveniunt. Vbi mediatore Cardinali pax constituitur, tempora jurisjurandi à Rege & Imperatore præstandi, Consiliariorum utriusque Principis pronuntiandi, Lublovix restituenti, dimittendi Maximiliani, ejusque Iurisjurandi & visendi à Rege Sigismundo Maximiliani designantur. Interea Co-

*Cardinalis  
Aldobran-  
dinus me-  
diator inter  
Sigismun-  
dum Regem  
& Maxi-  
milianum.*



Comitia Regni indicuntur, atque Polonici Commissarii à Bendzino revertuntur: *Comitia anno 1589.* Hieronymus Rozdrazevius Episcopus Wladislaviæ cum aliis, mediis Comitii advenit, & ipse Cancellarius magna cum pompa: cui omnes Senatores & Aula tota Regis obviam effusi sunt, exceptis Archiepiscopis. Pacata ad illud tempus Comitia fuerunt, & in eventu transactionis Bendzinenfis vel non finitæ, vel finitæ in effectum deducendæ, concordibus Ordinum suffragiis Regi vectigal concessum, & oblatum fuit. Tandem verò post actas publicè cum aliis Commissariis, qui hanc transactionem tractabant, tùm verò maximè & quidem peculiari quodam modo, ipsi Cancellario gratias, & designatis etiam è Senatu ad conficienda ea quæ ex hac transactione restabant; ad Cæsarem designati, Cardinalis Georgius Radivilus, & Nicolaus Firleius Palatinus Cracoviensis: ad deducendum è Regno Maximilianum Laurentius Goslicius Episcopus Camenecensis, nominatus Chelmenfis, Pa-

D d

lati-

latinus Cracoviensis, Sandomiriensis: Cum  
 Rege ituro Lublinum alii. Archiepiscopus  
 Gneznenfis domi remansit. Ad nego-  
 tium novi Regis eligendi descensum est.  
 Iterumque ad alia negotia cum Lithvanis,  
 Livonibus, Prussis. De adhærentibus Ma-  
 ximiliani lex prolata nonnihil aspera. Item  
 executio Henricani Decreti contra Sa-  
 muelem Zborovium approbata. Multo-  
 rum causæ quæ Cracoviæ ad Comitia re-  
 jectæ fuerunt, in Iudicium introductæ:  
 cum quibus ut Rex mitius ageret, Sena-  
 tus, ac præcipuè Ecclesiastici intercesse-  
 runt, non paucos ipse Cancellarius com-  
 mendavit. Ita Iasloviecius Capitaneus  
 Sniatinenfis, Samuel Stadnicus, Stanislaus  
 Ciolek, Spytek Iordan, Marssavius, &  
 alii multi in gratiam Regis recepti sunt.  
 De modo Electionis Regis tractantibus,  
 Regem Catholicum, sive casu, sive de in-  
 dustria exclusum esse cum Archiepiscopus,  
 & Episcopi, ac reliqui Senatores &  
 Nuntii Catholici vidissent, & Cancellarius  
 privatâ sua sententia in medio Senatu  
 præ-

præsente Rege , tanquam id nullo Catholicorum periculo fieret , ad concordiam ambas , tam Catholicorum quàm Hæreticorum latissime deductis rationibus partes adducere conaretur. Et duce Archiepiscopo Gneznense cæteri Episcopi gravissimæ sententiæ illius restiterunt. Eo tandem litigando , & rixando incalefactis animis descensum est , ut Cancellarius dixerit: Eia si exprimendus sit Catholicus , & hoc exprimendum esse , ut domus Austriaca in sempiternum ab Electione Polonica excludatur. Quod Archiepiscopus Gneznensis , nulli bono , & commodo Reipublicæ fore ostendit, & probavit. Et jam patere apertè , eum hac suâ sententia sibi cavere , & non Reipublicæ causam agere. Plura erat dicturus Archiepiscopus , sed ab Episcopis rogatus , reliquum sermonem abruptit. Ita exacerbatis utrinque animis, Comitia in profundam noctem extracta , & sub ipsam ferè auroram finita, Regiquè , & Nunciis Nobilitatis valedictum est. Petierat à Senatu Rex Sueciæ , ut cum

D d 2

Re-

*Congressus  
Sigismundi  
Regis cum  
Patre Io-  
hanne.*

Rege Poloniae filio suo in Livonia sibi per eum congredi liceret, quod id utriusque Regis & Regni res exposcere viderentur: igitur & hoc Regi fuit permissum. Vectigal verò antea concessum, tandem in Palatinatibus relictum, neque de eo quicquam Regi numeratum fuit. Iterum Nuncius inde ad Imperatorem missus Ioannes Ostrorog, & ab Imperatore alius advenit, Rexque iuravit in conditiones pacis. Profectus deinde est Rex Lublinum, ubi Archiducem Maximilianum salutavit, eumque convivio excepit, solus etiam eo peracto cum solo privatim colloquutus est. Ad Imperatorem Cardinalis Radivilus, & Firleius Palatinus Cracoviensis abierunt. Rex etiam in Livoniam cum Rege Sueciae Patre suo Revaliae congressurus, cum aliquibus Senatoribus, & splendido Aulae comitatu per Lithvaniam profectus est mense Iulio. Mensis Augusti die XVIII Tartari Crimenses, Praecopien-  
ses, & Nahayscenses in Podoliam & Rus-  
siam magno exercitu incursione facta, eam  
longè

*Tartari Po-  
doliam &  
Russiam  
populantur.*

longè lateque populati , tantùm quatuor miliaribus à Leopoli reversi sunt , pluribus simul locis ad Buscum , Dunajovium , Haliciam cæsi , & multi eorum capti Archiepiscopo Leopoliensi , & Cancellario adducti fuerunt. Non fidebant homines Cancellarii Summi exercituum Præfecti præmonitionibus , itaque ex improvise oppressi fuerunt. Multi Nobiles cæsi , multò plures abducti. Ad Bavorovium Castellum cohortes quædam stipendiariæ , Strussis & Podlodoviis Ducibus accurrebant , & cum Tartaris congressi strenuè pugnarunt. Iacobus Strus in confertum agmen equo inVectus obtruncatus periit , cæteri autem cæsi , aut capti. Frater Czari Crimensis , & Duces belli , quos Murzas vocant , ibidem complures perierunt , & statim ex loco illo recesserunt. Fuerunt & alibi à Nisoviis cæsi. Advocarat ad se Leopoliensis Archiepiscopus Nobilitatem , tandem & à Zamoiscio Cancellario Exercitus Regni Præfecto , nè Reipublicæ deesset petiit , quod quidem post factum ,

D d 3 fa-

factum videbatur. Adfuit & Nicolaus Herburtus Palatinus Ruffiæ jam ante hac aliarum rerum caufa in urbe, cujus Bucikovum unà cum Kozlovio Archiepifcopi, & Narajovo Sieniaviæ Heduigis Palatinæ Ruffiæ Oppidis, & aliorum Nobilium multis, jam exufta fuerunt. Sed major vis Ruffiæ, Podoliæ, & Pokucix imminabat. Nam Heder Baffa Biglerbegus Europæ Turcarum Imperatoris cum magnis copiis Danubio trajecto Tartarum denuo revocabat, Moldaviæ & Valachix Principes, mandatis Turcarum Imperatoris, ad arma contra Polonos fumenda excitabat. Abundè conftabat ut Tartarorum irruptionem, mandato Imperatoris fuiſſe factam, ita & Beglerbegum miſſum ad ulciſcendas injurias, & damna à Niſoviis, jam denuo poſt Comitia, ut jam taceatur Tehinia, Oczakob devaſtata, & Bialogrodum toties infeſtatum ſuis ſubditis bis tervè cum aliàs, tum Kozlovii illata. Et Beglerbegum hunc ægrè tuliffe, quod Tartari ejus adventum non expectarint.

Eo

*Biglerbegus  
Ruffiæ im-  
minet.*

Eo enim modo se imparatos majoribus  
 damnis se afficere potuisse sibi persuade-  
 bat. Rex Vilnæ jam erat, cum illi de Tar-  
 tarorum irruptione nuncius perferretur,  
 doluit, & literas ad Senatores, & Nobili-  
 tatem dedit. Sed ipse à suscepto ad Pa-  
 trem itinere, quod jam Patrem suum mare  
 trajecisse intellexerit, non destitit. Qua  
 ex re magnâ se apud omnes homines one-  
 ravit invidiâ. Zamoscius præfectus Exer-  
 cituum accurrens Leopolum cum Senato-  
 ribus Russiæ Archiepiscopo, Palatino, &  
 Castellanis Præmisliense, & Haliciense,  
 consilio communicato, Cameneciam Ni-  
 colao Iasloviecio Capitaneo, cujus Capi-  
 taneatus jam non paucis annis Nicolaus  
 Brzescius adversâ valetudine laborabat,  
 commendat, illique tormentis, pulveri-  
 bus, peditibus fert suppetias. Leopolum  
 etiam Urbem, ob eminentem ex alto se-  
 paratim Arcem, opere subitaneo Arcem  
 cum Vrbe aggere conjungendo munit, &  
 se Vrbi includere velle præ se fert. Milites  
 tum secum nullos habebat, nam sub id  
 ferè

*Zamoscius  
 Leopolum  
 munit.*

ferè tempus Maximilianum è Polonia abeuntem concomitabantur. Archiepiscopus intentionis quidem Cancellarii ignarus, tamen cum id quod appareret, minus illi probaretur, cum hortatur, nè se intra muros includeret, sed convocatis ad arma omnibus in campum exiret, & contra hostem progredieretur, & subsidia potius in alio loco, quàm Leopoli expectaret, maximum desperationis fore indicium Leopolim nunc muniri, ac Summum Præfectum in ea includi. Cui cum quadam vehementia respondit Præfectus, ut omnia, sic bella juxta vires paranda esse; si se igitur in campum egredi, & Beglerbego occurrere Archiepiscopus vellet, daret sibi XL millia Equitum, & XX millia Peditum, & si adhuc Beglerbego impar futurus esset, tamen cum his Dei fultum præsidio non solum Treboulia, sed & Cameneciam ipsam sese profecturum; imò & ulterius ad Danubium ipsum usque cum barbaris fortunam tentaturum esse. Responso Summi Præfecti excepto Archiepiscopo-



piscopus , dixit , futuros esse homines , modo ut voluntas adfit. Convocetur ad arma Nobilitas Russiæ. Pecunia quartæ partis quotacunque tandem in Curia habeatur, militi distribuatur; aliam, unde haberi possit Thesaurarius Regni provideat. Georgium etiam Mniscium , Palatinum Sendomiriensem cum non contemnendo equitatu adventurum, Stadnicos & aliam Nobilitatem in dies in horas sua nomina ad defensionem Patriæ profiteri. Cum Archiepiscopum serio rem agere videt , respondit, modò adsint, qui militiæ se addicant, se propriam pecuniam esse daturum. Quam , utprimum Archiepiscopus cum aliis Senatoribus certificationem de ea à Republica reddenda subscripsit , statim adferri , & numerari mandavit. Iam igitur omnia expeditiora esse cœperunt, & quoniam si semel cum Turca Martis alea experiendum sit, de continuando bello, & majoribus subsidiis comparandis , maturè & celeriter providendum esse nemo non videbat. Omnes Archiepiscopum in pub-

E c

lico

*Archiepiscopi Leopoldensis in huius Reipubl. periculis animositas.*

lico consilio , cui multa Nobilitas adfuit , rogarunt , ut is in Majorem Poloniam ad Ordines Regni profectus , de acceptis jam damnis ab hoste , & de imminente majore adhuc Reipublicæ periculo omnes admoneret , autoritate sua apud illos efficiens , promptis & paratis subsidiis non tantum Ruffiæ laboranti , sed universæ etiam Reipublicæ periclitanti ab eis succurri. Non dubitabatur , id & ipsum Summum Præfectum candidè ab Archiepiscopo petere. Archiepiscopus igitur Leopoliensis alacriter petitioni suorum annuens , & ut illi se absente , quæ suarum partium essent , unà cum Summo Præfecto strenuè facerent , omnes adhortatus. Ad Primatem Regni Karnkovium Archiepiscopum Gneznensem suum Veredarium cum literis præmisit , se adventare scribens ; Reipublicæ salutem in hoc verti. Ut primo quoque tempore Senatores & Nobilitas in unum locum convocentur xi diem Septembris instare , quo in Palatinatibus omnibus Iudices Tribunalis eligendi sunt , in ea loca mit-

mitteret , & Conventum commodo loco ,  
& ut ipse adesse possit , simili tempore in-  
diceret. Archiepiscopus Gneznensis , in  
omnes Reipublicæ casus semper inten-  
tus , acceptis Archiepiscopi Leopoliensis  
litteris , ejus consilium , & petitionem am-  
plexus , missis ad Conventus Palatinatum  
suis , & Archiepiscopi Leopoliensis litteris ,  
Lenciciam ad diem xx Ordines Majoris  
Poloniæ convocat. Pervenerat jam antea  
peropportunè ad Palatinatus Sendomi-  
riensis Conventum Opatovium Archiepif-  
copus Leopoliensis , ibique non vulgare  
subsidium obtinuit. Ad Conventus istos  
omnes Terrarum , Rex , cum nihil de con-  
tributione publica in manu haberet , nihil  
adhuc etiam de Tartaris & Turcis cogni-  
tum habens , Nuncios suos miserat , ro-  
gans sibi de ea contributione aliquam par-  
tem donari. Sed cùm esset promissio pacis  
à Turcis & Tartaris , alia quàm res ipsa  
ostenderet , Nunciis etiam Regis prout  
quisque prudentia valebat , nonnulla dissi-  
mulantibus , nonnulla præfationibus ad-

*Conventus  
Lanciciensis,  
ejusque  
Alia.*

hibitis moderantibus, è nullo ferè Conventu quicquam Regi depensum est. imò à non paucis Regi, quòd in periculo Reipublicæ ei adesse noluerit, & revera jam non potuerit, impropertum fuit. Lanciam frequentes admodum tàm Senatores, quàm Nuncii omnium Palatinatum convenère, & audito Leopoliense Archiepiscopo, quantis partes illæ detrimentis & jam affectæ sint, & quàm multò tristiora & acerbiora illis adhuc immineant, nisi subitò & potenti totius Regni occursum Turcarum copiis cum Beglerbego appropinquantibus obviam itum fuerit: Archiepiscopus Gneznensis Regni Primas omnes ad opem fratribus, & toti Reipublicæ ferendam vehementi, & gravi oratione cohortatus est, & modum etiam, quomodo id ex usu Reipublicæ fieri debeat ac possit proposuit. Aderat præter alios Senatores illi Conventui Albertus Lascius Siradiensis Palatinus, qui explicatis dolis & artibus Turcarum, sibi jam pridem notis, quibus in occupandis utuntur Regnis, turpitudine,

dine , foedaque servitute , quâ occupatos premunt , non magnum eorum vires infringendi negotium , modò ut ne animus & constantia defit , vires & fortunam non defuturam magnos stimulos Nobilitati addidit. Adfuit & Andreas Opalinus Regni Supremus Marschalcus , qui manum operi ita apposuit , ut jam non verbis sed rebus ipsis opus esse quisque intellexerit. Idem quotquot aderant & alii consiliarii animo alacri & suaferunt , & prompta studia & operas suas obtulerunt. Igitur tali dato initio , non diversus sequutus est eventus : nam postea Nobilitas , cum ad suas partes recessisset , non longa mora interjecta , ita concordibus & unitis animis accessit , ut gratiis actis ab omnibus & singulis Terris , Archiepiscopo Gneznenfi de tanta vigilantia in periculis Reipublicæ , collaudatoque Archiepiscopi Leopoliensis studio , & aliorum qui conveniant Senatorum , in legem Agrariam plenius animis convenerint , ita ut si jam viribus omnibus tam potenti hosti resistendum

E e 3

fit,

fit , ex decimo quoque agri manso singuli armati equites ; ex Civitatibusque & Oppidis certo numero pedites expedirentur , & statim ad occurrendum hosti milites in quolibet Palatinatu , & terra , è prompta jam & parata vectigalibus decretis pecunia conscripti , ocius ad Summum exercitus Præfectum mitterentur. Et ut in posterum semper certa ratio belli contra Turcam , ac expedita constare possit , ne quis inæqualitate oneris gravari se conqueri jure posset , etiam agrorum commensurationem in proximè futuris Comitiiis se procuraturos esse omnes alacribus studiis sponderunt , & scripto publico firmaverunt. Qua re tota scriptis Sigillis firmata , atque actis & codicibus Iudicialibus Arcis Lenciciensis inserta , Archiepiscopus Leopoliensis omnibus gratias egit , & scriptum ejus rei authenticum non solum in Russiam ad Supremum Præfectum Exercitus , & Senatores Collegas suos , sed etiam ad Palatinatus Cracoviensem & Sendomiriensem misit. Re feliciter & ex animi senten-

tentia, imo etiam præter multorum opinionem confecta, cum alii minoris Poloniæ dicti Palatinatus læti, tum maximè Provincia tota Ruffiæ vehementer exhilarata, ac præcipuè Dux Exercitus majore animo de reprimendo Beglerbego omnem curam & follicitudinem cum Ruffiæ Nobilitate, & militibus quos jam habebat, egit. Interea Maximilianus Archidux è Regno egressus vel absentia Regis, quem multus rumor erat amplius non reverfurum effe, permotus, vel alia de causa; fretus etiam fuorum, qui illi occurrerant viribus, & nostrorum paucitate animadvertfâ, & fortasse etiam nostrorum quorundam, quos sibi benevolos reddiderat, instinctu, injuratus discessit. Neque multo post Acangibegus jussu Beglerbegi propius cum suis velitibus accedens Sniatinum exussit, incolas mercandi gratia magno numero in Oppido versantes captivos abduxit, neque subditis Palatini Moldaviæ pepercit. Quos omnes Beglerbegus in Turciam non habito delectu remisit. Et hoc

*Sniatinum  
à Turcia  
exussit.*

*Beglerbegus  
retrocedit.*

hoc facto, certior à Palatino factus, magnas Polonorum instare copias ad Zamoisium Cancellarium & Ducem belli Czausium Bassam misit cum literis, quibus causam adventus sui descripsit, monens ut Orator Regni ocius ad portam Turcicam se conferret, spem pacis faciens, si Nisso-vii exterminati, & arces finitimæ dejectæ fuerint, & ipse vix expectato sui Czausii reditu, Danubium versus reverti cœpit; eoque tumultuariè trajecto, in Sylistriam sese recepit.



## E I V S D E M

IOANNIS DEMETRII SOLIKOVII

Archiepiscopi Leopoliensis

## TESTAMENTVM.

*Quorum non debeo , nec volo obliuisci in morte.*

**P**ropria salutis & perseverantia in Fide , Spe, <sup>I.</sup>  
Charitate.

Deprecationis offensarum omnium, quamvis ne- <sup>II.</sup>  
minem puto me lasisse, nisi ex zelo. Deus tamen  
omnia novit.

Remissionis perfecta iis , qui me offenderunt, & <sup>III.</sup>  
ad cordis amaritudinem adduxerunt, puto cum  
merito meo nullo. Fuerunt autem tales ex omnibus  
Statibus. Parcat illis Deus qui nobis omnibus  
pepercit.

Regis mei postremi , cuius temporis <sup>IV.</sup>  
dicat illi Dominus, mortuo requiem, vivo longin-  
quam felicitatem opto. Sigismundo Augusto, Anna,  
Henrico, Stephano, Sigismundo tertio servitum est  
fideliter à non molesto exactore.

Regni , & Patria carissima, servet te diu sospi- <sup>V.</sup>

F f tem,

tem, claram, & liberam Dominus. O Patria chara, multoties, & in multis à scopo aberrasti, & te turpiter gessisti, & ad servitutem fores aperuisti, quia cultum veri Dei in multis locis deseruisti, & consilia recta contempsisti.

VI. Coepiscoporum meorum. Deus vobis, ô fratres honorandissimi, det vigilantiam super vos & super greges vestros, ratio stricta imminet. Orate Dominum Deum, & pro meis culpis plus aliis prestare, debui, minus vobis omnibus prestiti, juvate Fratrem vestrum mortuum qui vivus semper vobis satisfacere volui.

VII. Capituli mei, Cleri mei, & Ovium Christi Domini mihi commissarum. Multis non placui, nec tam placere, quam prodesse volui, amariorem inter, sed amans vestri fui. Nunquam cuiquam nisi ejus moribus offensior. Imperfecti quarite viam perfectionis. Mediocres proficere satagite. Perfecti Philautiam cavete, humilitatem retinete, supercilium deprime. Societas Nominis Iesu ora pro me, & da veniam zelo meo, cui facultas defuit. Fratres Rosarii, Sancta Anna, Corporis Domini, Sancti Ioannis Baptista, Misericordia, Cordigerorum oro, me Deo commendate, ut defectus meos remittat.

Col-

*Collegarum Senatorum.* O senes Patria, Pa-<sup>VIII.</sup>  
 triam antiquo modo colite, moribus, & virtutibus  
 antiquis conservate. Rebus propria nomina date.  
 Concordiam servate, Æquitatem diligite, Æqua-  
 litatem custodite, Ambitioni occurrите. Iustitia sem-  
 per fautores estote.

*Matris Academia Cracoviensis.* Debeo tibi<sup>IX.</sup>  
 quidquid fui, Polonus Polonia, tua tantum ubera  
 lambens, tibi me & nunc commendo, moriens &  
 mortuus, plus debui quam præstiti, Sarciat imper-  
 fectum meum Sancta Anna Mater Matris Dei,  
 & Sanctus Florianus.

*Fratrum Consanguineorum, & Familia.* Parcite<sup>x.</sup>  
 si vos juvare non potui, feci quod potui, facite vos  
 quod potestis in alios pari fide. Nemo vestrum fame  
 mortuus, & nec morietur fidens Deo. Patria nè  
 deestote. Præmia non expectate, nisi sempiterna,  
 virtuti ea non deerunt, vel toto mundo reluctante.

*Familiarium & Domesticorum.* Parcite, quia<sup>XI.</sup>  
 & ego peperci, si nocui admonendo, ecce jam taceo.  
 Si retinui præmium, vos ipsi testes. si quis, me in-  
 scio in se injurius, sibi det veniam, ad clavum ne  
 impingat, caveat.

*Pauperum & Scholarum.* Tenuem dispensa-<sup>XII.</sup>  
 Ff 2 torem,

torem, sed vestri boni cupidum habuistis, sit gratum orare pro me, unum Ave Maria. Nemo pauper nisi animo. Fortuna nulli injuriam facit, cui Deum sequi lubet.

- XIII. *Funeris proprii.* Sepelite ut vultis, ego mortuus non superbio, esca vermium, qui vivus inter Reges, & Principes me terram semper memini.

*Gratitudinis erga Deum Optimum.* Quia hominem alicujus loci esse voluit, Christianum fecit, Sacerdotio ornavit. Pastorem sui populi constituit, gubernavit, defendit in variis casibus, misericorditer sublevavit.

Gratias etiam ago.

- I. *Parentibus pro diligenti educatione.*  
 II. *Præceptoribus.* Adamo Lascensi, Ioanni VVirzeyski, Luca Cieszkovio, Benedicto Kotarski, Iacobo Gorscio, Obrebio, Bodzencinio, Szatkovio; Alberto Novicampanio pro benevolentia & amore singulari.  
 III. *Dominis meis,* Iacobo Vchanski Archiepiscopo Gnezneni, Valentino Dembinski Regni Cancellario, Ioanni Chodkiewicz Castellano Vilnensi, pro primordiis exercitiorum in Republica.

Pa-

*Patronis.* Stanisław Hosio Cardinali, Martino <sup>IV.</sup> Cromero, Varmiensis Ecclesia Episcopis, Stanisław Karnkovich Archiepiscopo Gneznenfi, Hieronymo Rozrazenski Cujaviensi, Petro VVolski Plocensi, Laurentio Goslicki Poznaniensi cum quo in studiis Cracovia crevi. Petro Kořka Culmensi, Valeriano Vilnensi Episcopis, pro declarata in multis gratia, benevolentia, ac beneficentia.

*Amicis.* Ioanni Kořka Palatino Sendomiriensi, Nicolao Mieleczy Palatino Podolia ac Tenczyniis Fratribus, Senatoribus; Stanisław Zolkienski Castellano Leopoliensi, Nicolao Herburt, Castellano Premisliensi, Capitaneo Leopoliensi, Ioanni Lesniowvski Pocilatori Leopoliensi, Stanisław Krasinski Archidiacono Cracoviensi. Pro omni studio, & interdum pro insignibus officiis. Mielecio verò pro insigni Eleemosyna in pios usus Ecclesia, & Pauperum Leopoliensium.

*Consanguineis & Fratribus.* Stanisław Golo-<sup>VI.</sup>minski Episcopo Luceoriensi, Alberto Łaski Palatino Siradiensi, Ioanni Ostrorog Castellano Poznaniensi, viro digno Maximo loco Reipublica, Iacobo Pretwicz Castellano Camenecensi, Fredro Boniecki, Sienicki, Trasko, Oxo, pro multis signis

*amoris & benevolentia. Retribuat ea omnibus misericors & justus Deus gratiâ suâ vivis, & mortuis gloriâ sempiterna.*

### Rogo Vos.

I. Magni in Republica viri, Petre Tylicki Episcopo Varmiensis, & Regni ViceCancellarie, Nicolae Zebrydowski Palatine Cracoviensis, Ioannes Zamoycki Cancellarie, & Regni exercituum Dux, vosque alii Patriæ Principes. Servate hanc Rempublicam ab interitu. Agitur causa Dei, conscientia, honoris nostri, & præmii sempiterni. Præstate vos viros, cum honor Dei id requirit. Non estis imbelles, ornavit & armavit vos rebus omnibus hac Patria, omnia illi debetis. Nepotes meos habete etiam vestra gratia commendatos, si boni erunt. Et te Georgi Mnissek Palatine Sendomiriensis, benefactor meus, minor licet ætas dispares habebat, nunc unus pietatis junxit, & adhuc junget amor.

II. Bernarde Maciejowski Episcopo Cracoviensis amabilis. Tu meo funeri, & ego tuo adesse promissimus, si poteris, spero facies, & me in meis Nepotibus amabis. Nosti quo semper fuerim in te animo, & Deus melius.

Si-

*Sigismunde Rex, rogo te per Dei misericordiam, III. ut talem huic loco Pastorem provideas, qui laborem sustinere possit, in omnes partes vigilet, & Zelum Dei habeat. Fratrem etiam meum Albertum tua Majestati commendo. Fecit omnia qua potuit tui causa; Et alter Stanislaus tibi serviens mortuus est, filius eorum, rogo, sis clemens Pater & Dominus.*

*Alberte Frater, servivisti mihi uti bonum Fratrem deceit, rependat tibi Dominus Deus quod ego non potui. Valete omnes & mori mementote. IV.*

F I N I S.











